

SVJETSKI ANDTIDOPING KODEKS
MEĐUNARODNI STANDARD ZA TESTIRANJE

Januar 2009. godine

Međunarodni standard za testiranje

Međunarodni standard za testiranje je prvi put usvojen 2003. godine i stupio je na snagu 2004. godine. U priloženom su i revizije Međunarodnog standarda za testiranje usvojene od strane Izvršnog odbora Svjetske antidoping agencije 10.5.2008. godine. Revidirani Međunarodni standard za testiranje je na snazi od 1.1.200. godine.

Izdano 16.5.2008. godine

Izdavač:
Svjetska antidoping agencija
Stock Exchange Tower
800 Place Victoria (Suite 1700)
PO Box 120
Montreal, Quebec,
Canada H4z 1B7

Web adresa: www.wada-ama.org

Tel: +1 514 904 9232

Fax: +1 514 904 8650

E-mail: code@wada-ama.org

PREDGOVOR

Međunarodni Standard za testiranje „Svjetskog antidoping kodeksa“ je obavezni međunarodni standard (Nivo 2) razvijen kao dio „Svjetskog antidoping programa“.

Verzija 3.0 Međunarodnog standarda za testiranje iz 2003.godine je odobrena od strane Izvršnog odbora WADA-e 7.6.2003. godine. Zbog usaglašavanja revizija „Svjetskog antidoping kodeksa“ iz 2003.godine, inicirane su konsultacije sa „potpisnicima“ da bi se izvršila revizija Međunarodnog standarda za testiranje. Verzija 1.0 revidiranog Međunarodnog standarda za testiranje je u avgustu 2006. godine dostavljena „potpisnicima“ i vladama na pregled i komentare. Verzije 2.0 (2007. godine), 3.0 (2007. godine) i 4.0 (2008. godine) su takođe bile revidirane na osnovu komentara i prijedloga dobivenih od „potpisnika“ i vlada u tadašnjem konsultacijskom procesu. Međunarodni standard za testiranje (januar 2009. godine) je odobren od strane Izvršnog odbora WADA-e u maju 2008. godine.

WADA će održavati službeni tekst Međunarodnog standarda za testiranje i objaviti ga na engleskom i francuskom jeziku. U slučaju konflikte između engleske i francuske verzije, engleska verzija će biti mjerodavna.

SADRŽAJ

PRVI DIO: UVOD, ODREDBE KODEKSA I DEFINICIJE

- 1.0 Uvod i obim
- 2.0 Odredbe Antidoping kodeksa
- 3.0 Termini i definicije, i interpretacija
 - 3.1 Definirani termini iz Antidoping kodeksa iz 2009. godine
 - 3.2 Definirani termini specifični za Međunarodni standard za testiranje
 - 3.3 Interpretacija Međunarodnog standarda za testiranje

DRUGI DIO: STANDARDI ZA TESTIRANJE

- 4.0 Planiranje
 - 4.1 Svrha
 - 4.2 Opće odredbe
 - 4.3 Uslovi za planiranje distribucije testiranja
 - 4.4 Uslovi za izbor sportista za testiranje
- 5.0 Obavještanje sportista
 - 5.1 Svrha
 - 5.2 Opće odredbe
 - 5.3 Uslovi koje treba ispuniti prije obavještanja sportista
 - 5.4 Uslovi koje treba ispuniti pri obavještanju sportista
- 6.0 Pripreme procesa sakupljanja uzoraka
 - 6.1 Svrha
 - 6.2 Opće odredbe
 - 6.3 Uslovi koje treba ispuniti za pripremu procesa sakupljanja uzoraka
- 7.0 Provođenje procesa prikupljanja uzoraka
 - 7.1 Svrha
 - 7.2 Opće odredbe
 - 7.3 Uslovi koje treba ispuniti prije prikupljanja uzoraka
 - 7.4 Uslovi koje treba ispuniti za prikupljanje uzoraka
- 8.0 Sigurnosna/Post test administracija
 - 8.1 Svrha
 - 8.2 Opće odredbe
 - 8.3 Uslovi koje treba ispuniti za sigurnosnu/Post test administraciju
- 9.0 Transport uzoraka i dokumentacija
 - 9.1 Svrha
 - 9.2 Opće odredbe
 - 9.3 Uslovi koje treba ispuniti za transport i skladištenje uzoraka i dokumentacije
- 10.0 Vlasništvo nad uzorcima
- 11.0 Uslovi za popunjavanje obrasca o mjestu boravka sportiste
 - 11.1. Svrha/Opća načela

- 11.2. Uslovi za određivanje registrirane test grupe
- 11.3. Uslovi za popunjavanje formulara o mjestu boravka
- 11.4. Dostupnost za testiranje
- 11.5. Timski sportovi
- 11.6. Vođenje rezultata
- 11.7. Odgovornosti „Antidoping organizacija“ po pitanju mjesta boravka

TREĆI DIO: DODACI

Dodatak A – Istraživanje eventualnog nepridržavanja uslovima

Dodatak B – Prilagodbe za sportiste invalide

Dodatak C – Prilagodbe za maloljetne sportiste

Dodatak D – Sakupljanje uzoraka urina

Dodatak E– Sakupljanje uzoraka krvi

Dodatak F – Uzorci urina – nedovoljna količina

Dodatak G - Uzorci urina koji ne ispunjavaju uslove za odgovarajuću specifičnu težinu za analizu

Dodatak H – Uslovi koje mora ispunjavati osoblje za sakupljanje uzoraka

PRVI DIO : UVOD, ODREDBE KODEKSA I DEFINICIJE

1.0 Uvod i obim

Glavna svrha Međunarodnog standarda za testiranje je planiranje efikasnog testiranja, i na takmičenju i izvan takmičenja i da održi integritet i identitet sakupljenih uzoraka, od trenutka obavještanja sportiste o testiranju do trenutka transporta uzoraka u laboratoriju radi analize.

Međunarodni standard za testiranje uključuje standarde za planiranje distribucije testiranja, obavještanje sportista, pripreme za sakupljanje uzoraka i sakupljanje uzoraka, sigurnosnu/post test administraciju i transport uzoraka.

Pored toga, odjeljak 11.0 Međunarodnog standarda za testiranje utvrđuje obavezne standarde određene od strane IF-ova i NADO-a koji se moraju implementirati (kao i ostali priznati i primjenjivi od strane drugih antidoping organizacija) kao uslovi vezani za prijavu mjesta prebivališta koji se primjenjuju prema sportistima u odnosu na to kojoj „registriranoj test grupi“ pripadaju. Neispunjavanje ovih uslova tri puta u periodu od tri mjeseca smatrat će se kršenjem antidoping pravila po Članu 2.4 „Svjetskog antidoping kodeksa“.

Međunarodni standard za testiranje, uključujući sve anekse, je obavezujući za sve potpisnike „Svjetskog antidoping kodeksa.“

Svjetski antidoping program obuhvata sve potrebne elemente da bi se osigurala optimalna harmonizacija i najbolja izvedba u međunarodnih i nacionalnih antidoping programa. Glavni elementi su: „Svjetski antidoping kodeks“ (prvi nivo), Međunarodni standardi (drugi nivo), Modeli za najbolju primjenu u praksi (treći nivo).

U uvodnom dijelu „Svjetskog antidoping kodeksa“, svrha implementacije Međunarodnih standarda je predstavljena ukratko:

„Međunarodni standardi za različita tehnička i operativna pitanja u okviru antidoping programa biće određeni u saradnji sa „potpisnicima“ i vladama i odobren od strane Svjetske antidoping agencije (WADA). Svrha međunarodnih standarda je harmonizacija među antidoping organizacijama odgovornim za određene tehničke i operativne segmente antidoping programa. Poštovanje međunarodnih standarda nalaže poštovanje „Svjetskog antidoping kodeksa.“ Međunarodne standarde s vremena na vrijeme može revidirati Izvršni odbor WADA-e nakon razumnog savjetovanja sa „potpisnicima“ i vladama. Ukoliko nije drugačije predviđeno „Svjetskim antidoping kodeksom“ međunarodni standardi i sve revizije stupiće na snagu na dan koji je naveden u međunarodnom standardu ili reviziji.“

Definicije definirane u „Svjetskom antidoping kodeksu“ biće pisane pod navodnim znacima. Dodatne definicije određene Međunarodnim standardom za testiranje biće podvučene.

2.0 Odredbe „Svjetskog Antidoping Kodeksa“

Slijedeći članovi „Svjetskog antidoping kodeksa“ iz 2009.godine se direktno odnose na „Međunarodni standard za testiranje“:

Član 2 „Svjetskog antidoping koda“: Kršenje antidoping pravila

2.3 Odbijanje ili nepristajanje bez uvjerljivog opravdanja, da se preda uzorak poslije obavještenja kao što je predviđeno važećim antidoping pravilima ili izbjegavanje sakupljanja uzorka na bilo koji način.

[Komentar na član 2.3: Neispunjavanje ili odbijanje davanja uzorka poslije obavještenja zabranjeno je u gotovo svom postojećim antidoping pravilima. Ovaj član proširuje tipično pravilo da bi uključio i „izbjegavanje davanja uzorka na drugi način“ kao zabranjen vid ponašanja. Zbog toga, na primjer, povreda antidoping pravila bila bi počinjena ako se ustanovi da se sportista krije od zvaničnika doping kontrole da bi izbjegao obavještanje ili testiranje. Prekršaj „odbijanjem ili neprijavlivanjem na „Davanje uzorka““ može biti zasnovano na namjernom ili nehatnom ponašanju sportiste, dok „izbjegavanje“ prikupljanja uzoraka uključuje namjeru sportiste.]

2.4 **Neispunjavanje određenih uslova u pogledu dostupnosti sportiste za testiranje izvan takmičenja**, uključujući i nedostavljanje podataka o boravištu i propuštanje testiranja objavljenih u skladu sa „Međunarodnim standardima za testiranje.“ Bilo koja kombinacija od tri propuštena testiranja i/ili davanja podataka o boravištu, u periodu od 18 mjeseci, kako je određeno od strane „Antidoping organizacija“ u čijim je nadležnosti sportista, treba biti tretirana kao povreda antidoping pravila.

[Komentar na član 2.4: Odvojene greške u prijavi mjesta prebivališta i propušteni testovi određene pravilima međunarodne federacije kojoj sportista pripada ili bilo koje druge antidoping organizacije sa nadležnošću za objavljivanje grešaka u prijavi mjesta prebivališta i propuštenih testova u skladu sa „Međunarodnim standardom za testiranje“ će biti kombinirana u prijavi ovog Člana. Pod odgovarajućim okolnostima propuštena testiranja ili greške u prijavi mjesta prebivališta mogu biti smatrane kršenjem antidoping pravila iz Člana 2.3 ili Člana 2.5]

2.5 Onemogućavanje, ili pokušaj da se onemogući bilo koji dio doping kontrole

[Komentar na član 2.5: Ovaj član zabranjuje ponašanje kojim se podriiva proces doping kontrole, ali koje inače ne bi bilo uključeno u tipičnu definiciju zabranjenih metoda. Na primjer, mijenjanje identifikacijskih brojeva na formularu za doping kontrolu tokom testiranja ili razbijanje bočice B u vrijeme analize uzorka B ili davanje lažnih informacija „Antidoping organizaciji.“]

2.8 Davanje ili pokušaj davanja bilo kojem sportisti bilo koje zabranjene metode ili tvari na takmičenju, ili davanje ili pokušaj davanja bilo kojem sportisti izvan takmičenja bilo koje zabranjene metode ili tvari koja je zabranjena izvan takmičenja, ili pomaganje, ohrabrivanje, podsticanje, zataškavanje ili bilo koji drugi vid saučesništva koji uključuje prekršaj antidoping pravila ili pokušaj prekršaja antidoping pravila.

[Komentar na član 2: „Antidoping kodeks“ ne ustanovljava povredu antidoping pravila za sportistu ili druge osobe koje rade ili se druže sa pomoćnim osobljem sportiste kojem traje period zabrane obavljanja dužnosti. U svakom slučaju sportske asocijacije mogu svojim pravilima predvidjeti zabrane takvog ponašanja.]

Član 3 „Antidoping kodeksa“: Dokaz o dopingu

3.2.2 Odstupanja od bilo kojeg „međunarodnog standarda“ za testiranje koje nije prouzrokovalo „nepovoljan analitički nalaz“ ili drugi prekršaj antidoping pravila neće poništiti takve rezultate. Ako sportista ili druga osoba dokaže da je došlo do odstupanja od drugog međunarodnog standarda ili drugog antidoping pravila ili načina postupanja koja je mogla razumno izazvati „nepovoljan analitički nalaz“ ili je došlo do povrede nekog drugog antidoping pravila, tada je na „antidoping organizaciji“ teret da dokaže da takvo odstupanje nije prouzrokovalo „nepovoljan analitički nalaz“ ili činjeničnu osnovu za povredu antidoping pravila.

Član 5 „Antidoping kodeksa“: Testiranje

5.1 Plan rasporeda testiranja. Uskladu s pravnim ograničenjima za testiranje na takmičenju u Članu 15.1, svaka će nacionalna „Antidoping organizacija“ imati nadležnost za testiranje nad svim sportistima koji su prisutni u toj zemlji, ili koji su državljani, stanovnici, imaoци dozvola ili članovi sportskih organizacija u toj zemlji. Svaki će međunarodni savez imati nadležnost za testiranje nad svim sportistima koji su članovi nacionalnih saveza koji su članovi određenih međunarodnih saveza ili koji učestvuju u događajima koje organizuje određeni nacionalni savez. Svi sportisti se moraju odazvati pozivu na testiranje od strane „Antidoping organizacije“ koja je za njih nadležna. U saradnji sa drugim „Antidoping organizacijama“ koje provode testiranje na istim sportistima, a u skladu sa „Međunarodnim standardom za testiranje, svaka će preduzeti slijedeće:

5.1.1 Planirati i sprovesti djelotvoran broj testova na takmičenja i izvan takmičenja nad sportistima nad kojima imaju nadležnost uključujući tu, ali ne ograničavajući se samo na sportiste koji pripadaju njihovoj „registriranoj test grupi“. Svaka međunarodna federacija će uspostaviti „Registrovanu test grupu“ za sportiste međunarodnog ranga u svom sportu, a svaka nacionalna „Antidoping organizacija“ će uspostaviti „Registrovanu test grupu“ za sportiste koji se nalaze u njenoj državi ili su državljani, imaju boravište te države ili su članovi sportskih organizacija te zemlje. U skladu sa Članom 14.3, svaki sportista uključen u „Registrovanu test grupu“ ima obavezu u pogledu dostavljanja obrazaca o lokaciji nadležnoj organizaciji, utvrđenim u „Međunarodnim standardima za testiranje.“

5.1.2 Osim u iznimnim slučajevima, sva testiranja izvan takmičenja će biti ona bez prethodne najave.

5.1.3 Ciljano testiranje imati za prioritet

5.1.4 Provoditi testiranje na sportistima kojima traje period zabrane na takmičenjima ili privremena suspenzija.

[Komentar na član 5.1.3.: Ciljano testiranje je posebno navedeno jer nasumično testiranje, ili čak plansko nasumično testiranje, ne osigurava da će svi odgovarajući sportisti biti testirani. (Na primjer, sportisti svjetskog nivoa, sportisti čiji su se rezultati drastično poboljšali u kratkom vremenskom periodu, sportisti čiji su treneri ranije radili s pozitivno testiranim sportistima, itd.)

Očigledno, ciljano testiranje ne može se koristiti za bilo koju drugu svrhu osim legitimne doping kontrole. „Svjetski antidoping kodeks“ jasno predviđa da sportisti nemaju prava očekivati da će bit testirani jedino nasumično. Slično tome, on ne zahtijeva razumnu sumnju ili vjerovatan uzrok kao zahtjev za ciljano testiranje.]

5.2 Standardi za testiranje. „Antidoping organizacije koje su nadležne za testiranje moraju provoditi takvo testiranje u skladu sa „Međunarodnim standardom za testiranje.“

5.3 Povratak takmičenju sportista koji su okončali sportsku karijeru.

Svaka „Antidoping organizacija“ mora uspostaviti pravila koja se odnose na uslove za povratak sportista koji nisu bili nepodobni i okončali su svoju sportsku karijeru dok su bili uključeni u određenu „Registriranu test grupu“ i onda traže da se vrate u aktivno bavljenje sportom.

Član 7 „Svjetskog antidoping kodeksa“: Vodenje rezultata

7.1 Početna revizija povodom „nepovoljnih analitičkih nalaza.“ Po primitku „nepovoljnog analitičkog nalaza“ uzorka A, antidoping organizacija odgovorna za vođenje rezultata sprovodi reviziju da bi utvrdila slijedeće: (a) odgovarajuće „Izuzeće radi primjene u terapijske svrhe“ je odobreno, ili (b) postoji očigledno odstupanje od „Međunarodnog standarda za testiranje“ ili „Međunarodnog standarda za laboratorijsku analizu“ koje je prouzrokovalo „nepovoljan analitički nalaz.“

7.2 Obavještenje poslije početne revizije s obzirom na „nepovoljan analitički nalaz.“ Ako se tokom početne revizije „nepovoljnog analitičkog nalaza“ prema članu 7.1 ne utvrdi odgovarajuće „Izuzeće radi primjene u terapijske svrhe“ ili ovlaštenje na „Izuzeće radi primjene u terapijske svrhe“ kako je dopušteno „Međunarodnim standardom za Izuzeće radi primjene u terapijske svrhe“ ili odstupanje koje je izazvalo „nepovoljan analitički nalaz“, „Antidoping organizacija“ će odmah obavijestiti sportistu na način reguliran njenim pravilima, o: (a) „nepovoljnom analitičkom nalazu“; (b) antidoping pravilu koje je prekršeno; (c) pravu sportiste da u najkraćem roku zatraži analizu uzorka B ili, ako taj zahtjev ne postavi, da se smatra da se odrekao analize uzorka B; (d) o datumu, mjestu i vremenu određenom za analizu B uzorka ako sportista ili „Antidoping organizacija“ odluči da traži analizu B uzorka; (e) o mogućnosti sportiste i/ili njegovog predstavnika da prisustvuje analizi i otvaranju B uzorka u vremenskom roku određenim „Međunarodnim standardom za laboratorije“ ako se postavi zahtjev za i (f) pravu sportiste da zahtijeva kopije laboratorijske dokumentacije za A i B uzorak koja uključuje podatke u smislu zahtjeva „Međunarodnog standarda za laboratorije.“ „Antidoping organizacija“ će obavijestiti druge „Antidoping organizacije“ na način opisan u stavu 14.1.2. Ako „Antidoping organizacija“ ne odluči navesti „nepovoljan analitički nalaz“ kao kršenje antidoping pravila o tome će obavijestiti sportistu i antidoping organizacije na način naveden u stavu 14.1.2.

7.3 Revizija atipičnih nalaza

Kao što je navedeno u „Međunarodnim standardima“, u određenim slučajevima laboratorijama se nalaže da informiraju o prisustvu zabranjenih tvari koje se mogu proizvoditi i endogeno kao „atipičan nalaz“ koji se treba dalje istražiti. Nakon primitka „atipičnog uzorka“ A, „Antidoping organizacija“ odgovorna za upravljanje rezultatima će odlučiti da li : (a) je odobreno odgovarajuće „Izuzeće radi primjene u terapijske svrhe“, ili (b) postoji očigledno odstupanje od „Međunarodnog standarda za testiranje“ ili „Međunarodnog standarda za laboratorijsku analizu“ koje je izazvalo „atipičan nalaz“. Ako se tom revizijom

ne utvrdi odgovarajuće „Izuzeće radi primjene u terapijske svrhe“ ili odstupanje od „Međunarodnog standarda za testiranje“ ili „Međunarodnog standarda za laboratorijsku analizu“ koje je izazvalo „atipičan nalaz“, „Antidoping organizacija će sprovesti dalja istraživanja. Kada je istraživanje gotovo, sportista i druge antidoping organizacije treba da budu obavještene u skladu sa članom 14.1.2, o rezultatima, nevezano da li se atipični nalaz tretira kao nepovoljni analitički nalaz ili ne. Sportista treba da bude obavješten u skladu sa članom 7.2.

7.3.1 „Antidoping organizacija“ neće obavijestiti nikoga o „atipičnom nalazu“ sve dok ne završi istraživanje i dok ne odluči da li će „atipični nalaz“ tretirati kao „nepovoljni analitički nalaz“, osim ako ne postoji neka od slijedećih okolnosti:

a) ako se „Antidoping organizacija“ odluči da analiza uzorka B treba da prethodi zaključku istrage u skladu sa članom 7.3, ona može da pristupi analizi uzorka B, nakon što obavijesti sportistu obavještenjem koje između ostalog, sadrži opis „atipičnog nalaza“ i informacije opisane u članu 7.2;

b) ako „Antidoping organizacija“ primi zahtjev, bilo od organizatora velikog sportskog takmičenja, neposredno prije međunarodnog takmičenja, ili od sportske organizacije odgovorne djelovanje u skladu sa rokovima za određivanje članova timova na međunarodnom takmičenju, da utvrdi da li za sportiste koji se nalaze na listi organizatora velikog sportskog takmičenja ili sportske organizacije postoji „atipičan nalaz“ u iščekivanju, „Antidoping organizacija“ će identificirati svakog takvog sportistu nakon što prije toga obavijesti sportistu o „atipičnom nalazu.“

[Komentar na član 7.3.1.(b): Pod uslovima opisanim u Članu 7.3.1(b) dalje akcije biće prepuštene organizatorima velikih takmičenja ili sportskim organizacijama, u skladu sa njihovim pravilima]

7.4 Revizija drugih kršenja antidoping pravila koja nisu pokrivena Članovima 7.1-7.3

„Antidoping organizacija“ ili drugo revizorsko tijelo koje osniva ta organizacija će provesti nastavak istrage mogućeg kršenja antidoping pravila ako tako zahtijevaju primjenjiva antidoping politika i pravila u smislu „Svjetskog antidoping kodeksa“ ili ako ih „Antidoping organizacija“ smatra odgovarajućima na drugi način. Kada „antidoping organizacija“ utvrdi da je došlo do kršenja antidoping pravila odmah će o tome obavijestiti sportistu ili drugu osobu za primanje takvih obavještenja u skladu sa svojim pravilima o kršenju antidoping pravila i osnovi samog prekršaja. Ostale „Antidoping organizacije“ će se obavještavati na način predviđen stavom 14.1.2.

7.6 Povlačenje iz sporta

Ako se sportista ili druga osoba povuče iz sporta dok je u toku proces upravljanja rezultatima, „Antidoping organizacija“ nadležna za sprovođenje tog procesa, zadržava pravo da isti dovede do kraja. Ukoliko se sportista ili druga osoba povuku iz sporta prije nego što je započet proces vođenja rezultata, „Antidoping organizacija“ koja bi trebalo da ima nadležnost za vođenje rezultata nad sportistom ili drugom osobom u vrijeme kada je sportista ili druga osoba počinila povredu antidoping pravila ima nadležnost da sprovede proces vođenja rezultata.

[Komentar na stav 7.6: Ponašanje sportiste li druge osobe prije nego što su potpali pod nadležnost bilo koje „Antidoping organizacije“ neće predstavljati povredu „antidoping

pravila“, ali može predstavljati legitimnu osnovu za odbijanje članstva sportiste ili druge osobe u sportskoj organizaciji]

Član 10 „Svjetskog antidoping kodeksa“: Sankcije za pojedince

10.3.3 Za povrede člana 2.4 (propuštanje prijave boravišta ili propuštanje testiranja), period zabrane biće najmanje 1 godina i najviše 2 godine, zavisno od stepena krivice sportiste.

[Komentar na član 10.3.3: Sankcija za povredu iz člana 10.3.3. treba da bude 2 (dvije) godine u slučaju tri propuštanja prijave boravišta ili testiranja koja su bez opravdanja. U ostalim slučajevima, zabrana će biti određene u rasponu od 2 (dvije) godine do 1 (jedne) godine, zavisno od okolnosti slučaja.]

10.11 Testiranje radi ponovnog uključenja sportiste.

Kao uslov za ponovno dobivanje prava učešća na sportskim manifestacijama posle isteka utvrđenog perioda zabrane, sportista mora, tokom bilo kog perioda privremene suspenzije ili zabrane, da bude na raspolaganju „Antidoping organizaciji“ koja je nadležna za testiranje radi obavljanja testiranja izvan takmičenja, i mora, na zahtjev, da dostavi najnovije i tačne informacije o svom boravištu. Ako se sportista koji je pod kaznom zabrane povuče iz sporta i bude isključen iz grupe za testiranje izvan takmičenja, a kasnije zatraži da mu se ponovo odobri učešće u sportskim manifestacijama, neće se smatrati da sportista ispunjava uslove za ponovno dobivanje dozvole dok ne obavijesti relevantne antidoping organizacije i bude podvrgnut testiranju izvan takmičenja u vremenskom periodu jednakom preostalom periodu zabrane računajući od datuma kada se sportista povukao.

Član 14 „Svjetskog antidoping kodeksa“: Povjerljivost i izvještavanje

14.3 Informacije o boravištu sportiste

Kao što je predviđeno u „Međunarodnom standardu za testiranje“, sportisti koje je njihova međunarodna federacija ili nacionalna i „Antidoping organizacija“ uvrstila u „Registiranu test grupu“ izvan takmičenja obavezni su da pruže tačne, najnovije podatke o svom boravištu. Međunarodne federacije i nacionalne antidoping organizacije moraju usklađivati identifikaciju sportista koji će biti testirani i za prikupljanje najnovijih informacija o njihovom trenutnom boravištu i dostaviti ih WADA-i. Ove informacije će putem ADAMS-a biti dostupne drugim antidoping organizacijama koje su nadležne i imaju ovlaštenje da testiraju sportistu kao što se navodi u članu 15. Ove informacije treba čuvati u strogoj povjerljivosti u svako doba; mogu se koristiti isključivo u svrhe planiranja, koordiniranja i sprovođenja testiranja; i biće uništene nakon što više ne budu potrebne za te svrhe.

14.5 Mjesta za razmjenu podataka o doping kontroli

WADA će obavljati funkciju centralne ustanove za prikupljanje i distribuciju podataka o doping kontroli i rezultata sportista međunarodnog nivoa i sportista nacionalnog nivoa koji su uvršteni u „Registiranu test grupu“ njihove nacionalne „Antidoping organizacije.“ Da bi se olakšalo koordinirano planiranje distribucije testova i da bi se izbjeglo nepotrebno ponavljanje testiranja od strane različitih antidoping organizacija, svaka „Antidoping organizacija“ treba da prosljedi sve testove sprovedene na takmičenju i izvan takmičenja nad odgovarajućim sportistima WADA centru u što kraćem roku nakon što su bili sprovedeni. Ove informacije će biti dostupne sportisti, federaciji sportiste, nacionalnom olimpijskom komitetu ili nacionalnom paraolimpijskom komitetu, nacionalnoj antidoping organizaciji, međunarodnoj federaciji, i Međunarodnom olimpijskom komitetu ili Međunarodnom paralimpijskom komitetu.

Da bi omogućila svoje funkcioniranje kao ustanove za prikupljanje i distribuciju informacija o doping kontroli, WADA je razvila ADAMS, alat za rukovođenje bazom podataka, koja oslikava princip zaštite podataka. U suštini WADA je razvila ADAMS da bi se ostalo dosljedno principu zaštite podataka i normama koje ovo regulišu, a kojih se pridržavaju WADA i druge organizacije koje koriste ADAMS. Privatni podaci sportiste, pomoćnog osoblja sportiste, i drugih umiješanih u antidoping aktivnosti, biće čuvani i s njima će upravljati WADA, pod nadzorom kanadskih pravila o privatnosti i zaštiti privatnosti, strogo poverljivo, i u skladu sa međunarodnim standardom zaštite privatnosti. WADA će, bar jednom godišnje, objavljivati izvještaje sa statističkim prikazom podataka koje je primila, osiguravajući pri tome da je privatnost sportiste potpuno poštovana, i djelujući, na taj način, u skladu sa nacionalnim i regionalnim pravilima o zaštiti privatnosti.

14.6 Privatnost podataka

Kada sprovodi obaveze koje „Svjetski antidoping kodeks“ nameće, „Antidoping organizacija“ prikuplja, čuva, obrađuje i objavljuje lične informacije vezane za sportistu i treće osobe. Svaka „Antidoping organizacija“ treba da osigura da djeluje u skladu sa zakonskim normama o zaštiti privatnosti, kao i sa „Međunarodnim standardom“ zaštite privatnosti koji WADA usvoji kako bi osigurala da sportisti i druge osobe budu potpuno informirani o povjerljivosti, i da, kada je to potrebno, budu spremni da pristanu na korištenje njihovih privatnih podataka u sklopu antidoping aktivnosti, koje se proizilaze u skladu sa „Svjetskim antidoping kodeksom.“

Član 15 „Svjetskog antidoping kodeksa“: Objašnjenje odgovornosti za doping kontrolu

15.1 Testiranja na sportskom događaju

Prikupljanje uzoraka za doping kontrolu provodi se i treba se provoditi i na međunarodnim i na nacionalnim sportskim događajima. Međutim, osim ako je drugačije navedeno u nastavku, samo jedna organizacija treba biti odgovorna za počinjanje i upravljanje testiranjem za vrijeme trajanja sportskog događaja. Na međunarodnim sportskim događajima, prikupljanje uzoraka za dopinšku kontrolu počinje i njime rukovodi ona međunarodna organizacija koja djeluje kao upravno tijelo rečenog sportskog događaja (npr. Međunarodni olimpijski odbor, IOC, za Olimpijske igre, međunarodni savezi za svjetska prvenstva i Panamerička športska organizacija za Panameričke igre). Na nacionalnim sportskim događajima, prikupljanje uzoraka za dopinšku kontrolu otpočinje i njime rukovodi imenovana nacionalna „Antidoping organizacija te države.“

15.1.1 Ako „Antidoping organizacija“ koja nije odgovorna za organiziranje testiranja na sportskom događaju ipak želi provesti dodatno testiranje sportista na tom sportskom događaju, „Antidoping organizacija“, prvo će se savjetovati s tijelom koje upravlja takmičenjem da bi za to dobila dozvolu i da bi se koordiniralo svako daljnje testiranje. Ukoliko „Antidoping organizacija“ nije zadovoljna odgovorom tijela koje upravlja takmičenjem, „Antidoping organizacija“ može pitati WADA-u za dozvolu dodatnog testiranja i za određivanje načina koordinacije takvog dodatnog testiranja. WADA neće dati pristanak za takvo dodatno testiranje prije konsultiranja i informiranja tijela koja upravlja događajem.

[Komentar stava 15.1.1.: Prije davanja odobrenja nacionalnoj „Antidoping organizaciji“ za provođenje testiranja na međunarodnom sportskom događaju, WADA će se konsultirati s

međunarodnom organizacijom koja upravlja tim sportskim događajem. Prije davanja odobrenja međunarodnoj organizaciji za testiranje na nacionalnom sportskom događaju, WADA će se konzultirati s nacionalnom antidopinškom organizacijom države u kojoj se sportski događaj odvija. "Antidoping organizacija" koja "počinje i usmjerava testiranje" može, ako odluči, sklopiti sporazum s drugim organizacijama na koje prenosi odgovornost za prikupljanje uzoraka i druge aspekte postupka dopinške kontrole.]

15.2 Testiranje izvan takmičenja

Testiranje izvan takmičenja pokreću i provodit će ga i međunarodne i nacionalne organizacije. Testiranje izvan takmičenja mogu inicirati i provoditi: (a) WADA; (b) Međunarodni olimpijski odbor ili Međunarodni paraolimpijski odbor s obzirom na Olimpijske igre i Paraolimpijske igre; (c) sportaševa međunarodna federacija; ili (d) bilo koja druga „Antidoping organizacija“ koja ima nadležnost za testiranje nad sportistom kao što je navedeno u članku 5.1. (Planiranje raspodjele testova). Testiranje izvan takmičenja će se usklađivati kroz ADAMS kad god je to moguće kako bi se maksimalno pojačala djelotvornost mjera za kombinirano testiranje i izbjegla nepotrebna ponavljanja testiranja pojedinih sportista.

[Komentar člana 15.2.: Dodatna ovlast za provođenje testiranja može se odobriti bilateralnim ili multilateralnim sporazumima između potpisnika i vlada.]

15.4 Međusobno priznavanje

15.4.1 Podležući pravu na žalbu utvrđenim članom 13, Testiranje, „Izuzeće radi primjene u terapijske svrhe“ i rezultate pretresa ili druga rješenja bilo kog potpisnika koja su u skladu sa „Svjetskim antidoping kodeksom“ (verzija iz 2007. godine 1.0) i spadaju u potpisnikovu nadležnost, priznavaće i poštovaće svi drugi potpisnici.

[Komentar na član 15.4.1: U tumačenju ovog člana, vezano za TUE, javljale su se izvjesne nejasnoće. Osim ukoliko je drugačije određeno pravilima međunarodne federacije ili ugovorom sa međunarodnom federacijom, nacionalna antidoping organizacija nema pravo da odobrava TUE i ATUE za sportiste međunarodnog nivoa.]

15.4.2 Potpisnici mogu da priznaju iste radnje drugih organa koji nisu prihvatili „Svjetski antidoping kodeks“ ako su pravila tih organa inače u skladu sa „Svjetskim antidoping kodeksom.“

[Komentar na član 15.4.2: Kada su odluke tiela koja nisu prihvatila „Svjetski antidoping kodeks“, u nekim dijelovima u skladu sa „Svjetskim antidoping kodeksom“, a u nekim ne, potpisnici treba da pokušaju da primjene odluku na način usklađen sa principima „Svjetskog antidoping kodeksa.“ Na primjer, ukoliko u procesu usklađenom sa pravilima „Svjetskog antidoping kodeksa“ ne-potpisnik ustanovi da je sportista povrijedio antidoping pravilo, na osnovu prisustva zabranjene supstance u njegovom tijelu, ali je izrečeni period zabrane manji od onog predviđenog „Svjetskim antidoping kodeksom“, svi potpisnici treba da prihvate da je nastala povreda antidoping pravila, i nacionalna „Antidoping organizacija“ sporiste treba da na pretresu u skladu sa članom 8, odluči da li će primeniti duži period zabrane, u skladu sa „svjetskim antidoping kodeksom“.]

3.0 Termini i definicije, i interpretacija

3.1 Definirani termini iz „Svjetskog antidoping kodeksa“ iz 2009. Godine

ADAMS: Anti-doping Administration and Management System:

Sistem za administraciju i upravljanje podacima o antidopingu jeste internetska baza podataka koja služi za unošenje, pohranjivanje, dijeljenje i izvještavanje, napravljena da pomaže uključenim stranama i WADA-i u njihovom antidopinškom djelovanju u skladu s propisima o zaštiti podataka.

Nepovoljan analitički nalaz:

Izvještaj iz laboratorija ili druge od WADA-e ovlaštene ustanove kojim se u skladu s Međunarodnim standardima za laboratorije i odgovarajućim tehničkim dokumentima u uzroku utvrđuje prisutnost zabranjene tvari ili njezinih metabolita ili markera (uključujući povišene količine endogenih tvari) ili dokaz o korištenju zabranjene metode.

Antidoping organizacija:

Potpisnik Kodeksa koji je odgovoran za prihvaćanje pravila o uvođenju, pokretanju ili provođenju bilo kojeg dijela postupka dopinške kontrole. Taj pojam obuhvaća, naprimjer, Međunarodni olimpijski odbor, Međunarodni paraolimpijski odbor, druge organizatore velikih sportskih takmičenja koji provode testiranja na svojim takmičenjima, WADA-u, međunarodne saveze i nacionalne organizacije za borbu protiv dopinga.

Sportista:

Svako lice koje učestvuje u sportu na međunarodnom nivou (kako ga definiše svaka međunarodna federacija) ili nacionalnom nivou (kako ga definiše svaka nacionalna „Antidoping organizacija,“ uključujući osobe iz „Registrirane test grupe,“ ali se ne ograničavajući samo na nju), kao i bilo koji drugi takmičar u sportu koji je u nadležnosti bilo kog potpisnikaili druge sportske organizacije koja prihvata „Svjetski antidoping kodeks.“ Sve odredbe „Svjetskog antidoping kodeksa,“ uključujući na primjer, testiranje i „Izuzete u terapijske svrhe,“ moraju se primjenjivati na takmičare međunarodnog i nacionalnog nivoa.

Neke nacionalne antidoping organizacije mogu odabrati da testiraju i rekreativce ili takmičare koji trenutno nisu potencijalni takmičari nacionalnog ranga. Nacionalne antidoping

organizacije, u svakom slučaju, nisu dužne da primenjuju sve aspekte „Svjetskog antidoping kodeksa“ na takvu osobu. Specifična nacionalna pravila mogu biti uspostavljena za potrebe doping kontrola na sportiste koji nisu nacionalnog nivoa i sportiste koji jesu nacionalnog nivoa, ukoliko nisu u sukobu sa „Svjetskim antidoping kodeksom.“ Dakle, neka zemlja može odabrati da testira rekreativce, ali da im ne zahtijeva „Izuzete u terapijske svrhe“ i prijavu boravišta. U istom smislu, organizatori velikih takmičenja koji održava takmičenje sa sportistima „masters“ nivoa, mogu odabrati da testiraju takmičare, ali takođe, da im ne traži prijave „Izuzeta u terapijske svrhe“ ili boravišta. U svrhe iz člana 2.8 (davanje ili pokušaj davanja) i u svrhe antidoping informisanja i edukacije, bilo koja osoba koja učestvuje u sportu, u nadležnosti potpisnika, vlade ili druge sportske organizacije koja prihvata „Svjetski antidoping kodeks,“ biće sportista.

[Komentar: Ova definicija jasno određuje da svi sportisti međunarodnog ili nacionalnog kalibra podležu antidoping pravilima „Svjetskog antidoping kodeksa,“ s tim da tačne definicije sportova međunarodnog i nacionalnog nivoa treba da budu utvrđene u antidoping pravilima međunarodnih federacija, odnosno nacionalnih antidoping organizacija. Na

nacionalnom nivou, antidoping pravila usvojena u skladu sa „Svjetskim antidoping kodeksom“ primjenjivaće se, najmanje, na sva lica u nacionalnim timovima i sva lica koja imaju pravo da se takmiče na bilo kom nacionalnom prvenstvu u bilo kom sportu. Ovo ne znači, međutim, da sva ta lica moraju biti uključena u „Registriranu test grupu“ nacionalne „Antidoping organizacije.“ Definicija takođe dopušta svakoj nacionalnoj „Antidoping organizaciji“ da, ukoliko to odluči, proširi svoj program antidoping kontrole tako da pored sportista nacionalnog kalibra uključi i sportiste na takmičenjima nižeg nivoa. Sportistima na svim nivoima takmičenja treba obezbijediti antidoping informacije i obrazovanje.]

Atipičan laboratorijski nalaz:

Izveštaj iz laboratorija ili od druge od WADA-e odobrene organizacije koji zahtjeva daljnju istragu u skladu s Međunarodnim standardima za laboratorije ili odgovarajućim tehničkim dokumentima prije utvrđivanja da postoji nepovoljan laboratorijski nalaz.

Svjetski antidoping kodeks

Takmičenje:

Jedna jedina trka, utakmica, igra ili atletska takmičenje. Na primjer, košarkaška utakmica ili olimpijsko finale u trci na 100 metara. Za etapne trke i druga atletska takmičenja u kojima se dodjeljuju nagrade jednom dnevno ili nekom drugom učestalošću, razlika između takmičenja i sportskog događaja biće onakva kako bude predviđeno pravilima odgovarajuće međunarodne federacije.

Posljedice povrede antidoping pravila:

Povreda antidoping pravila koji počini sportista ili neko drugo lice može da ima jednu ili više od sledećih posljedica: (a) diskvalifikacija znači da se rezultati sportiste na nekom takmičenju ili sportskom događaju poništavaju, uz sve posledice koje iz toga slijede, uključujući oduzimanje medalja, bodova i nagrada; (b) zabrana učešća znači da je sportisti ili nekom drugom licu onemogućeno da određeno vrijeme učestvuje na bilo kom takmičenju ili drugoj aktivnosti ili da prima finansijsku pomoć u skladu sa članom 10.9. izdržavanje perioda zabrane; i (c) privremena suspenzija znači da je sportisti ili nekom drugom licu privremeno onemogućeno da učestvuje na bilo kom takmičenju prije konačne odluke sa pretresa koji je vođen u skladu sa članom 8 (pravo na pravičan pretres).

Doping kontrola:

Svi koraci i postupci od planiranja rasporeda testiranja do konačnog rješavanja žalbe, uključujući sve korake i postupke između kao što je upravljanje podacima o lokaciji, prikupljanje uzoraka i rukovanje uzorcima, laboratorijska analiza, terapijska izuzeća, upravljanje rezultatima i saslušanja.

Sportski događaj:

Serijski pojedinačnih takmičenja koje sve zajedno vodi jedan upravni organ (npr. Olimpijske igre, svjetska prvenstva FINA ili Panameričke igre).

Testiranje na takmičenju:

Osim ako je drukčije propisano pravilima međunarodnog saveza ili druge relevantne agencije za borbu protiv dopinga, u takmičenju znači razdoblje koje obuhvaća 12 sati prije takmičenja na kojem će sportist sudjelovati pa do kraja takmičenja i postupka prikupljanja uzoraka na tom takmičenju.

Nezavisni posmatrački program:

Tim posmatrača, pod supervizijom WADA, koji posmatraju , a po potrebi i vode proces doping kontrole, na određenim sportskim događajima i izveštavaju o svojim zapažanjima.

Zabrana učešća:

Vidjeti posljedice povrede antidoping pravila gore.

Međunarodni događaj:

Sportski događaj u kome je Međunarodni olimpijski komitet, Međunarodni paraolimpijski komitet, međunarodna federacija, organizator najvećeg sportskog događaja, ili neka druga međunarodna sportska organizacija upravni organ tog događaja ili imenuje tehničko osoblje za taj događaj.

Sportista međunarodnog nivoa:

Sportisti koje je jedna ili više međunarodnih federacija odredila da budu u „Registriranoj test grupi“ neke međunarodne federacije.

Međunarodni standard:

Standard koji je prihvatila WADA kao podršku „Svjetsko antidoping kodeksu.“ Usklađenost s „Međunarodnim standardom“ (za razliku od drugog alternativnog standarda, prakse ili postupka) mora biti dovoljna da se zaključi kako su postupci koje propisuje „Međunarodni standard“ propisno provedeni. „Međunarodni standardi“ uključivat će sve tehničke dokumente izdate u skladu s „Međunarodnim standardom.“

Maloljetnik:

Fizičko lice koje još nije dostiglo doba punoljetstva koje je utvrđeno odgovarajućim zakonima zemlje prebivališta.

Nacionalna agencija za borbu protiv dopinga:

Subjekt (subjekti) koji svaka država ovlašćuje i proglašava primarno odgovornim za prihvaćanje i provođenje borbe protiv dopinga, za izravno prikupljanje uzoraka, upravljanje rezultatima i vođenje saslušanja na državnom nivou. Ovo uključuje i tijelo koje može biti oslobođeno od većeg broja država da služi kao regionalna organizacija za borbu protiv dopinga za te države. Ako nadležna vlast nije imenovala takav subjekt, ulogu tog subjekta preuzima nacionalni olimpijski odbor te države ili subjekt kojeg on odredi.

Nacionalni olimpijski komitet

Organizacija priznata od strane Međunarodnog olimpijskog komiteta. Izraz nacionalni olimpijski komitet će takođe obuhvaćati i nacionalnu sportsku konfederaciju u zemljama u kojim nacionalna sportska konfederacija preuzima odgovornosti u oblasti borbe protiv dopinga koje inače obavlja nacionalni olimpijski komitet.

Kontrola bez prethodne najave:

Doping kontrola koja se provodi bez prethodnog upozorenja sportisti i tokom koje je sportista stalno praćen od trenutka obavijesti o kontroli do završetka postupka uzimanja uzorka.

Doping testiranje izvan takmičenja: Svaka doping kontrola koja se ne provodi u takmičenju.

Lista zabranjenih sredstava:

Lista kojom se određuju zabranjene tvari i zabranjene metode.

Privremena suspenzija:

Pogledati pod posljedice kršenja antidoping pravila.

Registrirana testna grupa: Grupa sportista najvišeg nivoa što ga svaki međunarodni savez i nacionalna organizacija za borbu protiv dopinga određuje pojedinačno, a koji podliježu testiranju u takmičenju i testiranju izvan njega u okviru planiranog rasporeda testiranja tog međunarodnog saveza ili nacionalne organizacije. Svaki međunarodni savez objavit će popis koji utvrđuje koji su sportisti uključeni u registriranu testnu grupu imenom ili su jasno određeni specifičnim kriterijem.

Uzorak:

Svaka biološka tvar koja se prikupi u svrhu doping kontrole.

[Komentar: Bilo je mišljenja da je prikupljanje krvnih uzoraka u suprotnosti sa vjerovanjima određenih vjerskih ili kulturnih grupa. Utvrđeno je da ne postoji osnova za takvu tvrdnju]

Potpisnici:

Subjekti koji potpisuju „Svjetski antidoping kodeks“ i pristaju pridržavati ga se, uključujući Međunarodni olimpijski komitet, međunarodne federacija, Međunarodni paraolimpijski komitet, nacionalni olimpijski komiteti, nacionalni paraolimpijski komiteti, organizacije koje rukovode velikim sportskim događajima, i nacionalne antidoping organizacije, i WADA.

Krivotvorenje:

Mijenjanje za neprimjerenu svrhu ili na neprimjeren način; neprilično utjecanje; neprilično uplitanje; ometanje, navođenje na krivi trag ili upuštanje u bilo kakve prijevare zbog mijenjanja rezultata ili zbog sprječavanja provođenja uobičajenih postupaka; ili davanje lažnih podataka organizaciji za borbu protiv dopinga.

Ciljano testiranje:

Odabiranje sportista za testiranje, pri čemu se tačno određeni sportisti ili grupe sportista sistemski ili ciljano biraju za testiranje u tačno određeno vrijeme.

Timski sport:

Sport u kojem se dopušta zamjena igrača u toku takmičenja.

Testiranje:

Dijelovi postupka doping kontrole koji obuhvaćaju planiranje testa, uzimanje uzorka, rukovanje uzorkom i prijevoz uzorka u laboratorij.

WADA: Svjetska antidoping agencija

3.2 Definirani termini specifični za „Međunarodni standard za testiranje“

Službenik za prikupljanje uzoraka krvi (BCO): Službena osoba koja je kvalifikovana i ima ovlaštenja od strane „Antidoping organizacije“ za prikupljanje uzoraka krvi.

Lanac odgovornosti: Niz pojedinaca ili organizacija koji imaju odgovornost prema uzorku od davanja uzorka sve dok uzorak nije stigao na analizu.

Pratilac: Službenik koji je obučen i ovlašten od strane „Antidoping organizacije“ da izvršava određene dužnosti uključujući jednu ili više od slijedećih: obavještanje sportiste da je izabran za prikupljanje uzoraka; bude uz sportistu i prati ga do dolaska u „Stanicu za doping kontrolu“; i/ili svjedoči i verifikuje davanje uzorka ako je za to obučen.

Službenik doping kontrole (DCO): Službenik koji je obučen i ovlašten od strane „Antidoping organizacije“ sa povjerenom odgovornošću za rukovođenje „Procesom prikupljanja uzoraka“ na licu mjesta.

Stanica za doping kontrolu (DCO): Mjesto gdje će se sprovesti „Proces prikupljanja uzoraka.“

Nepridržavanje uslova: Termin koji se koristi da se opiše kršenje antidoping pravila iz članova 2.3, 2.5 i 2.8 „Svjetskog antidoping kodeksa“

Nepridržavanje uslova pri popunjavanju formulara: Nepridržavanje od strane sportiste (ili od strane trećeg lica kome je sportista povjerio ovaj zadatak, u skladu sa stavom 11.3.6 ili stavom 11.5.4) da izvrši tačno i potpuno popunjavanje obrasca o mjestu boravka (whereabouts) u skladu sa stavom 11.3 ili stavom 11.5.6.

Međunarodna federacija (IF): Međunarodna nevladina organizacija koja rukovodi jednim ili više sportova na svjetskom nivou.

Propušteni test: Izbjegavanje od strane sportiste da bude dostupan na testiranju na mjestu i u vrijeme određenim u 60-minutnom vremenskom periodu određenim pri popunjavanju obrasca o mjestu boravišta za dan u pitanju, u skladu sa stavom 11.4 ili stavom 11.5.6.

Nacionalna federacija: Nacionalna nevladina organizacija koja rukovodi jednim ili više sportova na nacionalnom nivou.

Nasumično izvlačenje: Odabir sportista za testiranje koje nije ciljano testiranje. Nasumično izvlačenje može biti: potpuno nasumično (gdje nisu uzete u obzir prethodno definirani kriteriji, i sportisti odabrani proizvoljno sa liste ili grupe imena sportista); ili po važnosti (gdje su sportisti izabrani koristeći prije definirane kriterije da bi se povećale ili smanjile šanse za izbor).

Odgovorna „Antidoping organizacija“: „Antidoping organizacija“ sa odgovornošću u odnosu na mjesto prebivališta, kako je precizirano u stavu 11.5.

Oprema za prikupljanje uzoraka: posude ili aparatura koja se koristi za direktno sakupljanje ili držanje uzorka u bilo koje vrijeme za vrijeme procesa prikupljanja uzoraka. Oprema za prikupljanje uzoraka mora se, najmanje, sastojati od:

- Za prikupljanje uzoraka urina:
 - Posude za prikupljanje uzorka pri napuštanju tijela sportiste;
 - Zapečaćene i trakom osigurane boce i trakice za osiguravanje uzorka;
 - Parcijalni kit za uzorke;

Za prikupljanje uzoraka krvi:

- Igle za prikupljanje uzorka;
- Epruvete sa zapečaćenom i trakom zaštićenom opremom za držanje uzorka.

Osoblje za prikupljanje uzorka: Tim kvalifikovanih službenika ovlaštenih od strane „Antidoping agencije“ koji mogu izvršiti ili asistirati kroz dužnosti „Procesom prikupljanja uzoraka“

Proces prikupljanja uzoraka: Sav niz aktivnosti koji direktno uključuju sportistu od obavještavanja pa dok sportist ne napusti „Stanicu za doping kontrolu“ nakon što je dao svoj uzorak/uzorke.

Odgovarajuća specifična težina za analizu: Specifična težina izmjerena na 1,005 ili više sa refraktometrom ili 1,010 ili veća sa laboratorijskim štapićima.

Odgovarajući volumen urina za analizu: Minimalno 90 ml za punu ili djelimičnu analizu.

Timska aktivnost: Kako je definirano u stavu 11.5.3

Plan distribucije testa: Kako je definirano u stavu 4.2.1.

Nepristajanje na formular o mjestu prebivališta: „Nepristajanje na popunjavanje formulara“ ili „Propušten test.“

Popunjavanje formulara o mjestu prebivališta: Informacije dobivene od ili u ime sportiste iz određene „Registirane test grupe“ koje određuju mjesto prebivališta sportiste za vrijeme narednog kvartala, u skladu sa stavom 11.3 (ili dodatno, u slučaju „Timskog sporta“, u skladu sa stavom 11.5)

3.3 Interpretacija „Međunarodnog standarda za testiranje“

3.3.1 Osim ako nije drugačije precizirano, upućivanja na stavove u ovom dokumentu su upućivanja na stavove ovog „Međunarodnog standarda za testiranje.“

3.3.2 Komentari koji pojašnjavaju razne odredbe „Međunarodnog standarda za testiranje“ su uključeni da pomognu razumijevanju i interpretaciji „Međunarodnog standarda za testiranje“

DRUGI DIO: STANDARDI ZA TESTIRANJE

4.0 Planiranje

4.1 Svrha

Svrha je razvijanje „Planova distribucije testova“ koji su specifični za određeni sport (u slučaju IF-a) ili određene nacije (u slučaju NADO). Zajednička svrha u svakom slučaju je planirati i sprovesti efikasnu distribuciju prikupljanja uzoraka i na takmičenju i izvan takmičenja kod svake nacije, spota, ili discipline unutar tog sporta (kao primjenjivu), imajući za rezultat efikasno otkrivanje, određivanje i sprečavanje prakticanja dopinga u tom sportu/disciplini/naciji.

4.2 Opšte odredbe

4.2.1 Svaka „Antidoping organizacija“ sa nadležnošću za testiranje mora razviti plan za djelotvornu podjelu odgovornosti svojim resursima za testiranje kroz razne sportove pod svojom nadležnošću (u slučaju NADO), kroz razne zemlje unutar svoje nadležnosti (u slučaju IF) i kroz razne discipline unutar sporta pod svojom nadležnošću (u slučaju IF i NADO). Takav plan koji bi trebao biti nadgledan, ocijenjen, modificiran i unaprijeđen periodično prema potrebama, je onaj koji je u „Međunarodnom standardu za testiranje“ definisan kao „Plan distribucije testa.“

[Komentar na 4.2: Bilo koja druga „Antidoping organizacija“ koja (kao NADO) ima nadležnost nad testiranjem nad značajnim brojem raznih i u drugom slučaju nepovezanih sportova (na primjer organizator glavnog sportskog događaja) će se ovim standardom tretirati na isti način kao i NADO kada je u pitanju planiranje distribucije testiranja i podjela resursa testiranja kroz ove razne sportove. (vidi stavove 4.3.1, 4.3.6 i 4.4.4).]

4.2.2 Planiranje počinje prikupljanjem informacija (na primjer u vezi sa brojem relevantnih sportista u određenom sportu/disciplini/naciji, kao i sa osnovnom strukturom sezone za sport/disciplinu koja je u pitanju, uključujući standardne rasporede takmičenja i plan treniranja za svaki sport/disciplinu); procjenjujući potencijalni rizik dopinga i mogući doping šablon za svaki sport/disciplinu/naciju; a zatim razvijanjem „Plana distribucije testiranja“ koji razvija dostupne izvore na najefikasniji i najprecizniji mogući način da bi se usmjerili prema ovim rizicima.

4.2.3 Glavne aktivnosti su prema tome: sakupljanje informacija, nadzor i praćenje; procjena rizika; i razvijanje, praćenje, procjena, modificiranje i unapređivanje „Plana distribucije testiranja.“

4.2.4 „Antidoping organizacija“ će osigurati da pomoćno osoblje sportiste i/ili bilo koja osoba sa sukobom interesa ne bude uključena u planiranje distribucije testiranja za svoje sportiste ili u procesu odabira sportista za testiranje.

4.3 Uslovi za planiranje distribucije testiranja

4.3.1 Osnova „Plana distribucije testiranja“ mora biti razmatrana procjena rizika od dopinga i mogući doping šablon za sport/disciplinu/naciju koja je u pitanju. U slučaju IF, uz sprovođenje procjene rizika za svaku disciplinu svog sporta, takođe bi se trebala uzeti

u obzir snaga nacionalnog antidoping programa za svaku naciju pod njenom nadležnošću, tako da bi se osigurala pravilna koordinacija i efikasnost pri korištenju resursa testiranja. U slučaju NADO, uz sprovođenje svojih vlastitih procjena rizika za svaki relevantan sport/disciplinu pod njenom nadležnošću, može se takođe uzeti u obzir relativni rizik od dopinga između različitih sportova pod njenom nadležnošću, kao i bilo koji nacionalni uslovi i prioriteti antidoping politike koji ih mogu pratiti između tih različitih sportova.

[Komentar na 4.3.1: Podrazumijeva se i očekuje da svaka NADO ima svoju nacionalnu politiku, uslove i prioritete. Na primjer, jedna NADO može imati legitimne razloge da u prioritet stavi (neke ili sve) olimpijske sportove dok druga može imati legitimne razloge, zbog drugih karakteristika te sportske nacije, da u prioritet stavi (na primjer) neke profesionalne sportove. Ovi imperativi nacionalnih politika su važan predmet razmatranja kod planiranja distribucije testiranja NADO-e, zajedno sa NADO-inom procjenom relativnih rizika dopinga u raznim sportovima koji se igraju unutar njene nacionalne nadležnosti. Oni mogu voditi, na primjer, do odlučivanja NADO-e, u njenom „Planu distribucije testiranja“ ali da ne uključe ni jednog sportistu iz tog sporta u njenom „Planu distribucije testiranja“ za određeni period, (1) da ne odrede ni jedno testiranje za jedan ili više sportova pod svojom nadležnošću; i/ili (2) da odrede testiranje u određenom sportu u svom „Planu distribucije testiranja“ ali da ne uključe ni jednog sportistu iz tog sporta iz svoje nacionalne „Registirane test grupe“ za svrhe povlačenja zahtijeva o prebivalištu iz Člana 11 ovog „Međunarodnog standarda.“ (vidi naredni stav 4.4.4(b). Takve odluke bi trebale biti redovno revidirane: Vidi stav 4.3.11.]

4.3.2 „Antidoping agencija će, u najmanju ruku, procijeniti rizik od dopinga i mogućí šablon dopinga za svaki sport i/ili disciplinu na bazi:

- a) Fizičkih zahtijeva sporta i/ili discipline i mogućeg efekta povećanja izvedbe koju doping može iznijeti na vidjelo;
- b) Dostupne statistike doping analize;
- c) Dostupnih istraživanja o trendovima dopinga;
- d) Historiji dopinga u određenom sportu i/ili određenoj disciplini;
- e) Preiodima treninga i kalendaru takmičenja; i
- f) Informacijama dobivenim o mogućim prakticiranjima dopinga.

4.3.3 „Antidoping organizacija će razviti dokument „Plan distribucije testiranja“ zasnovan na informacijama koje se odnose na stav 4.3.2; broj sportista uključenih u sport/disciplinu; „Kalendar takmičenja“; antidoping aktivnosti drugih „Antidoping organizacija“ sa odgovornošću za testiranje i to za svaki sport/disciplinu; procjenu rezultata prethodnih ciklusa planiranja distribucije testiranja; (u slučaju IF-a) snagu nacionalnog antidoping programa od nacije do nacije; i (u slučaju NADO-a) imperativne nacionalne antidoping politike iz stava 4.3.1

4.3.4 „Antidoping organizacija“ će raspodijeliti broj prikupljanja uzoraka koje ona ima na raspolaganju za svaki sport/disciplinu/naciju (po važnosti), raspodjeljujući između testiranja krvi i urina i između testiranja na takmičenju i testiranja izvan takmičenja. Ovakva raspodjela resursa između testiranja krvi i urina i između testiranja na takmičenju i testiranja izvan takmičenja će uzeti u obzir relativne rizike od dopinga u tim periodima za svaki sport/disciplinu nad kojom se vrši procjena.

- 4.3.5 Svaka IF će procijeniti relativne vrijednosti testiranja na takmičenju i izvan takmičenja u svom sportu u i raznim disciplinama u tom sportu. Kod sportova i/ili disciplina sa visokim rizikom za doping izvan takmičenja, testiranje izvan takmičenja mora biti prioritet, i suštinski dio testiranja će biti obavljen izvan takmičenja. Međutim, određena količina materijala sa testiranja na takmičenju ipak treba da postoji. Za one sportove i/ili discipline gdje je nizak rizik od dopinga izvan takmičenja, onda prioritet treba da bude testiranje na takmičenju, i značajan broj testiranja treba obaviti na takmičenju. Međutim, određena količina materijala izvan takmičenja treba da postoji.
- 4.3.6 Svaka NADO će prvo odrediti kako će rasporediti sakupljanje uzoraka koje ima na raspolaganju među različitim sportovima koji su pod njenom nadležnošću, bazirano na analizi relativnih rizika za doping među ovim sportovima kao i na imperativima nacionalne antidoping politike iz stava 4.3.1. identifikujući na ovaj način „prioritetne“ sportove kojima će se dodijeliti resursi za testiranje, NADO će zatim kreirati vlastitu evaluaciju relativnih vrijednosti testiranja na takmičenju i testiranja izvan takmičenja za ove „prioritetne“ sportove. Kod onih sportova gdje NADO ocijeni da postoji visok rizik dopinga u periodu izvan takmičenja, NADO će osigurati da testiranje izvan takmičenja bude prioritet, a da značajna količina godišnjeg testiranja bude izvedena izvan testiranja. Međutim, određena količina materijala sa testiranja na takmičenju ipak treba da postoji. Za one sportove i/ili discipline gdje NADO procijeni da postoji nizak rizik od dopinga izvan takmičenja, onda prioritet treba da bude testiranje na takmičenju, i značajan broj testiranja treba obaviti na takmičenju. Međutim, određena količina materijala izvan takmičenja treba da postoji.
- 4.3.7 Da bi se razvio „Plan distribucije testiranja“ koji uzima u obzir u jednom koordiniranom smislu aktivnosti testiranja drugih „Antidoping organizacija“:
- a) „Antidoping organizacije“ će koordinirati aktivnosti da bi se izbjeglo dupliranje. Jasan dogovor o ulogama i odgovornostima za testiranje na sportskom događaju će se unaprijed dogovoriti u skladu sa Članom 15.1 „Svjetskog antidoping kodeksa.“
 - b) „Antidoping organizacije“ će, bez bilo kakvog nepotrebnog odlaganja, podijeliti informacije o svojim testiranjima sa drugim relevantnim antidoping organizacijama, u najidealnijem slučaju putem ADAMS-a ili druge centralizirane baze podataka slične funkcionalnosti i sigurnosti, u skladu sa Članom 14.5 „Svjetskog antidoping kodeksa.“
- 4.3.8 Kao dio „Plana distribucije testiranja“, „Antidoping organizacija“ će raspodijeliti tip testa za svaki sport/disciplinu/naciju, prema relevantnosti, uključujući raspodjele između sakupljanja uzoraka krvi i sakupljanja uzoraka urina, bazirano na analizi rizika od dopinga za određeni sport/disciplinu koji je u pitanju, kako je opisano u stavu 4.3.4.
- 4.3.9 „Antidoping organizacija“ će osigurati da je vremensko planiranje testiranja planirano da osigura optimalno određivanje i otkrivanje prakticanja dopinga.
- 4.3.10 Osim u iznimnim i opravdanim situacijama, sva testiranja će biti bez prethodne najave:
- a) za testiranje na takmičenju, izbor nekog rezerviranog za testiranje bi mogao biti poznat unaprijed. Međutim, nasumično izabrani sportista/neko za koga je rezervirano testiranje ne smije biti otkriven tom sportisti do obavještanja.
 - b) sva testiranja izvan takmičenja moraju biti bez prethodne najave osim u izuzetnim i opravdanim okolnostima.

4.3.11 „Antidoping organizacija će dokumentovati svoj „Plan distribucije testiranja“ i uspostaviti će pomoću kojeg se taj „Plan distribucije testiranja“ revidira i, ako je potrebno, modificira na redovnoj osnovi da bi se unijele nove informacije i u obzir uzela prikupljanja uzoraka od strane drugih antidoping organizacija. Takvi podaci će se koristiti kao pomoć pri određivanju da li su potrebne modifikacije „Plana distribucije testiranja.“

4.4 Uslovi za odabir sportista za testiranje

4.4.1 Pri implementaciji „Plana distribucije testiranja,“ „Antidoping organizacija“ će odabrati sportiste za sakupljanje uzoraka koristeći metode ciljanog testiranja i nasumičnog odabira.

4.4.2 „Antidoping organizacije“ će osigurati da značajna količina testiranja koje se poduzelo sukladno „Planu distribucije testiranja“ bude ciljano testiranje, zasnovano na inteligentnoj procjeni rizika za doping i najefikasnije upotrebe resursa da bi se osigurala optimalna detekcija i određivanje. Faktori koji će biti važni u određivanju ko će biti podvrgnut ciljanom testiranju će varirati u zavisnosti od sporta, ali mogu uključiti (bez ograničavanja) neke ili sve od slijedećih faktora:

- a) abnormalni biološki parametri (parametri krvi, profili steroida, itd.);
- b) povreda;
- c) povlačenje ili odsustvo sa očekivanog takmičenja;
- d) odlazak iz ili povratak u aktivno bavljenje sportom;
- e) ponašanje koje daje indikacije dopinga;
- f) iznenadna velika poboljšanja u izvedbi;
- g) ponavljano izbjegavanje da se popuni obrazac o mjestu boravišta;
- h) popunjavanje obrasca o mjestu boravišta koji mogu dati indikacije o potencijalnom riziku od dopinga, uključujući preseljenje na udaljenju lokaciju;
- i) historija sportske izvedbe sportiste;
- j) starosnu dob sportiste, na primjer približavanje prestanku aktivnog bavljenja sportom, prelazak sa juniorskog na seniorski nivo;
- k) historiju testiranja sportiste;
- l) ponovni povratak sportiste nakon perioda zabrane;
- m) financijski poticaj za poboljšanu izvedbu, kao što je novčani iznos za nagradu ili šanse za dobivanje sponzora;
- n) povezanost sportiste sa trećim licem kao što je trener ili doktor koji ima historiju umiješanosti u doping; i
- o) pouzdane informacije od nekog trećeg lica.

4.4.3 Testiranje koje nije ciljano testiranje se mora označiti kao nasumično testiranje, koje će biti sprovedeno koristeći dokumentiran sistem za takav izbor. Kada se izvrši nasumičan izbor, onda ga treba sprovesti prema jasnim kriterijima i mogu se uzeti u obzir faktori navedeni u stavu 4.4.2 (kao primjenjivi) da bi se osigurao izbor većeg postotka sportista „pod rizikom.“

4.4.4 Kako je regulirano u stavu 11.2:

- a. uz razvijanje „Plana distribucije testiranja“ koji je specifičan određenom sportu, IF mora definirati kriterije za uključivanje određenih sportista iz svog sporta u međunarodnu „Registriranu test grupu“, na koje će se primjeniti uslovi za popunjavanje formulara o boravištu iz člana 11 ovog „Međunarodnog standarda

za testiranje.“ Da bi se izbjegla sumnja, međutim IF-in „Plan distribucije testiranja“ mora obuhvatiti sve relevantne sportiste, ne samo sportiste uključene u „Registriranu test grupu“, i prema tome IF bi trebala izabrati sportiste za testiranje (uključujući testiranje izvan takmičenja) koji nisu uključeni u njenu međunarodnu „Registriranu test grupu.“ Ipak, odgovarajuća proporcija testova za testiranje izvan takmičenja u „Planu distribucije testiranja“ mora biti izvršena na sportistima iz međunarodne „Registrirane test grupe.“

- b. Kao dodatak razvijanju „Plana distribucije testiranja“ koji raspoređuje svoje resurse za testiranje među nekim ili svim sportovima unutar svoje nadležnosti, NADO mora identificirati kriterije za uključivanje određenih sportista iz nekih ili svih onih sportova iz „Registrirane test grupe“, na koje će se primjeniti uslovi za popunjavanje formulara o boravištu iz člana 11 ovog „Međunarodnog standarda za testiranje. Da bi se izbjegla sumnja, međutim NADO-in „Plan distribucije testiranja“ mora obuhvatiti sve relevantne sportiste, ne samo sportiste uključene u „Registriranu test grupu“, i prema tome NADO bi trebala izabrati sportiste za testiranje (uključujući testiranje izvan takmičenja) koji nisu uključeni u njenu nacionalnu „Registriranu test grupu.“ Međutim, tamo gdje su sportisti iz određenog sporta uključeni u nacionalnu „Registriranu test grupu“, odgovarajuća proporcija testiranja raspoređena u taj sport u NADO-in „Plan distribucije testiranja“ mora biti sproveden na tim sportistima.

[Komentar na 4.4.4: Kako je dalje objašnjeno u članu 11 ovog „Međunarodnog standarda za testiranje“, glavna svrha „Registrirane test grupe“ je da identificira one sportiste iz relevantnog(ih) sporta(ova) koji bi trebali biti podvrgnuti uslovima popunjavanja formulara o prebivalištu iz člana 11 ovog „Međunarodnog standarda za testiranje.“ Ova odluka će zavisiti na prvom mjestu od procjene rizika od dopinga izvan takmičenja u sportu(ovima) ili disciplini(ama) koji su u pitanju: što je veći rizik, to bi veća „Registrirana test grupa“ trebala biti; što je manji rizik, manja je i „Registrirana test grupa.“ Prema tome, broj sportista u „Registriranoj test grupi“ može varirati razložno od sporta do sporta. U skladu sa stavom 11.2, međutim, postoje minimumi za brojnost unutar „Registrirane test grupe“, i na osnovu stava 4.4.4 određen broj testova izvan takmičenja mora biti izvršen na sportistima u „Registriranoj test grupi.“

U slučaju NADO, relevantni sportovi za svrhe iz stava 4.4.4(b) moraju biti oni sportovi koji su pod njenom nadležnošću koje ona odluči da budu, bazirano zahtjevima nacionalne politike i prioritetima navedenim u članu 4.3.3, da bi bili tretirani kao „prioritetni“ sportovi za svrhe testiranja izvan takmičenja. Na osnovu tih faktora, NADO može odlučiti da ne uključi ni jednog sportistu iz određenog sporta ili sportova u nacionalnu „Registriranu test grupu.“ Ta odluka bi trebala redovno biti revidirana u skladu sa članom 4.3.11. Međutim, tamo gdje NADO odluči da uključi sportiste iz određenog sporta u nacionalnu „Registriranu test grupu“, odgovarajući broj testova dodijeljen tom sportu u „Planu distribucije testiranja“ mora biti sproveden na tim sportistima.]

- 4.4.5 Kada „Antidoping organizacija“ ovlasti „službenika za doping kontrolu“ da odabere sportiste za prikupljanje uzoraka, „Antidoping organizacija“ će obezbjediti kriterije za odabir „službenicima za doping kontrolu“ u skladu sa „Planom distribucije testiranja.“
- 4.4.6 Prateći odabir sportiste za prikupljanje uzoraka, a prije obavještanja sportiste, „Antidoping agencija“ i/ili „službenik za doping kontrolu“ će osigurati da su odluke

o odabiru sportista objelodanjene samo onima koji to trebaju znati, da bi se osiguralo da sportista može biti obaviješten i testiran po principu „Bez prethodne najave.“

5.0 Obavještavanje sportista

5.1 Svrha

Svrha je osigurati da se poduzmu razložni pokušaji da se locira sportista, odabrani sportista se obavještava kako je navedeno u stavu 5.4.1, prava sportiste se moraju sačuvati, ne postoje mogućnosti da se manipulira sa davanje uzorka, a obavještavanje se dokumentira.

[Komentar na 5.1: WADA će osigurati vodilje da bi pomogla „Antidoping organizacijama“ u određivanju šta se podrazmijeva pod osnovanim pokušajima da se locira sportista u specifičnom kontekstu člana 11 (Whereabouts- mjesto boravka)]

5.2 Opće odredbe

Obavještavanje sportista počinje kada „Antidoping organizacija“ započne obavještavanje odabranog sportiste i završava kada sportista dođe u „Stanicu za doping kontrolu“ ili kada je moguće nepristajanje na poštivanje propisa donešeno na uvid „Antidoping organizacija.“

Glavne aktivnosti su:

- Imenovanje „Službenika za doping kontrolu“, „Pratilaca“ i drugog osoblja za prikupljanje uzoraka;
- Lociranje sportiste i/ili potvrđivanje njegovog/njenog identiteta;
- Informiranje sportiste da je on/ona izabran da dá uzorak i o njegovim/njenim pravima i odgovornostima;
- Za prikupljanje uzoraka bez prethodne najave, kontinuirano praćenje sportiste od momenta obavještavanja do dolaska na određenu „Stanicu za doping kontrolu“; i
- Dokumentovanje obavještavanja ili pokušaja obavještavanja.

5.3 Uslovi koje treba ispuniti prije obavještavanja sportiste

5.3.1 Osim ako je regulirano izuzetkom, „Testiranje bez prethodne najave“ će biti metoda obavještavanja za prikupljanje uzoraka.

5.3.2 Da bi provela ili asistirala pri procesima prikupljanja podataka, „Antidoping organizacija“ će izvršiti postavljenje „Osoblja za prikupljanje uzoraka“ koji su obučeni za svoje zadate obaveze, koji nemaju sukob interesa u konačnici prikupljanja uzoraka, i koji nisu maloljetnici.

5.3.3 Osoblje za prikupljanje uzoraka će imati službenu autoriziranu dokumentaciju koja je obezbjeđena i kontrolisana od strane „Antidoping organizacije.“ U slučaju službenika za doping kontrolu, takva dokumentacija ih mora identificirati njihovim imenom. Službenici za doping kontrolu će takođe nositi dopunsku dokumentaciju koja uključuje njihovo ime i fotografiju (odnosno, službenu iskaznicu „Antidoping organizacije, vozačku dozvolu, zdravstvenu knjižicu, pasoš ili sličnu važeću identifikaciju) i datum isteka iskaznice.

[Komentar na 5.3.3: „Pratioci“ ne moraju nositi identifikaciju koja ih identificira imenom ili fotografjom. Oni samo trebaju obezbjediti službenu autoriziranu dokumentaciju koju je izdala „Antidoping organizacija,“ kao što je naređenje o zadatku ili autorizacijsko pismo.]

- 5.3.4 Antidoping organizacija“ će uspostaviti kriterije da bi legalizirala identitet sportiste izabranog za davanje uzorka. Ovo osigurava da je izabrani sportista onaj sportista koji je obaviješten. Metoda identifikacije mora biti upisana u dokumentaciji za doping kontrolu.
- 5.3.5 „Antidoping organizacija“, „Službenik za doping kontrolu“ ili „Pratilac,“ kako je primjenjivo na slučaju, će odrediti lokaciju izabranog sportiste i planirati pristup i vrijeme obavještanja, uzimajući u obzir specifične uslove sporta/takmičenja/treninga/procesa/itd. i situaciju koja je u pitanju.
- 5.3.6 „Antidoping organizacija“ će uspostaviti sistem za detaljno unošenje podataka o pokušajima i konačnici obavještanja sportiste.
- 5.3.7 Sportista će biti prvi obaviješten da je on/ona izabran za prikupljanje uzoraka osim kada se traži prethodni kontakt sa trećim licem kao što je precizirano u stavu 5.3.8.
- 5.3.8 „Antidoping organizacija“, „Službenik za doping kontrolu“ ili „Pratilac,“ kako je primjenjivo na slučaju, će razmotriti da li treba obavijestiti treće lice prije nego što se obavijesti sportista kada je sportista maloljetna osoba (kao što je opisano u Dodatku C – Izmjene vezane za sportiste koji su maloljetne osobe), ili kada se to zahtijeva zbog invaliditeta sportiste (kao što je opisano u Dodatku B – Izmjene vezane za sportiste sa invaliditetom), ili u slučajevima gdje je potreban i dostupan prevodilac za obavještanje.

[Komentar na 5.3.8: u slučaju testiranja na takmičenju, dozvoljeno je obavijestiti treće osobe da će se obaviti testiranje, gdje se to zahtijeva da bi se pomoglo osoblje za prikupljanje uzoraka da identificiraju sportistu(e) da budu testirani i da se obavijesti tog(te) sportistu(e) da on/ona treba da dá uzorak. Međutim, nema potrebe za obavještanjem bilo koje treće lice (na primjer timski ljekar) o zadatku doping kontrole kada takva pomoć nije potrebna.]

5.4 Uslovi za obavještanje sportista

- 5.4.1 Kada je uspostavljen prvi kontakt, „Antidoping organizacija“, „Službenik za doping kontrolu“ ili „Pratilac,“ kako je primjenjivo na slučaju, moraju osigurati da sportista i/ili treće lice (ako to zahtijeva situacija u skladu sa članom 5.3.8) je informiran:
 - a) da sportista mora biti podvrgnut prikupljanju uzorka;
 - b) o službenom tijelu po čijom nadležnošću se sprovodi prikupljanje uzoraka;
 - c) o vrsti prikupljanja uzoraka i uslovima kojih se treba pridržavati prije prikupljanja uzorka;
 - d) o pravima sportiste, uključujući pravo da:
 - i. ima predstavnika i ako je dostupno, prevodioca;
 - ii. traži dodatnu informaciju o procesu prikupljanja uzoraka;
 - iii. traži odgodu javljanja u „Stanicu za doping kontrolu“ zbog opravdanih razloga; i
 - iv. traži izmjene koje su precizirane u Dodatku B – Izmjene vezane za sportiste sa invaliditetom.
 - e) o odgovornostima sportiste, uključujući obaveze da:
 - i. ostane pod direktnim nadzorom „Službenika za doping kontrolu/Pratioca“ cijelo vrijeme od momenta obavještanja od strane

- a) učestvovanje na pobjedničkoj ceremoniji;
- b) ispunjavanje obaveza prema medijima;
- c) nastavak takmičenja;
- d) izvršavanje vježbi za opuštanje mišića;
- e) pristupanje neophodnom medicinskom tretmanu;
- f) lociranje predstavnika i/ili prevodioca;
- g) izvršavanje fotografske identifikacije; ili
- h) bilo koji drugi izuzetni uslovi koji mogu biti opravdani, a koji će se dokumentovati.

Za testiranje izvan takmičenja

- a) lociranje predstavnika
- b) završavanje treninga;
- c) primanje neophodnog medicinskog tretmana;
- d) izvršavanje fotografske identifikacije; ili
- e) bilo koji drugi izuzetni uslovi koji mogu biti opravdani, a koji će se dokumentovati.

- 5.4.5 „Službenik za doping kontrolu ili neko drugo „Osoblje za prikupljanje uzoraka“ će dokumentovati razloge za odgodu pri prijavljivanju u „Stanicu za doping kontrolu“ i/ili razloge za napuštanje „Stanice za doping kontrolu“ koji mogu zahtijevati daljnju istragu od strane „Antidoping organizacije.“ Bilo koje nepridržavanje propisima od strane sportiste da ostane pod konstantnim nadzorom se takođe treba zapisati.
- 5.4.6 „Službenik za doping kontrolu/Pratilač“ će odbiti zahtjev za odgodu od strane sportiste ako ne bude moguće da se taj sportista neprekidno prati, tj. Bude pod stalnim nadzorom.
- 5.4.7 Ako sportista odgodi prijavljivanje u „Stanicu za doping kontrolu“ drugačije nego u skladu sa stavom 5.4.4 ali dođe prije nego što je „Službenik za doping kontrolu“ otišao, „Službenik za doping kontrolu“ će odlučiti da li da procesuiru moguće nepridržavanje uslovima. Ako je moguće, „Službenik za doping kontrolu“ će nastaviti sa prikupljanjem uzorka, a dokumentovati će sve detalje o odgodi u izvještaju o prijavi sportiste u „Stanicu za doping kontrolu.“
- 5.4.8 Ako, dok se sportista drži pod opservacijom, „Osoblje za prikupljanje uzoraka“ razmatra bilo koji slučaj sa mogućnošću da se ugrozi test, uvjeti pod kojim se to desilo će biti prijavljeni i dokumentovani od strane „Službenika za doping kontrolu.“ Ako „Službenik za doping kontrolu“ smatra prihvatljivim, „Službenik za doping kontrolu“ može dokumentovati postupiti po Dodatku A – Istraživanje mogućeg nepridržavanja uslovima, i/ili razmotriti ako je potrebno da se uzme dodatni uzorak od sportiste.

6.0 Priprema za „Proceduru prikupljanja uzoraka“

6.1 Svrha

Da se izvrši priprema za „Proceduru prikupljanja uzoraka“ na način da se osigura da će procedura biti sprovedena efikasno i precizno.

6.2 Opšte odredbe

Priprema za „Proceduru prikupljanja uzoraka“ počinje sa uspostavljanjem sistema za dobivanje relevantnih informacija za efikasno sprovođenje procedure i završava kada je potvrđeno da se „Oprema za prikupljanje uzoraka“ prilagođava preciziranim kriterijima.

Glavne aktivnosti su:

- a) uspostavljanje sistema za prikupljanje detalja koji se odnose na „Proceduru prikupljanja uzoraka“;
- b) uspostavljanje kriterija koji bi mogli biti u opticaju za vrijeme „Procedure prikupljanja uzoraka“;
- c) osiguravanje da „Stanica za doping kontrolu“ ispunjava minimum kriterija propisanim u stavu 6.3.2;
- d) osiguravanje da „Oprema za prikupljanje uzoraka“ korištena od strane „Antidoping organizacije“ ispunjava minimum kriterija opisanih u stavu 6.3.4.

6.3 Uslovi za pripremanje „Procedure prikupljanja uzoraka“

6.3.1 „Antidoping organizacija“ će uspostaviti sistem za dobivanje svih informacija neophodnih da se osigura da „Procedura prikupljanja uzoraka“ može biti izvršena efikasno, uključujući posebne uslove da bi se ispoštovale potrebe sportista sa invaliditetom (kako je precizirano u Dodatku B - Izmjene vezane za sportiste sa invaliditetom) kao i potrebe maloljetnih sportista (kako je precizirano u Dodatku C – Izmjene vezane za maloljetne sportiste).

6.3.2 „Službenik za doping kontrolu“ će koristiti „Stanicu za doping kontrolu“ koja, minimalno, osigurava privatnost sportiste i gdje je moguće je to mjesto korišteno jedino kao „Stanica za doping kontrolu“ za vrijeme trajanja „Procesa prikupljanja uzoraka.“ „Službenik za doping kontrolu“ će zabilježiti svaka važnija odstupanja od ovih kriterija.

6.3.3 „Antidoping organizacija“ će uspostaviti kriterije koji mogu biti službeno ovlašteni da se primjenjuju za vrijeme „Procedure prikupljanja uzoraka,“ a da su dodatak za „Osoblje za prikupljanje uzoraka.“ Ti kriteriji će minimalno uključivati:

- a) odobrenje sportisti da bude u društvu predstavnika i/ili prevodioca za vrijeme „Procedure prikupljanja uzoraka“ osim za vrijeme uriniranja od strane sportiste;
- b) dozvolu za sportistu maloljetnika (kako je precizirano u Dodatku C – Izmjene vezane za maloljetne sportiste), i dozvolu za „Službenika za prikupljanje uzoraka/Pratioca koji je svjedok, da legalni predstavnik nadgleda „Službenika za prikupljanje uzoraka/Pratioca“ koji je svjedok kada maloljetni sportista daje uzorak urina (urinira), ali da legalni predstavnik ne nadgleda direktno davanje uzorka (uriniranje) osim ako to lično ne zahtijeva maloljetni sportista;
- c) dozvolu za sportistu sa invaliditetom da bude u društvu legalnog predstavnika kako je precizirano u dodatku B – Izmjene vezane za sportiste sa invaliditetom;
- d) nezavisnog promatrača WADA-e gdje je to primjenjivo u skladu sa „Nezavisnim programom za promatrače.“ Nezavisni promatrač WAD-e neće direktno nadgledati davanje uzorka urina (uriniranje).

6.3.4 „Antidoping organizacija“ će samo koristiti sisteme „Opreme za prikupljanje uzoraka“ koji, minimalno, zadovoljavaju slijedeće kriterije:

- a) imaju jedinstven sistem obilježavanja brojevima koji je primjenjen na sve boce, kontejnere, epruvete ili druge dijelove opreme koji se koriste za pečačenje uzoraka;
- b) imaju sistem pečačenja koji je po principu „vidljivo na traci“
- c) osiguravaju da identitet sportiste nije vidljiv na samoj opremi; i
- d) osiguravaju da je sva oprema čista i zapečaćena prije nego je sportista upotrijebi.

6.3.5 „Antidoping organizacija“ će razviti sistem za upisivanje lanca odgovornosti uzoraka i dokumentacije za prikupljanje uzoraka koji uključuje potvrđivanje da su i uzorci i dokumentacija za prikupljanje uzoraka stigli na predviđena odredišta.

[Komentar na 6.3.5: Informacije o tome kako je uzorak uskladišten prije odlaska iz „Stanice za doping kontrolu“ može biti upisana u (na primjer) izvještaj poslije misije. Kada je uzorak uzet iz „Stanice za doping kontrolu“, svaki prelazak odgovornosti o uzorku sa jedne osobe na drugu, na primjer sa „Službenika za doping kontrolu“ na kurira, ili sa „Službenika za doping kontrolu“ na laboratoriju, treba biti dokumentovan, sve dok uzorak ne dođe na predviđeno odredište.]

7.0 Sprovođenje „Procedure prikupljanja uzoraka“

7.1 Svrha

Sprovesti „Proceduru prikupljanja uzoraka“ na način da osigurava integritet, sigurnost i identitet uzorka i poštuje privatnost sportiste.

7.2 Opšte odredbe

„Procedura prikupljanja uzoraka“ počinje sa definiranjem ukupne odgovornosti za sprovođenje „Procedure prikupljanja uzoraka“ i završava kada je kompletirana dokumentacija o „Proceduri prikupljanja uzoraka.“

Glavne aktivnosti su:

- a) pripremanje za prikupljanje uzoraka;
- b) prikupljanje i osiguravanje uzoraka;
- c) dokumentovanje prikupljanja uzoraka.

7.3. Uslovi koje treba ispuniti prije prikupljanja uzoraka

7.3.1 „Antidoping organizacija“ je odgovorna za sveukupno sprovođenje „Procedure prikupljanja uzoraka,“ uz određene odgovornosti koje su određene „Službeniku za doping kontrolu.“

7.3.2 „Službenik za doping kontrolu“ će osigurati da je sportista obaviješten o svojim pravima i odgovornostima preciziranim u stavu 5.4.1.

7.3.3 „Službenik za doping kontrolu“ će obezbjediti sportisti mogućnost hidratacije. Sportista bi trebao izbjeći prekomjernu hidrataciju, imajući u vidu uslove za davanje uzorka sa „Odgovarajućom specifičnom težinom“ za analizu.“

7.3.4 Sportista smije napustiti „Stanicu za doping kontrolu“ pod stalnim nadzorom od strane „Službenika za doping kontrolu/Pratioca“ i uz odobrenje „Službenika za doping kontrolu.“ „Službenik za doping kontrolu“ će razmotriti svaki opravdan

- zahtjev sportiste za napuštanje „Stanice za doping kontrolu,“ kako je precizirano u stavovima 5.4.5 i 5.4.6, dok sportista ne bude u mogućnosti da dá uzorak.
- 7.3.5 Ako „Službenik za doping kontrolu“ da odobrenje sportisti da napusti „Stanicu za doping kontrolu“, „Službenik za doping kontrolu“ će se dogovoriti sa sportistom o slijedećim uslovima napuštanja:
- svrha napuštanja „Stanice za doping kontrolu“ od strane sportiste; i
 - vrijeme povratka (ili povratka po završetku dogovorene aktivnosti); i
 - da sportista mora biti pod nadzorom cijelo vrijeme; i
 - da sportista neće urinirati dok se ne vrati nazad u „Stanicu za doping kontrolu“ i „Službenik za doping kontrolu“ će dokumentovati tačno vrijeme odlaska i povratka sportiste.
- 7.4 Uslovi koje treba ispuniti za prikupljanje uzoraka
- 7.4.1 „Službenik za doping kontrolu“ će prikupiti uzorak od sportiste prema slijedećem protokolu/ima specifičnog tipa prikupljanja uzoraka:
- Dodatak D: Prikupljanje uzoraka urina;
 - Dodatak E: Prikupljanje uzoraka krvi.
- 7.4.2 Svako ponašanje sportiste i/ili osoba koji su povezani sa sportistom ili anomalija sa mogućnošću da ugroze prikupljanje uzoraka će biti detaljno zapisano od strane „Službenika za doping kontrolu.“ Ako je potrebno, „Antidoping organizacija“ će pokrenuti postupak prema Dodatku A – Istraživanje mogućeg nepridržavanja uslovima
- 7.4.3 Ako postoje sumnje u porijeklo ili autentičnost uzorka, od sportiste će se tražiti da dá dodatni uzorak, „Službenik za doping kontrolu“ će dokumentovati svaki detalj uslove pod kojim je došlo do odbijanja, i „Antidoping organizacija“ će pokrenuti postupak prema Dodatku A – Istraživanje mogućeg nepridržavanja uslovima.
- 7.4.4 „Službenik za doping kontrolu“ će omogućiti sportisti šansu da dokumentuje sve pritužbe koje on/ona ima na to kako je sprovedena „Procedura prikupljanja uzoraka“
- 7.4.5 Prilikom sprovođenja „Procedure prikupljanja uzoraka“ slijedeće informacije se, minimalno, moraju zapisati (dokumentovati):
- datum, vrijeme i tip obavještanja (bez prethodne najave, sa prethodnom najavom, na takmičenju ili izvan takmičenja);
 - vrijeme dolaska u „Stanicu za doping kontrolu“;
 - vrijeme i datum davanja uzorka;
 - ime i prezime sportiste;
 - datum rođenja sportiste;
 - spol sportiste;
 - kućnu adresu i broj telefona sportiste;
 - sport i disciplina kojim se sportista bavi;
 - ime trenera i doktora sportiste;
 - kodni broj uzorka;
 - ime i prezime i potpis svjedoka- „Službenika za doping kontrolu/Pratioca“;
 - ime i prezime i potpis „Službenika za prikupljanje uzoraka krvi“ (gdje je primjenjivo);
 - potrebnu laboratorijsku informaciju o uzorku;

- n) lijekove i suplemente koji su uzeti i detalje o nedavnoj transfuziji krvi (ako je primjenjivo) unutar vremenskog okvira preciziranog od strane laboratorije, kako je to izjavio sportista;
- o) bilo koje neregularnosti u procedurama;
- p) komentari ili pritužbe sportiste koji se tiču sprovođenja „Procedure prikupljanja uzoraka“, ako ih je bilo;
- q) suglasnost sportiste za obradu podataka o testu u ADAMS-u;
- r) suglasnost sportiste ili nesuglasnost za korištenje uzor(a)ka u svrhu istraživanja;
- s) ime i prezime i potpis legalnog predstavnika sportiste (ako je primjenjivo), kao po stavu 7.4.6;
- t) ime i prezime i potpis sportiste; i
- u) ime i prezime i potpis „Službenika za doping kontrolu“.

7.4.6 Prilikom zaključivanja „Procedure prikupljanja uzoraka“ sportista i „Službenik za doping kontrolu“ će potpisati odgovarajuću dokumentaciju da time izraze svoje zadovoljstvo jer dokumentacija tačno odražava detalje „Procedure prikupljanja uzoraka“ sportiste, uključujući i moguće primjedbe zabilježena od strane sportiste. Legalni predstavnik sportiste (ako ga ima) i sportista će oboje potpisati dokumentaciju ako je sportista maloljetan. Ostale prisutne osobe koje eu imale službenu ulogu za vrijeme „Procedure uzimanja uzorka“ od sportiste mogu potpisati dokumentaciju kao svjedoci događanja.

7.4.7 „Službenik za doping kontrolu“ će sportisti obezbijediti kopiju zabilješki „Procedure prikupljanja uzoraka“ koju je potpisao sportista.

8.0 Sigurnosna/Post test administracija

8.1 Svrha

Da se osigura da su svi uzorci prikupljeni u „Stanici za doping kontrolu“ i dokumentacija o prikupljanju uzoraka sigurno uskladišteni prije njihovog napuštanja „Stanice za doping kontrolu“

8.2 Opšte odredbe

Post test administracija počinje kada je sportista napustio „Stanicu za doping kontrolu“ nakon davanja svog uzorka, i završava sa pripremom svih prikupljenih uzoraka i dokumentacije o prikupljanju uzoraka za transport.

8.3 Uslovi koje treba ispuniti za sigurnosnu/post test administraciju

8.3.1 „Antidoping organizacija“ će definirati kriterije osiguravajući da će svaki uzorak biti uskladišten na način da osigurava njegov integritet, identitet i sigurnost prije transporta od „Stanice za doping kontrolu“ . „Službenik za doping kontrolu“ će osigurati da je svaki uzorak uskladišten u skladu sa ovim kriterijima.

8.3.2 „Antidoping organizacija“/“Službenik za doping kontrolu“ će razviti isstem da osigura da je dokumentacija za svaki uzorak kompletna i da se sa njom sigurno rukuje.

8.3.3 „Antidopng organizacija“ će razviti sistem da osigura da, gdje se to traži, instrukcije za vrstu analize koja će se izvesti budu obezbjeđene WADA-inoj

ovlaštenoj laboratoriji ili koja na drugi način ima odobrenje za rad od strane WADA-e.

9.0 Transport uzoraka i dokumentacija

9.1 Svrha

- a) da osigura da uzorci i dokumentacija koja se na njih odnosi dođu u WADA ovlaštenu laboratoriju ili onu koja na drugi način ima dozvolu za rad od strane vlade u ispravnom stanju za potrebnu analizu, i
- b) da osigura da dokumentacija o „Proceduri prikupljanja uzoraka“ bude poslata od strane „Službenika za doping kontrolu“ u „Antidoping agenciju“ na siguran i pravovremen način.

9.2 Opšte odredbe

Transport počinje kada uzorci i dokumentacija koja se na njih odnosi napuste „Stanicu za doping kontrolu“ i završava sa potvrđenim primitkom uzoraka i dokumentacije o „Proceduri prikupljanja uzoraka“ na njihova odredišta.

Glavne aktivnosti su ugovaranje sigurnog transporta uzoraka i dokumentacije koja se na njih odnosi u WADA-inu ovlaštenu laboratoriju ili onu koja na drugi način ima odobrenje za rad od strane WADA-e., osiguravanje sigurnog transporta dokumentacije o „Proceduri prikupljanja uzoraka u „Antidoping organizaciju.“

9.3 Uslovi koje treba ispuniti za transport i skladištenje uzoraka i dokumentacije

9.3.1 „Antidoping organizacija“ će dati odobrenje za sistem transporta koji osigurava da će uzorci i dokumentacija biti transportovani na način koji štiti njihov integritet, identitet i sigurnost.

9.3.2 Uzorci će uvijek biti transportovani u laboratoriju akreditovanu od strane WADA-e (ili onu koja na drugi način ima odobrenje od WADA-e), koristeći metodu transporta koju je odobrila „Antidoping organizacija“, što je prije moguće izvesti nakon kompletiranja „Procedure prikupljanja uzoraka.“ Uzorci će biti transportovani na način koji do minimuma umanjuje šanse za degradaciju uzorka zbog faktora kao što je vremenski faktor zbog odgode ili ekstremne temperaturne razlike.

[Komentar: „Antidoping organizacije“ bi trebale razmotriti uslove za transport za određene misije zajedno sa laboratorijom koju koriste za analizu uzoraka, da odrede šta je neophodno (na primjer, da li je potrebno hlađenje ili smrzavanje uzoraka) pri određenim uslovima kod tih misija]

9.3.3 dokumentacija koja identifikuje sportistu ne bi trebala biti uključena sa uzorcima ili dokumentacijom poslanom u laboratoriju akreditovanu od strane WADA-e ili onu koja na drugi način ima odobrenje od WADA-e.

9.3.4 „Službenik za doping kontrolu“ će poslati svu relevantnu dokumentaciju „Procedure prikupljanja uzoraka“ „Antidoping organizaciji“ koristeći metod transporta koji je odobrila „Antidoping organizacija“ što je prije moguće izvesti nakon kompletiranja „Procedure prikupljanja uzoraka.“

9.3.5 „Antidoping oragnizacija“ će provjeriti lanac odgovornosti ako prijem bilo uzoraka sa pripadajućom dokumentacijom ili dokumentacije „Procedure prikupljanja

- uzoraka“ nije potvrđen na njihovom odredištu ili su integritet ili identitet mogli biti ugroženi prilikom transporta. U ovom slučaju, „Antidoping organizacija“ će odlučiti da li će taj uzorak biti proglašen nevažećim.
- 9.3.6 Dokumentacija koja se odnosi na „Proceduru prikupljanja uzoraka“ i/ili kršenje antidoping pravila će biti arhivirana od strane „Antidoping organizacije“ na period od minimalno 8 godina kako je to regulisano Članom 17 „Antidopinškog kodeksa.“
- 10.0 Vlasništvo nad uzorcima
- 10.1 „Antidoping organizacija“ koja inicira testiranje sportiste je vlasnik uzoraka prikupljenih od tog sportiste.
- 10.2 „Antidoping organizacija“ koja inicira testiranje sportiste može prenijeti vlasništvo nad uzorcima tijelu „Antidoping organizacije“ koja vrši rukovođenje rezultatima koji se odnose na tu vrstu testiranja.
- 11.0 Uslovi za popunjavanje obrasca o mjestu boravka sportiste
- 11.1 Svrha/Opšti principi
- 11.1.1 Priznato je i prihvaćeno da (a) testiranje izvan takmičenja bez prethodne najave je srž efikasne doping kontrole; i (b) bez tačne informacije kao što je ona koja se odnosi na mjesto boravka sportiste, takvo testiranje može biti neefikasno i često nemoguće.
[Komentar na 11.1.1: Takvo priznavanje je temeljno obrazloženje koje leži ispod Člana 2.4 „Antidopinškog kodeksa“ i ovog Člana 11 „Međunarodnog standarda za testiranje.“]
- 11.1.2 Prema tome, pored razvijanju „Plana distribucije testiranja“ u skladu sa Članom 4 ovog „Međunarodnog standarda za testiranje,“ svaka IF i NADO moraju kreirati „Registriranu test grupu“ sportista koji ispunjavaju kriterije precizirane od strane IF/NADO (kao primjenjive): vidi stav 11.2 i, vezano za timske sportove, stav 11.5. Sportisti u „Registriranoj test grupi“ moraju se potčinjavati i pridržavati uslovima o davanju podataka o mjestu boravišta određenim u ovom Članu 11: Vidi Član 14.3 „Svejsokg antidoping kodeksa.“
- 11.1.3 Sportista iz „registrirane test grupe“ je obavezan da popunjava obrazac o mjestu boravišta svaka tri mjeseca (kvartalno) koji daje tačnu i potpunu informaciju o mjestu boravišta sportiste za vrijeme nadolazeća tri mjeseca, uključujući identificiranje gdje će on/ona živjeti, trenirati i takmičiti se u ta tri mjeseca: Vidi stav 11.3. Neispunjavanje te obaveze je ravno nepridržavanju uslovima o mjestu boravka i samim tim nepridržavanju uslovima popunjavanja prema odredbama Člana 2.4 „Svjetskog antidoping kodeksa.“
- 11.1.4 Sportista iz „registrirane test grupe“ je takođe obavezan precizirati pri popunjavanju svog obrasca o mjestu boravka, za svaki dan u nadolazećem tromjesječju, jedan određeni 60-minutni vremenski period navodeći kada će on/ona biti dostupan/na na preciziranoj lokaciji za testiranje: Vidi stav 11.4. ovo ni u kom slučaju ne ograničava sportistu da bude dostupan za testiranje u bilo koje vrijeme i na bilo kojem mjestu. Niti ne ograničava njegovu/njenu obavezu da dá informacije precizirane u stavu 11.3 koje se odnose na njegovu/njeno mjesto boravka izvan tog perioda od 60 minuta. Međutim, ako sportista nije dostupan na navedenoj lokaciji

za vrijeme tih 60 minuta preciziranih za taj dan iz podataka koje je on/ona dao/la popunjavajući obrazac o mjestu boravišta, takvo nepridržavanje je ravno „Propuštenom testu“ i prema tome će se smatrati nepridržavanjem uslovima o mjestu boravka prema odredbama Člana 2.4 „Svjetskog antidoping kodeksa.“

[Komentar na 11.1.4: Svrha 60-minutnog vremenskog perioda je da se postavi ravnoteža između potrebe da se locira sportista za testiranje i nepraktičnosti i nepravdnosti činjenja sportista potencijalno odgovornim za „Propušteni test“ svaki put kada oni odstupe od svoje prethodno navedenog uobičajenog kretanja. „Antidoping organizacije“ koje su sprovodile u djelo sisteme za podatke o mjestu boravka u periodu do 2008. godine su oslikale tu tenziju na različite načine. Neke su zahtijevale „24/7“ informacije o mjestu boravka, ali nisu prijavljivale „Propušteni test“ ako sportista nije bio tamo gdje je rekao (naveo) da će biti osim ako (a) se on/ona nije mogao prijaviti na testiranje usprkos tome što je obavješten(a) putem telefona; ili (b) narednog dana on/ona nije bio tamo gdje je bio rekao(la) (naveo) gdje će biti. Ostali su tražili detalje o mjestu boravka sportiste samo za period od jednog sata po danu, ali držali sportistu potpuno odgovornim za taj period, što je davalo svakoj strani sigurnost ali je ograničavalo „Antidoping organizaciju“ da testira sportistu izvan tog perioda od sat vremena. Nakon obimne konsultacije sa direktnim sudionicima sa značajnim iskustvom sa mjestom boravka, zauzet je stav da je najbolji način da sa maksimiziraju šanse za pronalaženje sportiste u bilo koje vrijeme, dok se obezbjeđuje razumno i olakšavajuće olakšanje „24/7“ odgovornosti „Propuštenog testa“, bio da se kombiniraju najbolji elementi oba sistema, to jeste traženje objelodanjivanja informacija o mjestu boravka na principu „24/7“, dok se u isto vrijeme ograničava izlaganje „Propuštenom testu“ na 60-minutni vremenski period. (Za diskusiju kako će ovo izgledati u praksi, vidi komentar na stav 11.4.1)]

11.1.5 Više od jedne „Antidoping organizacije“ mogu imati nadležnost da testiraju sportistu iz „Registirane test grupe“ (vidi Član 15 „Svjetskog antidoping kodeksa“) i prema tome (gdje je pokušaj da se testira sportista neuspješan a uslovi propisani stavom 11.5.3 su zadovoljeni) da prijavi sportistu za „Propušteni test.“ Taj „Propušteni test“ će biti priznat od strane „Antidoping organizacija“ u skladu sa Stavom 15.4 „Svjetskog antidoping kodeksa.“

11.1.6 Ako sportista iz „Registirane test grupe“ počini ukupno tri nepridržavanja uslovima o mjestu boravka (koje može biti kombinacija nepridržavanja uslovima popunjavanja i/ili propušteni testovi dodajući ukupan broj od tri) unutar perioda od 18 mjeseci bez obzira koja „Antidoping organizacija“ je otkrila prekršaje, smatraće se da je počinio kršenje antidoping pravila pod članom 2.4 „Svjetskog antidoping kodeksa.“

[Komentar na 11.1.6: Dok pojedinačno nepridržavanje uslovima o mjestu boravka neće predstavljati kršenje antidoping pravila pod članom 2.4 „Svjetskog antidoping kodeksa“, to može biti, ako su okolnosti prilično evidentne, izaći na kršenje antidoping pravila na osnovu člana 2.3 „Svjetskog antidoping kodeksa“ (izbjegavanje prikupljanja uzoraka) i/ili na osnovu člana 2.5 „Svjetskog antidoping kodeksa“ (krivotvorenje ili pokušaj krivotvorenja sa doping kontrolom). Ništa u ovom „Međunarodnom standardu za testiranje“ nije sa namjerom da spriječi „Antidoping organizaciju od tretiranja nepridržavanja uslovima mjesta boravka kao kršenje antidoping pravila na osnovu jednog ili oba takva člana gdje okolnosti opravdavaju (bez predrasude o slijedećoj mogućnosti da se na to osloni kao

nepridržavanje uslovima o mjestu boravka na osnovu člana 2.3 „Svjetskog antidoping kodeksa).

Samo sportisti koji su bili određeni za uključivanje u „Registriranu test grupu“, u skladu sa članom 14.3 „Svjetskog antidopinškog kodeksa“, su predmet obaveza po pitanju mjesta boravka određenim u ovom članu 11. Ostali sportisti nisu predmet ovih obaveza po pitanju mjesta boravišta. Međutim, ništa u ovom „Međunarodnom standardu a testiranje ne sprječava „Antidoping organizaciju“ od razvijanja različitih obaveza po pitanju mjesta boravka za sportiste koji su izvan „Registrirane test grupe.“ Na primjer:

- a) gdje okolnosti opravdavaju, „Antidoping organizacija“ može identificirati određeni „visoki rizik“ sportista pod njenom nadležnošću koji bi trebali predmet striktnijih obaveza po pitanju mjesta boravka (kao što je proširenje vremenskih perioda za vrijeme kojih se sportista može držati odgovornim za propušteni test ako on/ona nije dostupan/dostupna za testiranje, na primjer da unese redovne periode trajanja treninga); i/ili
- b) „Antidoping organizacija“ može identificirati grupu sportista (na primjer one sportiste koji su u većoj registriranoj test grupi koja se održala prije objavljivanja „Međunarodnog standarda za testiranje“ –verzije 4.0) koji mogu biti određeni da budu predmet manjih obaveza po pitanju mjesta boravka (na primjer popunjavanje mjesta stanovanja i redovni trening, takmičenje i druge redovne aktivnosti, ali ostaje obaveza 60 minutnog vremenskog perioda).

U ovom duhu, opseg (ili piramida) različitih test grupa mogu biti uspostavljene od strane „Antidoping organizacije“, sa različitim obavezama koje se tiču određene grupe u odnosu na drugu. A svako nepridržavanje tim zadanim uslovima može biti smatrano nepridržavanjem uslovima o mjestu boravka u smislu člana 2.4 „Svjetskog antidoping kodeksa.“

Razlika se pojavljuje kada dolazi do kombiniranja nepreidržavanja uslovima o mjestu boravka objavljenim pod različitim pravilima. Gdje je sportista unutar „Registrirane test grupe“, samo nepridržavanje uslovima o mjestu boravka određene protiv njega/nje bazirane na pravilima koje su konzistentne sa ovim članom 11 ovog „Međunarodnog standarda za testiranje“ se mogu kombinirati za svrhe člana 2.4 „Svjetskog antidoping kodeksa.“ Tamo gdje je sportista u je sportista u jednoj „Registriranoj test grupi“, na koju se primjenjuju druge obaveze o mjestu boravka, onda pravila „Antidoping organizacije“ koja ga/nju stavljaju u tu grupu će odrediti do kojeg opsega nepridržavanja uslovima o mjestu boravka donesenih protiv sportiste pod pravilima druge grupe mogu biti kombinirana sa nepridržavanjima uslovima objavljenim pod pravilima „Antidoping organizacije“ za svrhu člana 2.4 „Svjetskog antidopinškog kodeksa“]

11.1.7 Period od 18 mjeseci iz stava 11.1.6 počinje onog datuma kada je sportista počinio nepridržavanje uslovima o mjestu boravka. Na taj period ne može uticati bilo koje uspješno prikupljanje uzoraka sprovedeno s obzirom na tog sportistu unutar perioda od 18 mjeseci, to jest ako se dese tri nepridržavanja uslovima o mjestu boravka tada je počinjeno kršenje pravila prema članu 2.4 „Svjetskog antidoping kodeksa“, bez obzira na bilo koji uspješno prikupljen uzorak od tog sportiste za vrijeme tog perioda od 18 mjeseci. Međutim, ako sportista koji je počinio prekršaj nepridržavanja uslovima o mjestu boravka ne nastavi sa time i ne počinii još dva prekršaja nepridržavanja uslovima unutar 18 mjeseci od prvog, na kraju perioda od

18 mjeseci prvom prekršaju nepridržavanja uslovima o mjestu boravka „ističe rok“ prema stavu 11.1.6 ovog „Međunarodnog standarda za testiranje.“

[Komentar na 11.1.7: ako sportista počini dva prekršaja nepridržavanja uslovima o mjestu boravka, a onda ne počini treći u roku od 18 mjeseci od prvog, onda prvom prekršaju nepridržavanja uslovima o mjestu boravka „ističe rok“ a period od 18 mjeseci se računa od datuma počinjenog drugog prekršaja nepridržavanja uslovima o mjestu boravka.

Za svrhu utvrđivanja da li se prekršaj nepridržavanja uslovima desio unutar perioda od 18 mjeseci prema stavu 11.1.6:

- a) nepridržavanje uslovima popunjavanja obrasca o mjestu boravka će se smatrati da se desio prvi dan tromjesečja za koji sportista ne izvrši obavezno popunjavanje, ili (u slučaju svakog narednog nepridržavanja uslovima popunjavanja obrasca o mjestu boravka u istom tromjesečju) na dan kada ističe zadnji rok preciziran u skladu sa stavom 11.3.8 istekne; i
- b) smatrat će se da se desio propušteni test na dan kada je izvršen bezuspješan pokušaj prikupljanja uzorka.]

11.1.8 Prelazna uređenja:

- a) ova verzija „Međunarodnog standarda za testiranje“ iz januara 2009. godine, uključujući (bez ograničenja) odredbe koje se odnose na kombinaciju nepridržavanja uslovima o mjestu boravka određenim od različitih antidoping organizacija prema članu 2.4 „Svjetskog antidoping kodeksa“, se mora primjeniti u punoj snazi na sva nepridržavanja uslovima o mjestu boravka nastala nakon 1.1.2009. godine.

[Komentar na 11.1.8 a): Ništa u ovom „Međunarodnom standardu za testiranje“ ne isključuje „Antidoping organizaciju“ prije 1.1.2009. godine da uspostavi svoju „Registiriranu test grupu“ sportista prema članu 11 ovog „Međunarodnog standarda za testiranje,“ i obavještavanje sportista da su uključeni u tu grupu, i da sakuplja obrasce o mjestu boravka od sportista za tromjesečje koje počinje od 1.1.2009. godine.]

- b) kada se sportista ne pridržava bilo kojim uslovima objavljenim u skladu sa pravilima „Antidoping organizacije“ koja su od tada primjenjiva kada je u pitanju period od 18 mjeseci sve do 1.1.2009., pitanja da li takva nepridržavanja mogu biti kombinirana jedna sa drugim i/ili sa nepridržavanjima uslovima o mjestu boravka nako 1.1.2009. godine na osnovu člana 2.4 „Svjetskog antidoping kodeksa“ će biti određena po osnovu člana 25.2 „Svjetskog antidoping kodeksa.“

[Komentar na 11.1.8 (b): Ništa u ovom „Međunarodnom standardu za testiranje“ ne isključuje „Antidoping organizaciju“ da propiše u svojim pravilima da će priznati kršenja vezana za mjesto boravka određena od strane drugih „Antidoping organizacija“ čak i prije 1.1.2009. godine, kada su ta kršenja vezana za mjesto boravka objavljena javno od strane „Antidoping organizacija“ koje su u pitanju. Čak šta više, „Antidoping organizacija“ može obavijestiti sportistu da nepridržavanja uslovima o mjestu boravka počinjena nakon obavještenja ali prije 1.1.2009. godine će biti kombinirana sa nepridržavanjima uslovima o

mjestu boravka počinjenim nakon 1.1.2009. godine na osnovu člana 2.4 „Svjetskog antidoping kodeksa.“

11.2 Uslovi za uspostavljanje „Registirane test grupe“

11.2.1 Svaka IF će definirati kriterije za sportiste koji trebaju biti uključeni u „Registiranu test grupu“ za svoj sport, i objaviće ove kriterije kao i listu sportista koji ispunjavaju te kriterije (i prema tome su uključeni u međunarodnu „Registiranu test grupu“) za period koji je u pitanju. Kriteriji koji se koriste trebaju odražavati procjenu rizika IF-e za doping izvan takmičenja u tom sportu: vidi stav 4.2. Dok takvi kriteriji (kao i broj sportista u „Registiranoj test grupi“) mogu varirati od sporta do sporta, IF mora biti u mogućnosti da pokaže da je napravila pravilnu procjenu od relevantnih rizika i da je usvojila odgovarajuće kriterije bazirane na rezultatima te procjene.

[Komentar na 11.2.1: Kao generalni princip, očekuje se da „Registirana test grupa“ uključuje sportiste koji se takmiče regularno na najvećem nivou međunarodnih takmičenja (na primjer kandidati za olimpijske, paraolimpijske ili medalje sa svjetskih prvenstava), određene prema rangiranju ili drugim odgovarajućim kriterijima. U skladu sa stavom 4.4.4, odgovarajuća proporcija testiranja izvan takmičenja precizirana u „Planu distribucije testiranja“ IF-a mora biti sprovedena na sportistima iz međunarodne „Registirane test grupe.“

Kada su u pitanju opcije za prepravljanje „Registirane test grupe“ u timskom sportu vidi stav 11.5.1]

11.2.2 Svaka NADO će definirati kriterije za sportiste koji trebaju biti uključeni u njenu nacionalnu „Registiranu test grupu“ iz sportova koji su uključeni u njen „Plan distribucije testiranja,“ i objavit će te kriterije kao i listu sportista koji ispunjavaju takve kriterije (i sami tim su uključeni u nacionalnu „Registiranu test grupu“) za period koji je u pitanju. Kriteriji koji se koriste trebaju odražavati procjenu od rizika NADO-e o dopingu izvan takmičenja u tim sportovima (vidi stav 4.3), kao i imperitive nacionalne antidoping politike navedenim u stavu 4.3.1. Dok takvi kriteriji mogu varirati od zemlje do zemlje, NADO mora biti u mogućnosti da pokaže da je napravila pravilnu procjenu od relevantnih rizika i da je usvojila kriterije bazirane na rezultatima takve procjene.

[Komentar na 11.2.2: Kao opšti princip, osim ako se ne pojavi dobar razlog, očekuje se da nacionalna „Registirana test grupa“ uključi (i) sportiste nad kojim NADO ima nadležnost koji su uključeni u međunarodnu „Registiranu test grupu“; (ii) sportiste koji su dio nacionalnih timova na olimpijskim igrama, paraolimpijskim igrama ili drugim sportovima od visokog državnog prioriteta (ili koji bi mogli biti izabrani u takve timove); i (iii) sportiste koji teniraju nezavisno ali učestvuju na olimpijskom/paraolimpijskom nivou i mogli bi biti izabrani za takve sportske događaje.

Primjer razloga zašto neki sportista u jednoj od ovih kategorija možda ne bi mogao biti uključen u nacionalnu „Registiranu test grupu“ bi bio ako takvo uključivanje nije konzistentno sa nacionalnim imperativima antidoping politike NADO-e, kao što je opisano u stavu 4.3.1.

U skladu sa članom 4.4.4, gdje su sportisti iz određenog sporta uključeni u nacionalnu „Registriranu test grupu“, odgovarajuća proporcija testiranja izvan takmičenja dodijeljena tom sportu u „Planu distribucije testiranja“ NADO-e mora biti izvršena na takvim sportistima.]

11.2.3 „Antidoping organizacija“ će u svoju „Registriranu test grupu“ uključiti (a) one sportiste pod svojom nadležnošću koji služe period nepodobnosti (vidi član 10.11 „Svjetskog antidoping kodeksa“); i (b) one sportiste pod svojom nadležnošću koji su se povukli iz aktivnog bavljenja sportom u vrijeme kada su bili u njenoj „Registriranoj test grupi“ i koji žele da se vrate iz tog perioda prestanka aktivnog bavljenja sportom u aktivno bavljenje u svom sportu (vidi član 5.4 „Svjetskog antidoping kodeksa“). „Antidoping organizacija“ može takođe uključiti u svoju „Registriranu test grupu“ one sportiste pod svojom nadležnošću na kojima želi sprovesti ciljano testiranje.

11.2.4 „Antidoping organizacija“ će periodično revidirati i obnavljati, prema potrebi, svoje kriterije za uključivanje sportista u svoju „Registriranu test grupu.“ Dodatno, „Antidoping organizacija“ će periodično izvršiti reviziju svoje objavljene liste sportista u „Registriranoj test grupi“ da osigura da svaki registrirani sportista nastavlja ispunjavati date kriterije. Sportisti koji više ne ispunjavaju kriterije trebaju biti uklonjeni iz „Registrirane test grupe,“ a sportisti koji ispunjavaju kriterije trebali bi biti dodati „Registriranoj test grupi.“ „Antidoping organizacija“ mora obavijestiti takve sportiste o promjeni njihovog statusa, i objaviti novu listu sportista u „Registriranoj test grupi,“ bez odgode.

[Komentar na 11.2.4: vidi stav 11.5.2 za diskusiju o primjenjivosti ovog stava 11.2.4 u kontekstu „Registriranih test grupa“ definiranih u odnosu na timove]

11.2.5 Sportista koji je uključen u „Registriranu test grupu“ nastavlja biti predmetom uslova o mjestu boravka određenih u ovom članu 11 osim ako i do:

- a) on/ona je dobio/la pismeno obavještenje od odgovorne „Antidoping organizacije“ da on/ona nije više određen/a za uključivanje u „Registriranu test grupu“; ili
- b) on/ona se prestane aktivno baviti takmičenjima u sportu koji je u pitanju u skladu sa primjenjivim pravilima i da pismeno obavještenje svojoj IF ili NADO ili objema (kako je primjenjivo) do tada.

[Komentar na 11.2.5 (a): Primjenjiva pravila mogu takođe zahtijevati da obavijest o prestanku aktivnim bavljenjem sportom bude poslano nacionalnoj federaciji sportiste.

Tamo gdje se sportista prestane aktivno baviti sportom ali se zatim vrati u sport, njegov/njen period prestanka bavljenja/ nedostupnosti za testiranje izvan takmičenja će biti izostavljen u svrhu računanja perioda od 18 mjeseci prema članu 2.4 „Svjetskog antidoping kodeksa“ i stava 11.1.5. Kao rezultat, nepridržavanje uslova o mjestu boravka počinjeni od strane sportiste prije povlačenja iz aktivnog bavljenja sportom mogu biti kombinirana, u svrhu člana 2.4 „Svjetskog antidoping kodeksa“, sa nepridržavanjima uslovima o mjestu boravka počinjenom od strane tog sportiste nakon njegovog/njenog povratka iz prestanka bavljenja/nedostupnosti za testiranje izvan takmičenja. Na primjer, ako

je sportista počinio dva nepridržavanja uslovima o mjestu boravka 12 mjeseci prije njegovog/njenog prestanka aktivnim bavljenjem sportom, onda ako on/ona počinio još jedno nepridržavanje uslovima o mjestu boravka u prvih 6 mjeseci nakon njegovog/njenog povratka iz prestanka bavljenja/nedostupnost za testiranje izvan takmičenja, ovo se tretira prema članu 2.4 „Svjetskog antidoping kodeksa“ i kršenje je antidoping pravila.

11.2.6 U svrhu koordinacije, „Antidoping organizacija“ će drugim relevantnim „Antidoping organizacijama“ i WADA-i učiniti dostupnim kriterije koje je „Antidoping organizacija“ uspostavila za uvođenje sportista u svoju „Registriranu test grupu“, važeću listu sportista u svojoj „Registriranoj test grupi“, i dopune prema potrebi: vidi član 14.3 „Svjetskog antidoping kodeksa.“

11.3 Uslovi za popunjavanje formulara o mjestu boravka

[Komentar na 11.3: „Antidoping organizacije“ su ohrabrene da koriste ADAMS sistem da olakšaju podjelu informacija koje se zahtijevaju u ovom članu 11.

Vidi stav 11.5.5 za diskusiju o primjenjivosti ovog stava 11.3 u kontekstu timskog sporta]

11.3.1 Na datum preciziran od strane odgovorne „Antidoping agencije“ koji je prije prvog dana svakog tromjesečja (to jest 1. januar, 1. april, 1. jul i 1. oktobar, prema redoslijedu), sportista koji je u „Registriranoj test grupi“ mora popuniti obrazac o mjestu boravka i predati svojoj IF (ako je sportista uključen u međunarodnu „Registriranu test grupu“) ili svojoj NADO (ako je sportista uključen u nacionalnu „Registriranu test grupu“) koja sadrži najmanje slijedeće informacije:

[Komentar na 11.3.1: Ako je sportista uključen i u međunarodnu „Registriranu test grupu“ i nacionalnu „Registriranu test grupu“ onda njegovi IF i NADO moraju izvršiti dogovor ko će preuzeti njegov popunjeni obrazac o mjestu boravišta i obavijestiti sportistu o tome. Ako nije postignut takav dogovor, WADA će odlučiti da li će IF ili NADO biti odgovorni. Sportista bi trebao podnijeti popunjeni obrazac o mjestu boravišta samo svojoj odgovornoj „Antidoping organizaciji“, koja će onda podijeliti te informacije sa IF/NADO sportiste (kako je primjenjivo) i ostale „Antidoping organizacije“ sa nadležnošću da testiraju tog sportistu, u skladu sa stavom 11.7.3(c). Kod takvih slučajeva, ipak bi bilo neophodno da IF/NADO (kako je primjenjivo) koja nije odgovorna „Antidoping organizacija“ da obavijeste sportistu da je on/ona takođe u njenoj „Registriranoj test grupi“, u skladu sa stavom 11.7.1(b).

a. kompletna poštanska adresa na koju će se dopis poslati sportisti u svrhu slanja službenih obavijesti. Bilo koja obavijest ili neki drugi predmet poslan poštom na tu adresu smatraće se da je zaprimljen od strane sportiste pet radnih dana nakon što je dostavljen na navedenu adresu;

[Komentar na 11.3.1(a): U ove svrhe, sportista će precizirati adresu na kojoj on/ona živi ili drugu na kojoj on/ona zna da će se on/ona odmah obavijestiti o bilo kojoj pristigloj pošti za njega/nju. „Antidoping organizacija“ je ohrabrena da takođe dodatno unese ovu osnovnu odredbu sa drugom obavijesti i/ili odredbu o „obavijesti koja se podrazumijeva da je zaprimljena“ u svojim pravilima (na primjer, dozvolava za upotrebu faksa, elektronske pošte (email), SMS poruke ili drugih vrsta usluge

obavještanja; dozvoljavajući dokaz da je obavijest stvarno zaprimljena kao zamjenu za obavijest za koju se smatra da je zaprimljena; dozvoljavajući da se obavijest dostavi nacionalnoj federaciji sportiste ako se vrati nedostavljena sa adrese koju je dao sportista). Svrha ovih odredaba bi trebala biti da se skрати vremenski rok vođenja rezultata određenih u stavu 11.6]

- b. detalji o bilo kakvoj nesposobnosti sportiste koje mogu uticati na proceduru pri provođenju „Procedure prikupljanja uzoraka“;
- c. precizno priznanje saglasnosti sportiste na davanje informacija iz njegovog formulara o mjestu boravišta drugim „Antidoping organizacijama“ koje imaju nadležnost da ga/nju testiraju: vidi član 14.6 „Svjetskog antidoping kodeksa“;
- d. za svaki dan u tromjesečju koje slijedi (op.prev. – ako se obrazac popunjava 31. decembra, prema propisu „dan prije“, tromjesečje koje slijedi je ono koje počinje 1.januara), punu adresu mjesta gdje će sportista boraviti (na primjer u svom stanu/kući, privremeni smještaj, hotel, itd.);
- e. za svaki dan u tromjesečju koje slijedi, naziv i adresu svake lokacije gdje će sportista trenirati, raditi ili vršiti bilo koju redovnu aktivnost (npr. škola), kao i uobičajene vremenske okvire za takve regularne aktivnosti; i

[Komentar na 11.3.1(e): Ova obaveza vezuje samo redovne aktivnosti, to jeste aktivnosti koje su dio redovne rutine sportiste. Na primjer, ako redovna rutina uključuje treniranje u fiskulturnoj dvorani, na bazenu i stazi, i redovne procedure fizikalne terapije, onda bi sportista trebao dostaviti naziv i adresu fiskulturne dvorane, bazena, staze i mjesta držanja fizikalnih terapija u svom obrascu o mjestu boravka koji popunjava, a onda odrediti i upisati svoju uobičajenu rutinu, na primjer: „ponedjeljom: 9-11 fiskulturna sala, 13-17 fiskulturna sala; utorkom: 9-12 fiskulturna sala, 16-18 staza; petkom 9-11 bazen, 3-5 fizikalna terapija; subotom: 9-12 staza, 13-15 bazen; nedjeljom: 9-11 staza, 13-15 bazen.“

Ako sportista trenutno ne trenira, on/ona bi to trebao/la precizirati njegovom popunjenom obrascu o mjestu boravišta i u detalje navesti bilo koju drugu rutinu koju će on/ona imati u narednom periodu, na primjer svoju radnu rutinu, ili raspored nastave u školi, ili rutinu vezanu za rehabilitaciju, ili drugu rutinu i navesti tačnu adresu i lokaciju gdje će se ta rutina odvijati i vremenski okvir unutar kojeg će se odvijati.]

- f. raspored takmičenja sportiste za tromjesečje koje slijedi, uključujući naziv i adresu svake lokacije gdje sportista ima takmičenje po rasporedu u tom tromjesečju i datum(e) kada on/ona ima takmičenje po rasporedu na tim lokacijama.

11.3.2 Popunjavanje obrasca o mjestu boravka mora takođe uključiti, za svaki dan slijedećeg tromjesečja, jedan precizirani 60-minutni vremenski period između 6 ujutro i 11 uvečer svakog dana gdje će sportista biti dostupan i biti će mu moguće prići za testiranje na preciziranoj lokaciji.

[Komentar na 11.3.2: Sportista može izabrati koju lokaciju da identifikuje za svoj 60-minutni vremenski period. To bi moglo biti mjesto stanovanja sportiste, ili mjesto treninga ili takmičenja, ili bi to mogla biti druga lokacija (na primjer na poslu ili u

školi). Ako sportista ne bude dostupan na navedenoj lokaciji za vrijeme preciziranog vremenskog perioda bit će optužen za „Propušteni test“, u skladu sa stavom 11.6.3]

11.3.3 Kada se vrši popunjavanje obrasca o mjestu boravka, odgovornost je sportiste da osigura da on/ona daje sve informacije tačno i sa dovoljno detalja da omogući bilo kojoj „Antidoping organizaciji“, koja to želi, da locira sportistu za testiranje za dati dan u tromjesečju, uključujući ali ne i da bude ograničena na 60-minutni vremenski period preciziran za taj dan u popunjenom obrascu za mjesto boravka.

[Komentar na 11.3.3: Odgovorna „Antidoping organizacija“ će učiniti ADAMS (ili neku drugu bazu podataka slične funkcionalnosti i sigurnosti) dostupnim sportisti ili će obezbijediti neke druge elektronske forme ili forme na papiru da ih koristi pri popunjavanju obrasca o mjestu boravka. WADA će napraviti šablonski oblik dostupan za upotrebu „Antidoping organizacijama.“

Kada sportista ne zna tačno gdje će biti njegovo/njeno prebivalište cijelo vrijeme za vrijeme slijedećeg tromjesečja, on/ona mora dati najbolju informaciju, zasnovanu na onome gdje on/ona očekuje da će njegovo prebivalište biti u data vremena, a onda obnoviti podatke iz prvobitne informacije ako je potrebno u skladu sa stavom 11.4.2. „Antidoping organizacije“ bi trebale obezbijediti odgovarajuće mehanizme (na primjer telefon, faks, e-mail, SMS) da olakšaju popunjavanje ovih obnovljenih podataka.

Kada precizira lokaciju pri popunjavanju podataka o mjestu boravišta (bilo da je originalno tromjesečno popunjavanje ili obnova podataka), sportista mora obezbijediti dovoljno informacija da omogući „Službeniku za doping kontrolu“ da nađe tu lokaciju, da dobije pristup lokaciji, te da nađe sportistu na toj lokaciji. Na primjer, izjave kao što je „Trčanje u crnoj šumi“ nisu dovoljne i vjerovatno će rezultirati nepridržavanju uslova o mjestu boravka. Slično tome, precizirati lokaciju kojoj „Službenik za doping kontrolu“ nema pristup (na primjer „zabranjen pristup“ nekoj zgradi ili području) će vjerovatno rezultirati neuspješnom pokušaju da se testira sportista i samim tim nepridržavanju uslova o mjestu boravka.

U takvim okolnostima, postoji nekoliko mogućnosti:

- a. kada je „Antidoping organizacija“ u mogućnosti da utvrdi nedovoljan broj informacija u popunjavanju obrasca o mjestu boravka, „Antidoping organizacija“ će kazniti takve informacije kao očigledno nepridržavanje uslovima popunjavanja, u skladu sa članom 11.6.2.
- b. kada „Antidopong organizacija otkrije nedovoljan broj informacija u popunjenom obrascu o mjestu boravka pri pokušaju da testira sportistu i nije u mogućnosti da ga/nju locira:
 - i. ako se nedovoljna informacija odnosi na 60-minutni vremenski period, „Antidoping organizacija“ će kazniti ovakav slučaj kao očigledan „Propušteni test“, u skladu sa stavom 11.6.3, i/ili (gdje okolnosti opravdavaju) kao izbjegavanje prikupljanja uzoraka po članu 2.3 „Svjetskog antidoping kodeksa“, i/ili kao krivotvorenje ili pokušaj krivotvorenja sa doping kontrolom po članu 2.5 „Svjetskog antidoping kodeksa“; i

ii. ako se nedovoljna informacija odnosi na period izvan 60-minutnog vremenskog perioda, onda će „Antidoping organizacija“ kazniti ovakav slučaj kao očigledno nepridržavanje uslovima popunjavanja obrasca o mjestu boravka, u skladu sa stavom 11.6.4, i/ili (gdje okolnosti opravdavaju) kao izbjegavanje prikupljanja uzorka po članu 2.3 „Svjetskog antidoping kodeksa“, i/ili kao krivotvorenje ili pokušaj krivotvorenja sa doping kontrolom po članu 2.5 „Svjetskog antidoping kodeksa.“]

11.3.4 Bilo koji sportista koji da lažnu informaciju pri popunjavanju svog obrasca o mjestu boravka, bilo vezano za period 60-minutnog vremenskog perioda, ili vezano za mjesto boravka izvan 60-minutnog vremenskog perioda, ili na neki drugi način, time izvrši kršenje antidoping pravila po članu 2.3 „Svjetskog antidoping kodeksa“ (izbjegavanje prikupljanja uzorka) i/ili po članu 2.5 „Svjetskog antidoping kodeksa“ (krivotvorenje ili pokušaj krivotvorenja sa doping kontrolom).

[Komentar na 11.3.4: Bilo koja odluka koja tretira incident kao izbjegavanje prikupljanja uzorka po članu 2.3 „Svjetskog antidoping kodeksa“ ili kao krivotvorenje ili pokušaj krivotvorenja sa doping kontrolom po članu 2.5 „Svjetskog antidoping kodeksa“ će bez predrasuda o mogućnosti „Antidoping organizacije“ biti tretirano kao nepridržavanje uslovima popunjavanja obrasca o mjestu boravka po članu 2.4 „Svjetskog antidopinškog kodeksa“, i obrnuto.]

11.3.5 Za sportistu se može smatrati da je počinio nepridržavanje uslovima popunjavanja samo onda kada odgovorna „Antidoping organizacija“, prateći proceduru vođenja rezultata uspostavljenom u stavu 11.6.2, može odrediti svako od slijedećeg:

- a. da je sportista bio pravovremeno obaviješten (i) da je on/ona određen(a) da bude u „Registriranoj test grupi“, (ii) o konsekvencijama obavezama da izvrši popunjavanje obrasca o mjestu boravka; i (iii) o posljedicama svakog nepridržavanja takvim uslovima;
- b. da se sportista nije pridržavao uslovima do prihvatljivog roka;

[Komentar na 11.3.5(a): Sportista se ne pridržava uslovima da popuni obrazac o mjestu boravka u slijedećim uslovima:

- i. kada ne izvrši takvo popunjavanje; ili
- ii. kada on/ona izvrši popunjavanje (pod tim se podrazumijeva ili originalno tromjesečno popunjavanje ili obnovu podataka) ali ne uključi sve tražene informacije (na primjer on/ona ne uključi mjesto gdje će on/ona živjeti svaki dan u slijedećem tromjesečju, ili za svaki dan pokriven obnovom, ili propusti da upiše redovne aktivnosti koje će on/ona vršiti tokom tog tromjesečja, ili za period pokriven obnovom); ili
- iii. kada on/ona uključi informaciju (bilo u originalnom tromjesečnom popunjavanju ili u obnovi) koja je netačna (na primjer adresa koja ne postoji) ili nedovoljnu da omogući „Antidoping organizaciji“ da ga/nju locira za testiranje (na primjer „Trčanje u crnoj šumi“). Kao što je zabilježeno u komentaru na stav 11.3.3, ako se netačnost ili

nedovoljnost podataka odnosi 60-minutni vremenski period, a otkriven je tek kada je urađen pokušaj da se testira sportista za vrijeme tog vremenskog perioda, to bi se moglo kazniti kao „Propušten test“. U drugim okolnostima, takva nedovoljnost ili netačnost podataka trebala bi se kazniti kao nepridržavanje uslovima popunjavanja]

- c. (u slučaju druge ili treće greške u popunjavanju u istom tromjesečju) da je njemu/njoj dana obavijest o prethodnoj nepridržavanju greški u popunjavanju u skladu sa stavom 11.6.2(a) i da nije ispravio/la tu grešku pri popunjavanju do zadanog roka preciziranog u tom obavještenju; i

[Komentar na 11.3.5 (c): Svrha ovakvih zahtijeva je da se sportisti osigura pravičnost. U obavještenju o prvoj greški u popunjavanju koje odgovorna „Antidoping organizacija“ šalje sportisti u skladu sa stavom 11.6.2 (a), odgovorna „Antidoping organizacija“ mora obavjestiti sportistu da, da bi se izbjegla naredna greška u popunjavanju on/ona mora izvršiti predavanje od njega/nje zahtijevanog popunjenog obrasca o mjestu boravka do krajnjeg roka preciziranog u obavještenju. Taj krajnji rok može biti određen od strane „Antidoping organizacije“ ali ne smije biti manji od 24 sata nakon prijema obavještenja i ne dalji od kraja mjeseca u kojem je obavještenje zaprimljeno.]

- d. da je nepridržavanje uslovima od strane sportiste bilo u najmanju ruku iz nehata. Za ove svrhe, za sportistu će se smatrati da je počinio nepridržavanje iz nehata prema dokazu da je on/ona bio/la informisan/a o uslovima i ipak ih se nije pridržavao. Takva pretpostavka može samo biti opovrgnuta od strane sportiste da nikakvo nemarno ponašanje s njegove/njene strane nije izazvalo ili doprinijelo nepridržavanju.

[Komentar na 11.3.5 (d): u slučaju kada je određeno kršenje antidoping pravila po članu 2.4 „Svjetskog antidoping kodeksa“, stvarni stepen krivice koji je uključen od strane sportiste (to jeste nehat ili nešto veće) će biti relevantan za procjenu perioda nepodobnosti koji će se odrediti po članu 10.3.3 „Svjetskog antidoping kodeksa“]

11.3.6 Sportista registriran u „Registriranoj test grupi“ može izabrati da povjeri popunjavanje nekih od svojih ili sva svoja popunjavanja obrazaca o mjestu boravka koji se zahtijevaju pod stavovima 11.3.1 i 11.3.2 (i bilo koje obnove svojih obrazaca o mjestu boravka koje se zahtijevaju pod stavom 11.4.3) trećem licu, kao što je (na primjer, i u zavisnosti od pravila odgovorne „Antidoping agencije“) trener, menadžer ili nacionalna federacija, uz obavezu da se treće lice složi sa tim povjeravanjem.

[Komentar na 11.3.6: vidi stav 11.5.4 za diskusiju o primjenjivosti ovog stava 11.3.6 u preciziranom kontekstu timskog sporta. Da bi se izbjegla sumnja, međutim, sportista u nekom sportu koji nije timski sport može takođe povjeriti popunjavanje njegovih podataka o mjestu boravišta trećem licu za neke ili sve relevantne periode, uz obavezu da se treće lice složi sa tim povjeravanjem.

Odgovorna „Antidoping organizacija može zahtijevati pismeno obavještenje za svaku od dogovorenih povjerenja na osnovu stava 11.3.6 da bude dostavljeno uz povjerenje, potpisano i od strane sportiste i opunomoćenika trećeg lica.]

11.3.7 U svim slučajevima, međutim, kod timskih sportova:

- a. svaki sportista u „Registriranoj test grupi“ ostaje krajnje odgovoran u svako vrijeme za sastavljanje i popunjavanje obrasca o mjestu boravaka kako se traži u stavu 11.3, bilo da on/ona sam/a popunjava obrazac ili to povjerava trećem licu (ili kombinacija ova dva). Za optužbu o greški u popunjavanju po članu 2.4 „Svjetskog antidoping kodeksa“ odbrana neće moći biti činjenica da je sportista povjerio treće lice da izvrši popunjavanje te da je treće lice počinilo grešku u popunjavanju to jest nije se pridržavalo primjenjivih uslova; i
- b. takav sportista ostaje lično odgovoran u svako vrijeme za osiguravanje sebe dostupnim za testiranje prema mjestu boravka koje je uneseno u njegovom/njenom obrascu o mjestu boravaka, bilo da je on/ona to popunjavanje uradio/la lično ili je to povjerio/la trećem licu (ili kombinacija ova dva). To što je sportista povjerio odgovornost za popunjavanje njegovog/njenog obrasca o mjestu boravka za relevantan period trećem licu neće moći biti odbrana od optužbe za „Propušteni test“ ako je treće lice počinilo grešku u davanju tačnih informacija ili nije obnovilo prethodno upisane informacije da bi se osiguralo da informacije o mjestu boravka u popunjavanju obrasca o mjestu boravka budu važeće i tačne.

11.4 Dostupnost testiranju

11.4.1 Sportista iz „Registrirane test grupe“ mora biti prisutan i dostupan za testiranje u tačno vrijeme svakog navedenog dana u relevantnom tromjesečju unutar 60-minutnog vremenskog perioda preciziranog za taj dan u njegovom/njenom popunjenom obrascu o mjestu boravka na lokaciji koju je sportista precizirao za taj dan u tom obrascu.

[Komentar na 11.4.1: Ovaj specifičan zahtjev nije na štetu osnovne obaveze sportiste da dá potpunu informaciju o svom mjestu boravka za vrijeme slijedećeg tromjesečja, i da se podvrgne testiranju u bilo koje vrijeme i mjesto za vrijeme tog tromjesečja.

Da bi se postiglo testiranje koje je efikasno pri odvratanju od i otkrivanju varanja, najbolja praksa zahtijeva planiranje distribucije testiranja koje čini vrijeme testiranja nepredvidivim. Da bi se to postiglo, testiranje se mora pokušavati izvršiti u različita doba dana. Prema tome, namjera u pozadini 60-minutnog vremenskog perioda nije da se testiranje ograniči na taj period, ili da se kreira „stalni“ period testiranja, nego prije:

- a. da se razjasni kada će se neuspjeli pokušaj da se testira sportista računati kao „Propušteni test“ (što pomaže sportisti da izbjegne „Propušteni test“ i pomaže „Antidoping organizaciji“, kao i odboru za saslušanje, da odrede kada je došlo do „Propuštenog testa“);

- b. da garantuje da se sportista može naći, i da se uzorak može prikupiti, barem jednom dnevno (što će odvratiti od varanja, ili, kao minimum, učiniti varanje mnogo težim);
- c. da se poveća pouzdanost ostatka informacija u obrascu o mjestu boravka koje je dao sportista, i prema tome da se asistira „Antidoping organizaciji“ da locira sportistu za testiranje izvan 60-minutnog vremenskog perioda:
 - i. 60-minutni vremenski period „usidrava“ sportistu na određenoj lokaciji za određeni dan. Kombinirano sa informacijama koje sportista mora dati o tome gdje on/ona stanuje, trenira, takmiči se i vrši druge „redovne“ aktivnosti tog dana, „Antidoping organizacija“ bi trebala biti u mogućnosti da locira sportistu za testiranje izvan 60-minutnog vremenskog perioda, ili alternativno da odredi da li su informacije koje su date o njegovom/njenom mjestu boravka izvan tog vremenskog perioda nepotpune i/ili netačne (što može biti kažnjivo, zavisno od okolnosti, kao greška u popunjavanju po članu 2.4 „Svjetskog antidoping kodeksa“, slučaj izbjegavanja davanja uzorka po članu 2.3 „Svjetskog antidoping kodeksa“, i/ili slučaj krivotvorenja po članu 2.5 „Svjetskog antidoping kodeksa“).
 - ii. u interesu je sportiste, naravno, da obezbjedi što je više moguće informacija o svom mjestu boravka izvan 60-minutnog vremenskog perioda, tako da su „Antidoping organizacije“ u mogućnosti da ga/nju testiraju izvan 60-minutnog vremenskog perioda i samim tim on/ona ne riskiraju mogućnost „Propuštenog testa“; i
- d. da bi se sakupili korisni obavještajni antidoping podaci, na primjer ako sportista redovno precizira vremenske periode sa velikim prazninama između njih, i/ili mijenja svoj vremenski period i/ili lokaciju u zadnjoj minuti. Na takve obavještajne podatke se može osloniti kod ciljanog testiranja takvog sportiste.]

11.4.2 Odgovornost je sportiste da osigura (uključujući po obnovama, gdje je to potrebno) da su informacije o mjestu boravka popunjene u njegovom popunjenom obrascu o mjestu boravka dovoljne da osigura „Antidoping organizaciji“ da ga/nju locira za testiranje u bilo koji dan u tromjesečju, uključujući i ali ne samo ograničeno na 60-minutni vremenski period preciziran za taj dan u njegovom/njenom popunjenom obrascu o mjestu boravka. Gdje svaka promjena okolnosti znači da su prethodno date informacije od strane ili u ime sportiste (bilo da je to početno popunjeni obrazac o mjestu boravka ili svaka naredna obnova) više nisu tačne ili potpune (to znači da nije dovoljno omogućeno „Antidoping organizaciji“ da locira sportistu za testiranje za bilo koji dan dat u relevantnom tromjesečju, uključujući i ali ne samo ograničeno na 60-minutni vremenski period koji je on/ ona precizirao/la za taj dan), sportista mora obnoviti svoj popunjeni obrazac o mjestu boravka tako da je informacija na dokumentu ponovo tačna i kompletna. Sportista mora izvršiti obnovu što je prije moguće, i za svaki događaj prije 60-minutnog vremensko perioda preciziranog u njegovom/njenom dokumentu za taj dan. Neispunjavanje te obaveze će imati slijedeće posljedice:

- a. ako je, kao rezultat takvog neispunjavanja obaveze, pokušaj „Antidoping organizacije“ da testira sportistu u vrijeme 60-minutnog vremenskog perioda neuspješan, onda će se neuspjeli pokušaj kazniti kao očigledan „Propušteni test“ u skladu sa članom 11.6.3; i
- b. ako to okolnosti dozvoljavaju, neispunjavanje obaveze se može kazniti kao izbjegavanje prikupljanja uzoraka po članu 2.3 „Svjetskog antidoping kodeksa“ i/ili krivotvorenje ili pokušaj krivotvorenja sa doping kontrolom po članu 2.5 „Svjetskog antidoping kodeksa“; i
- c. u bilo kojem slučaju, „Antidoping organizacija“ će razmotriti ciljano testiranje sportiste.

[Komentar na 11.4.2: Odgovornost je „Antidoping organizacije“ da osigura da ona provjerava svako obnavljanje koje je izvršio sportista prije pokušaja prikupljanja uzorka od tog sportiste bazirano na njegovom popunjenom obrascu o mjestu boravka. Da bi se izbjegla sumnja, ipak, sportista koji obnovi svoj 60-minutni vremenski period ipak mora dostaviti za testiranje originalni 60-minutni vremenski period, ako je on/ona lociran za testiranje za vrijeme tog originalnog 60-minutnog vremenskog perioda.

Obnova 60-minutnog vremenskog perioda može biti urađena bilo kada sve do početka tog vremenskog perioda. U odgovarajućim okolnostima, međutim, obnove u zadnjoj minuti mogu biti kažnjene kao moguće kršenje antidoping pravila izbjegavanje prikupljanja uzorka po članu 2.3 „Svjetskog antidoping kodeksa“ i/ili krivotvorenje ili pokušaj krivotvorenja sa doping kontrolom po članu 2.5 „Svjetskog antidoping kodeksa.“

Ako je sportista predao obnovu, ali informacije u obnovi nisu kompletne, ili su netačne, ili su nedovoljne „Antidoping organizaciji“ da locira sportistu, onda to može biti kažnjeno kao greška u popunjavanju u skladu sa stavom 11.3.5(b).]

- 11.4.3 Za sportistu se može smatrati da je počinio „Propušteni test“, tamo gdje je odgovorna „Antidoping organizacija“, prateći proceduru vođenja rezultata određenu u stavu 11.6.3, može odrediti svako od slijedećih:
- a. da kada je sportista dobio obavještenje da je on/ona određen za uključivanje u „Registriranu test grupu“, je bio obavješten/a o svojoj odgovornosti za „Propušteni test“ ako je nedostupan za testiranje za vrijeme 60-minutnog vremenskog perioda preciziranog u njegovom/njenom popunjenom obrascu o mjestu boravka na lokaciji preciziranoj za taj vremenski period;
 - b. da je „Službenik za doping kontrolu“ pokušao da testira sportistu tog dana u tromjesečju, za vrijeme 60-minutnog vremenskog perioda preciziranog u njegovom/njenom popunjenom obrascu o mjestu boravka, posjetivši lokaciju preciziranu za taj vremenski period;

[Komentar na 11.4.3 (b): Ako sportista nije dostupan za testiranje na početku 60-minutnog vremenskog perioda, ali postane dostupan za testiranje kasnije u 60-minutnom vremenskom periodu, „Službenik za doping kontrolu“ će prikupiti uzorak i neće procesuirati pokušaj kao neuspješan pokušaj testiranja, ali trebao bi upisati pune detalje odgađanja dostupnosti sportiste u izvještaju o prikupljanju uzorka „Službenika za doping kontrolu.“ Svaki vid ponašanja ovakvog tipa bi trebao biti istražen od strane odgovorne „Antidoping organizacije“ kao moguće kršenje antidoping pravila izbjegavanja prikupljanja uzorka po članu 2.3 ili 2.5

„Svjetskog antidoping kodeksa.“ Takvo ponašanje takođe može podstaći ciljano testiranje tog sportiste.

Ako je lociran za testiranje, sportista mora ostati uz „Službenika za doping kontrolu“ dok se ne završi prikupljanje uzorka, čak i ako to traje duže od 60-minutnog vremenskog perioda.

Ako sportista nije dostupan za testiranje za vrijeme njegovog/njenog preciziranog 60-minutnog vremenskog perioda na lokaciji preciziranoj za taj dan, on će biti odgovoran za „Propušteni test“ čak i ako bude lociran/a kasnije tog dana i uzorak je od njega/nje uspješno prikupljen.

- c. da je za vrijeme preciziranog 60-minutnog vremenskog perioda, „Službenik za doping kontrolu“ uradio što je bilo razumno za date okolnosti (odnosno zbog prirode date lokacije) da pokuša da locira sportistu, uskraćen od davanja sportisti bilo kakvog prethodnog najavljiivanja za test;

[Komentar na 11.4.3 (c): Jednom kada „Službenik za doping kontrolu“ stigne na lokaciju preciziranu u 60-minutnom vremenskom periodu, ako sportista ne može odmah biti lociran onda bi „Službenik za doping kontrolu“ trebao ostati na toj lokaciji koliko god je vremena ostalo do kraja 60-minutnog vremenskog perioda i on/ona bi trebao/la učiniti za vrijeme ostatka tog vremena ono što je razumno za date okolnosti da bi locirao/la sportistu]

- d. da su ispunjene odredbe stava 11.4.4 (ako je to primjenjivo); i

- e. da je nepridržavanje uslovima od strane sportiste da bude dostupan na preciziranoj lokaciji za vrijeme preciziranog 60-minutnog vremenskog perioda u najmanju ruku počinjeno iz nehata. Za ove svrhe, za sportistu će se smatrati da je počinio nepridržavanje uslovima iz nehata po dokazu određenom u tačkama 11.4.3(a) do (d). Ta pretpostavka može biti pobijena od strane sportiste uspostavljajući da je nemarno ponašanje sa njegove/njene strane mu/joj izazvalo ili doprinijelo (i) da je nedostupan/a za testiranje na toj lokaciji za taj vremenski period; i (ii) da nije izvršio dopunu svog zadnjeg popunjenog obrasca o mjestu boravišta da obavijesti o drugoj lokaciji gdje će on/ona biti dostupan/a za testiranje za određeni 60-minutni vremenski period za relevantan dan.

[Komentar na 11.4.3 (c): u slučaju kada je određeno kršenje antidoping pravila po članu 2.4 „Svjetskog antidoping kodeksa“, stvarni stepen krivice koji je uključen od strane sportiste (to jeste nehat ili nešto veće) će biti relevantan za procjenu perioda nepodobnosti koji će se odrediti po članu 10.3.3 „Svjetskog antidoping kodeksa“]

11.4.4 Da bi se sportisti osigurala pravičnost, kada je izvršen neuspjeli pokušaj testiranja sportiste za vrijeme jednog od 60-minutnih vremenskih perioda preciziranim u njegovom/njenom popunjenom obrascu o mjestu boravka, svaki naredni pokušaj da se testira sportista (od strane iste ili druge „Antidoping organizacije) može samo biti uračunat kao „Propušteni test“ tog sportiste ako se taj naredni neuspjeli pokušaj desi nakon što je sportista dobio obavještenje, u skladu sa stavom 11.6.3(b), originalnog neuspjelog pokušaja.

11.5 Timski sportovi

[Komentar na 11.5: Za vrijeme konsultacijske faze 2007.-2008. godine o revizijama verzije 3.0 „Međunarodnog standarda za testiranje“, zajednička tema mnogih

dogovora napravljenih od strane timskih sportova je bila ta da svaki harmoniziran sistem o mjestu boravka treba biti dovoljno fleksibilan da odražava činjenicu da su timski sportovi organizirani i da se rukovode na timskoj osnovi prije nego na individualnoj osnovi, sa većinom aktivnosti koje se vode su u težnji da se taj sport vodi na kolektivnoj bazi, prije nego na individualnoj bazi. Svrha ovog stava 11.5 je da prikaže tu karakteristiku timskih sportova dozvoljavanjem da se „Registrirana test grupa“ definira u odnosu na timove. Takođe dozvoljava za informacije o mjestu boravka vezane za sportiste u tim timovima da budu dostavljene na kolektivnoj osnovi, sa informacijama o kolektivnim aktivnostima tima kojima su dodate priložene individualne informacije o mjestu boravka za period kad sportisti nisu sa timom. U istom redu sa sistemima implementiranim u periodu 2004.-2007. godina u timskim sportovima kao što su vaterpolo ragbi unija, individualni sportista ostaje lično odgovoran u svako vrijeme za tačnost podataka o mjestu boravka i za činjenje sebe dostupnim/dostupnom za testiranje na osnovu tih podataka o mjestu boravaka.]

11.5.1 IF timskog sporta može definirati svoju „Registriranu test grupu“ u odnosu na timove, to znači da su sportisti u „Registriranoj test grupi“ neki ili svi sportisti iz određenih timova unutar relevantnog perioda.

[Komentar na 11.5.1: Na primjer, IF može izabrati da definira svoju „Registriranu test grupu“ u odnosu na svoje visoko rangirane nacionalne reprezentacije u bilo koje vrijeme. U godini kada se igraju svetska prvenstva IF-e, ona može izabrati da proširi svoju „Registriranu test grupu“ da uključi sve nacionalne reprezentacije koje su se kvalifikovale za svjetsko prvenstvo. U skladu sa stavom 11.7.5, IF može povjeriti nacionalnoj federaciji odgovornost za prikupljanje informacija o mjestu boravišta od takvih sportista.

NADO koja uključuje timski sport unutar nacionalne „Registrirane test grupe“ može imati isti pristup.]

11.5.2 U takvim okolnostima, u skladu sa članom 11.4.2, da odražava činjenicu da se članstvo tima može primijeniti redovno, IF će izdati pravila koja se odnose na promjene u sastavu „Registrirane test grupe“ za vrijeme relevantnog perioda.

[Komentar na 11.5.2: Na primjer, u timskom sportu gdje je „Registrirana test grupa“ identifikovana u odnosu na nacionalne reprezentacije, IF može prepraviti članstvo u odnosu na sportiste uključene u posljednji tim nacionalne reprezentacije prije tromjesečja koje je u pitanju. Ako je novi tim odabran u tromjesečju koje je različito u sastavu u odnosu na prethodnu ekipu, pravila IF-e će odrediti da li se promjene mogu odmah odrediti (na primjer svaki sportista koji je bio u prethodnom timu, a nije u novom timu odmah prestaje biti članom „Registrirane test grupe“) ili alternativno početkom novog tromjesečja (na primjer sportista koji nije u novom timu prestaje biti članom sa početkom novog tromjesečja).]

11.5.3 U timskom sportu gdje je „Registrirana test grupa“ određena u odnosu na timove, sportisti u izabranim timovima vjerovatno će vršiti većinu sportskih aktivnosti (na primjer treniranje, putovanja, taktički sastanci) na kolektivnoj osnovi. U skladu s time, većina podataka o mjestu boravka iz stava 11.3 će biti ista za sve sportiste iz tima. Dalje, kada sportista iz tima ne učestvuje u planiranim aktivnostima vezanim za cijeli tim (na primjer zbog povrede), on/ona će vjerovatno raditi ostale aktivnosti pod supervizijom svog tima (na primjer tretmani od strane timskog doktora). Takve aktivnosti zasnovane na timskoj osnovi, kolektivne ili neke druge, će biti poznate, za svrhe ovog „Međunarodnog standarda za testiranje“, kao „Timske aktivnosti.“

11.5.4 Sportista koji je uključen u „Registriranu test grupu“ na osnovu činjenice da on/ona igra u određenom timu je predmet istih individualnih uslova o mjestu boravka određenih u ovom članu 11 kao i sportista koji je uključen u „Registriranu test grupu“ po drugom kriteriju. U skladu sa stavovima 11.3.6 i 11.3.7, međutim, u okolnostima navedenim u stavu 11.5.3 sportista može povjeriti popunjavanje nekih ili kompletnih podataka o mjestu boravka koje se traže po stavu 11.3.1 i 11.3.2 (i bilo koja obnova podataka i informacija po stavu 11.4.2) svom timu, da ih popuni (na primjer, u zavisnosti od pravila odgovorne „Antidoping organizacije“) trener, menadžer ili nacionalna federacija.

[Komentar na 11.5.4: da bi se izbjegla sumnja, zbog pogodnosti i efikasnosti, sportista može povjeriti popunjavanje podataka o mjestu boravka svom timu samo kada su u pitanju zajedničke timske aktivnosti ali i za periode kada on/ona nije s timom, pod uslovom da se tim slaže s tom odlukom. U takvim okolnostima sportista mora obezbijediti informacije o svojim aktivnostima u periodu kada nije sa timom da bi to mogao biti dodatak na obrazac o mjestu boravka sportiste u odnosu na „Timske aktivnosti.“

U onim timskim sportovima gdje sportista može igrati za više od jednog tima, i prema tome može biti uključen u „Timske aktivnosti“ više od jednog tima u svakom datom periodu, jasna odredba mora biti određena u pravilima za prikupljanje i davanje informacija koje se traže po članu 11.3. Na primjer tamo gdje IF definiše svoju „Registriranu test grupu“ u odnosu na nacionalne reprezentacije, sportisti koji su reprezentativci mogu provesti mnogo vremena sa svojom reprezentacijom, takmičeći se u međunarodnim takmičenjima, ali takođe mogu provesti dio vremena u svojim klubovima, takmičeći se na domaćim ili regionalnim sportskim događajima. U takvim okolnostima, nacionalna federacija će prikupiti informacije o mjestu boravka vezane za „Timske aktivnosti“ za period proveden sa reprezentacijom, zatim za period proveden sa timom kao i za period proveden samostalno.]

11.5.5 U okolnostima navedenim u stavu 11.5.4, tim (na primjer nacionalne federacija) mogu popuniti obrazac o mjestu boravka u ime svojih sportista, dajući informacije koje su tržene po članu 11.3, slijedećim redoslijedom:

a. kompletne poštanske adrese za svrhe obavještanja, u skladu sa članom 11.3.1(a). Kada je dogovoreno sa sportistom, obavještenje može biti poslano na tim.

b. Informacije precizirane u stavovima 11.3.1 (a), (b), (c), (d) i (f);

c. za svaki dan slijedećeg tromjesečja, vrijeme(na) za svaki dan „Timskih aktivnosti“, bilo da je kolektivna aktivnost (na primjer trening) ili individualna aktivnost pod nadzorom tima (na primjer medicinski tretman), zajedno sa mjestom sportskog terena i sve ostale detalje koji će omogućiti da sportista bude lociran za vrijeme(na) koja su u pitanju; i

[Komentar na 11.5.5(c): Ako sportista provodi neke druge aktivnosti izvan „Timskih aktivnosti“ (na primjer sportista je amater i ide u školu ili na posao), onda se lokacije i vremenski okviri za takve aktivnosti takođe trebaju priložiti, u skladu sa članom 11.3(e).]

d. za svaki dan u sljedećem tromjesečju, jedan preciziran 60-minutni vremenski period između 6,00 ujutro i 11,00 uvečer gdje će sportista biti dostupan za testiranje na preciziranoj lokaciji. Za izbjegavanje sumnje, 60-minutni

vremenski period može biti u vrijeme bilo koje „Timske aktivnosti“ koja se provodi na dan koji je u pitanju.

11.5.6 Za sportiste u „Registriranoj test grupi“ u timskom sportu, odgovornost za greške u popunjavanju će biti utvrđena u skladu sa članom 11.3.5, a odgovornost za „Propušteni test“ će biti utvrđena u skladu sa članom 11.4.2. U skladu sa članom 11.3.7:

- a. ako tim ne izvrši popunjavanje traženog obrasca o mjestu boravka, ili izvrši popunjavanje obrasca o mjestu boravka ali ne uključi sve tražene informacije, onda će (prema obavezama iz stava 11.3.5) sportista biti odgovoran za grešku u popunjavanju po članu 2.4 „Svjetskog antidoping kodeksa“; i
- b. ako se bilo koja informacija promijeni nakon popunjavanja obrasca o mjestu boravka, onda se mora izvršiti obnova u skladu sa članom 11.4.2 tako da informacije o mjestu boravka budu tačne u svako doba. Ako nije izvršena obnova, a ako kao rezultat toga pokušaj da se testira sportista u vrijeme 60-minutnog vremenskog perioda bude neuspješan, onda (prema odredbama stava 11.4.3) sportista će biti odgovoran za „Propušteni test“ po članu 2.4 „Svjetskog antidoping kodeksa.“

[Komentar na 11.5.6: na primjer, ako je pokušaj testiranja sportiste za vrijeme 60-minutnog vremenskog perioda određenog unutar određene „Timske aktivnosti“ je neuspješan zbog toga što je tim unio pogrešne informacije vezane za timsku aktivnost, ili nije obnovio prethodno prijavljene informacije kada su se detalji o „Timskoj aktivnosti“ naknadno promijenili, tim može biti odgovoran za sankciju po primjenjivim pravilima IF-e za takav prekršaj, ali će sam sportista još uvijek biti odgovoran (pretpostavljajući da su odredbe stava 11.4.3 zadovoljene) za „Propušteni test.“ Ovo mora biti slučaj jer ako sportista bude u mogućnosti da okrivi svoj tim ako nije dostupan na lokaciji koju je njegov tim upisao, onda će biti u mogućnosti da izbjegne odgovornost za svoje mjesto boravka za testiranje. Naravno da i tim ima isti interes da osigura tačnost pri popunjavanju obrasca o mjestu boravka i izbjegavanje bilo kakvih nepridržavanja uslova popunjavanja obrasca o mjestu boravka od strane sportiste.]

11.5.7 U skladu sa stavom 11.1.6, kao dodatak održavanju „Registrirane test grupe“ u skladu sa gore navedenim odredbama ovog stava 11.5, „Antidoping organizacija“ u timskom sportu može uspostaviti jednu ili više naknadnih test grupa za druge timove pod svojom nadležnošću, i može nametnuti različite obaveze vezane za mjesto boravka za datu grupu(e) u svrhu člana 2.4 „Svjetskog antidoping kodeksa.“

[Komentar na 11.5.7: Dobar primjer takve dodatne grupe je grupa vezana za mjesto boravka održavana od strane Engleske fudbalske asocijacije za period 2006.-2008., koja se sastojala od svih sportista koji igraju za određene timove. Pod pristupom Engleske fudbalske asocijacije, koja je bila verifikovana od strane FIFA-e i IF-a određenih ostalih timskih sportova kao upotrebljiv model, tim koji je određen za uključivanje u takvu grupu je odgovoran za vršenje periodičnih popunjavanja obrazaca o mjestu boravka sa Fudbalskom asocijacijom, upisujući imena sportista registrovanih iz tima i raspored treninga i takmičenja za slijedeće tromjesečje. Drugim riječima, Engleska fudbalska asocijacija je obavještena o kolektivnom mjestu boravka za vrijeme „Timskih aktivnosti“ iz stava 11.5.3. Ako je onda učinjen pokušaj da se testira sportista u vrijeme tih „Timskih aktivnosti“, a

sportista o kojem je riječ nije dostupan za testiranje na navedenoj lokaciji, onda se sportista pod istragom za potencijalni „Propušteni test.“ Ako se pod istragom utvrdi da sportista nije bio dostupan za testiranje zato što se tim nije pridržavao uslova da dá tačnu informaciju vezanu za učešće sportiste i/ili lokaciju relevantne „Timske aktivnosti“ Engleskoj fudbalskoj asocijaciji, onda je tim a ne sportista predmet sankcije. U drugom slučaju, osim izuzetnih okolnosti „Propušten test“ se dodjeljuje sportisti.

Ništa u ovom Standardu nije s namjerom da se spriječi „Antidoping organizacija“ u timskom sportu da održava grupe vlastitog tipa, primjenjujući uslove o mjestu boravka svog tipa. Da bi se izbjegla sumnja, ovo će se uraditi kao dodatak (a ne umjesto) održavanja „Registrirane test grupe“ u skladu sa gore navedenim odredbama ovog stava 11.5, na koje se primjenjuju svi uslovi ovog člana 11.]

11.6 Vođenje rezultata

11.6.1 Dodatak A „Međunarodnog standarda za testiranje“ (Istraživanje mogućeg nepridržavanja uslovima) se neće primjeniti na prekršaje vezane za mjesto boravka. Umjesto toga, primjenit će se odredbe ovog stava 11.6.

11.6.2 Proces vođenja rezultata u slučaju očiglednog nepridržavanja uslovima popunjavanja će biti kako slijedi:

a. ako sve ukazuje na to da su svi uslovi iz stava 11.3.5 koji se odnose na nepridržavanje uslovima popunjavanja zadovoljeni, onda ne duže od 14 (četrnaest) dana nakon dana otkrivanja očiglednog nepridržavanja uslovima popunjavanja odgovorna organizacija mora poslati obavještenje sportisti koji je počinio očigledno nepridržavanje uslovima, zahtijevajući odgovor u roku od 14 (četrnaest) dana po prijemu obavještenja. U obavještenju će odgovorna „Antidoping organizacija“ upozoriti sportistu:

i. da ako sportista ne ubijedi odgovornu „Antidoping agenciju“ da nije bilo nepridržavanja uslovima popunjavanja, onda (prema ostatku procesa vođenja rezultata određenom u daljnjem tekstu) navodno nepridržavanje uslova o mjestu boravka će biti zabilježeno sportisti; i

ii. o posljedicama koje će snositi sportista ako odbor za saslušanje podrži navodno nepridržavanje uslovima o mjestu boravka.

[Komentar na 11.6.2(a) (ii): U obavještenju takođe mora stajati da li postoje druga nepridržavanja uslovima o mjestu boravka navedena protiv sportiste u 18-mjesečnom periodu prije ovog navedenog nepridržavanja uslovima o popunjavanju.]

b. kada sportista ospori navodno nepridržavanje uslovima popunjavanja, odgovorna antidoping organizacija mora ponovo izvršiti procjenu da li su se ispunili svi uslovi iz stava 11.3.5. Odgovorna „Antidoping organizacija“ mora obavijestiti sportistu u roku od najviše 14 (četrnaest dana) da li ona i dalje smatra ili ne smatra da se desilo nepridržavanje uslovima popunjavanja.

[Komentar na 11.6.2(b): Bilo koje obavještenje poslano sportisti na osnovu stava 11.6.2(b) kojim se „Antidoping organizacija“ slaže da nije bilo nepridržavanja uslovima popunjavanja mora biti poslano WADA-i i svim drugim stranama koje imaju pravo da se žale na osnovu člana 13 „Svjetskog antidoping kodeksa“, i može biti predmetom žalbe WADA-e i/ili takvih strana u skladu sa tim članom „Svjetskog antidoping kodeksa“]

- c. ako nije zaprimljen nikakav odgovor od strane sportiste u relevantnom roku, ili ako odgovorna „Antidoping organizacija“ i dalje ostaje pri stavu da je bilo došlo do nepridržavanja uslovima popunjavanja (i pored odgovora sportiste), odgovorna „Antidoping organizacija“ će poslati sportisti obavještenje da će protiv njega/nje biti zabilježeno nepridržavanje uslovima popunjavanja. Odgovorna „Antidoping organizacija“ će u isto vrijeme obavijestiti sportistu da on/ona ima pravo na administrativnu reviziju te odluke;
- d. tamo gdje se to zahtijeva od strane sportiste, administrativna revizija te odluke će biti sprovedena od strane imenovane osobe koja nije bila uključena u prijašnju procjenu tog navodnog nepridržavanja uslovima popunjavanja. Revizija će biti bazirana samo na pismenim podnescima, a razmotrit će da li su ispunjeni svi uslovi iz stava 11.3.5. Revizija mora biti završena najdalje 14 (četrnaest) dana od prijema zahtjeva sportiste i odluka će se dostaviti sportisti pismenim putem ne dalje od 7 (sedam) dana nakon što je donesena.
[Komentar na 11.6.2 (d): Ništa u ovom članu ne sprječava „Antidoping organizaciju“ koja ima dovoljno resursa da koristeći komisiju od do tri osobe da sprovede takvu administrativnu reviziju, obezbjeđujući da pri tome ni jedna od ovih osoba nije bila uključena u prethodnu procjenu navodnog nepridržavanja uslovima popunjavanja.]
- e. ako sve ukazuje na to, nakon administrativne revizije, da nisu ispunjeni uslovi stava 11.3.5, onda navodno nepridržavanje uslovima popunjavanja neće biti tretirano kao nepridržavanje uslovima o mjestu boravka ni u koju svrhu;
[Komentar na 11.6.2(e): Bilo kakva obavijest poslana sportisti na osnovu stava 11.6.3(e), u kojem se „Antidoping organizacija“ slaže da nije bilo nepridržavanja uslovima popunjavanja, će takođe biti poslana WADA-i i svakoj drugoj strani sa pravom na žalbu po članu 13 „Svjetskog antidoping kodeksa“ i može biti predmetom žalbe od strane WADA-e i te/tih strane/a u skladu sa tim članom.]
- f. Ako sportista ne zatraži administrativnu reviziju navodnog nepridržavanja uslovima popunjavanja do relevantnog krajnjeg roka, ili ako administrativna odluka vodi ka zaključku da su svi uslovi iz stava 11.3.5 ispunjeni, onda će odgovorna „Antidoping organizacija“ ubilježiti navodno nepridržavanje uslovima popunjavanja protiv sportiste i obavijestiti će sportistu i (na povjerljivoj osnovi) WADA-u i sve druge relevantne „Antidoping organizacije“ o tom navodnom nepridržavanju uslovima i datumu kada se desio.
[Komentar na 11.6.2(f): Da bi se izbjegla sumnja, odgovorna „Antidoping organizacija“ nije spriječena u informisanju drugih relevantnih „Antidoping organizacija“ (na povjerljivoj osnovi) o navodnom nepridržavanju uslovima popunjavanja u ranijoj fazi procesa vođenja rezultata. Prije će biti da, odgovorna „Antidoping organizacija“ ima pravo da to učini, kada to smatra odgovarajućim (za planiranje testova ili u drugom slučaju).
Obavijest iz stava 11.6.2(f) bi trebala ponovo sadržavati obavijest sportisti ako ima drugih nepridržavanja uslova o mjestu boravka navedenih protiv njega uzimajući u obzir 18-mjesečni period prije ovog navodnog nepridržavanja uslova popunjavanja.]

11.6.3 Proces vođenja rezultata u slučaju očiglednog „Propuštenog testa“ će biti kako slijedi:

- a. „Službenik za doping kontrolu“ će podnijeti „Izveštaj o neuspjelom pokušaju“ svojoj „Antidoping organizaciji“ navodeći detalje pokušaja prikupljanja uzorka, uključujući datum pokušaja, posjećenu lokaciju, tačno vrijeme dolaska i odlaska na lokaciju, korake poduzete na lokaciji u pokušaju pronalaska sportiste, uključujući detalje o bilo kojem kontaktu sa trećim licem(licima), i druge relevantne detalje o pokušaju prikupljanja uzorka.

[Komentar na 11.6.3(a): WADA će napraviti jedan ogledni primjerak „Izveštaja o neuspjelom pokušaju“ dostupan za korištenje/adaptaciju od strane „Antidoping organizacija.“ Kada opunomoćuje drugu „Antidoping organizaciju“ da sprovede testiranje u njeno ime, „Antidoping organizacija“ koja daje punomoć može precizirati krajnji rok da joj se podnese „Izveštaj o neuspjelom pokušaju“]

- b. ako sve upućuje na to da su zadovoljeni svi uslovi stava 11.4.3 koji se odnose na „Propušteni test“, onda ne kasnije od 14 (četrnaest) dana od dana neuspjelog pokušaja, odgovorna „Antidoping organizacija“ (odnosno ona „Antidoping organizacija“ u čije ime je izvršen pokušaj testa) mora poslati sportisti obavještenje o neuspjelom pokušaju, tražeći odgovor u roku od najdalje 14 (četrnaest) dana od prijema obavijesti. U obavijesti će odgovorna „Antidoping organizacija“ upozoriti sportistu:
 - i. da osim u slučaju da sportista uvjeri odgovornu „Antidoping organizaciju“ da nije bilo „Propuštenog testa“, onda (prema ostatku procesa vođenja rezultata određenom u daljnjem tekstu) navodni „Propušteni test“ će biti zabilježen sportisti; i
 - ii. o posljedicama koje će snositi sportista ako odbor za saslušanje podrži navodni „Propušteni test.“

[Komentar na 11.6.3(a) (ii): U obavještenju takođe mora stajati da li postoje druga nepridržavanja uslovima o mjestu boravka navedena protiv sportiste u 18-mjesečnom periodu prije ovog navedenog „Propuštenog testa.“ (Vidi takođe komentar na stav 11.6.3 (d).]

- c. kada sportista ospori navodni „Propušteni test“, odgovorna „Antidoping organizacija“ mora ponovo izvršiti procjenu da li su se ispunili svi uslovi iz stava 11.4.3. Odgovorna „Antidoping organizacija“ mora obavijestiti sportistu u roku od najviše 14 (četrnaest) dana da li ona i dalje smatra ili ne smatra da se desio „Propušteni test“.

[Komentar na 11.6.3 (c): WADA ima namjeru izdati vodilje koje se odnose na procjenu neuspjelih pokušaja, uključujući kakva objašnjenja mogu ili ne mogu biti opravdanje za očigledan „Propušteni test.“

Bilo koje obavještenje poslano sportisti na osnovu stava 11.6.3 (c) kojim se „Antidoping organizacija“ slaže da nije bilo „Propuštenog testa“ mora biti poslano WADA-i i svim drugim stranama koje imaju pravo da se žale na osnovu člana 13 „Svjetskog antidoping kodeksa“, i može biti predmetom žalbe WADA-e i/ili takvih strana u skladu sa tim članom „Svjetskog antidoping kodeksa“]

- d. ako nije zaprimljen nikakav odgovor od strane sportiste u relevantnom roku, ili ako odgovorna „Antidoping organizacija“ i dalje ostaje pri stavu da je bilo

došlo do „Propuštenog testa“ (i pored odgovora sportiste), odgovorna „Antidoping organizacija“ će poslati sportisti obavještenje da će protiv njega/nje biti zabilježen „Propušteni test.“ Odgovorna „Antidoping organizacija“ će u isto vrijeme obavijestiti sportistu da on/ona ima pravo na administrativnu reviziju navodnog „Propuštenog testa.“ „Izveštaj o neuspjelom pokušaju“ mora biti dostavljen sportisti tada ako prije nije bio dostavljen u toku procesa.

[Komentar na 11.6.3 (d): „Antidoping organizacija“ može dostaviti sportisti „Izveštaj o neuspjelom pokušaju“ prije ove faze ako tako odluči (odnosno kada pošalje prvi izvještaj u skladu sa stavom 11.6.3(b), ili može prvo dostaviti samo osnovne detalje očiglednog „Propuštenog testa“, držeći u rezervi cijeli „Izveštaj o neuspjelom pokušaju“ za slanje samo u ovoj fazi.]

- e. ako je to traženo, takva administrativna revizija će biti sprovedena od strane imenovane osobe odgovorne „Antidoping organizacije“ koja nije bila uključena u procjenu navodnog „Propuštenog testa“, i bit će bazirana samo na pismenim podnescima, i razmotrit će, da li su ispunjeni svi uslovi stava 11.4.3. Ako je neophodno, od odgovornog „Službenika za doping kontrolu“ može biti zatraženo da dá dodatne informacije imenovanoj osobi. Revizija mora biti završena najdalje 14 (četnaest) dana od prijema zahtjeva sportiste i odluka će se dostaviti sportisti pismenim putem ne dalje od 7 (sedam) dana nakon što je donesena.

[Komentar na 11.6.3(e): Ništa u ovom članu ne sprječava „Antidoping organizaciju“ koja ima dovoljno resursa da koristeći komisiju od do tri osobe da sprovede takvu administrativnu reviziju, obezbjeđujući da pri tome ni jedna od ovih osoba nije bila uključena u prethodnu procjenu navodnog nepridržavanja uslovima popunjavanja.]

- f. ako prema imenovanoj osobi sve upućuje na to uslovi iz stava 11.4.3 nisu ispunjeni, onda se neuspjeli pokušaj da se testira sportista neće tretirati kao „Propušteni test“ ni u bilo kakvu svrhu; i

[Komentar na 11.6.3 (f): Bilo kakva obavijest poslana sportisti na osnovu stava 11.6.3(f), u kojem se „Antidoping organizacija“ slaže da nije bilo „Propuštenog testa“, će takođe biti poslana WADA-i i svakoj drugoj strani sa pravom na žalbu po članu 13 „Svjetskog antidoping kodeksa“ i može biti predmetom žalbe od strane WADA-e i te/tih strane/a u skladu sa tim članom.]

- g. Ako sportista ne zatraži administrativnu reviziju navodnog „Propuštenog testa“ do relevantnog krajnjeg roka, ili ako administrativna odluka vodi ka zaključku da su svi uslovi iz stava 11.4.3 ispunjeni, onda će odgovorna „Antidoping organizacija“ ubilježiti navodni „Propušteni test“ protiv sportiste i obavijestiti će sportistu i (na povjerljivoj osnovi) WADA-u i sve druge relevantne „Antidoping organizacije“ o tom navodnom „Propuštenom testu i datumu kada se desio.

[Komentar na 11.6.3(g): Da bi se izbjegla sumnja, odgovorna „Antidoping organizacija“ koja je izvršila pokušaj testiranja nije spriječena u informisanju drugih relevantnih „Antidoping organizacija“ (na povjerljivoj osnovi) o navodnom „Propuštenom testu“ u ranijoj fazi procesa vođenja rezultata. Prije će biti da, odgovorna „Antidoping organizacija“ ima pravo da to učini, kada to smatra odgovarajućim (za planiranje testova ili u drugom slučaju).

Obavijest iz stava 11.6.3(g) bi trebala ponovo sadržavati obavijest sportisti ako ima drugih nepridržavanja uslova o mjestu boravka navedenih protiv njega uzimajući u obzir 18-mjesečni period prije ovog navodnog nepridržavanja uslova popunjavanja.

Kad god se dobije takvo obavještenje, ako „Antidoping organizacija“ sa odgovornošću vođenja rezultata, kako je to određeno stavom 11.7.5, nije ona koja je pokušala testiranje, onda „Antidoping organizacija“ sa odgovornošću za vođenje rezultata je ohrabrena da izvrši reviziju dokumenta odmah da odredi da li, po njenom pogledu na stanje stvari, dokazi povezani sa „Propuštenim testom“ navedeni od strane „Antidoping organizacije“ koja je pokušala testiranje su dovoljni da se odredi nepridržavanje uslova o mjestu boravka po članu 2.4 „Svjetskog antidoping kodeksa.“ „Antidoping organizacija“ koja vrši reviziju će pokrenuti svako pitanje koje se tiče „Antidoping organizacije“ koja je poslala obavještenje što je prije moguće, odnosno ne treba čekati da sportista sakupi tri navedena nepridržavanja uslovima o mjestu boravka unutar bilo kojeg 18-mjesečnog perioda pa da onda pokaže interesovanje. Svaka odluka „Antidoping organizacije“ koja vrši reviziju da nepridržavanje uslovima o mjestu boravka određeni od strane druge „Antidoping organizacije“ treba biti zanemarena zbog manjka dovoljnog broja dokaza treba biti dostavljena toj „Antidoping organizaciji“ i WADA-i, treba biti bez predrasuda o WADA-inom pravu da se žali na osnovu člana 13 „Svjetskog antidoping kodesa“ i ni u kom slučaju ne smije uticati na legalitet bilo kojih drugih nepridržavanja uslovima o mjestu boravka objavljenih protiv sportiste koji je u pitanju]

- 11.6.4 „Antidoping organizacija“ koja objavi, ili primi obavještenje o, nepridržavanju uslovima o mjestu boravka sportiste neće javno objaviti te informacije osim onim osobama sa pravom da znaju osim ako i dok nije sportista pravosnažno kažnjen da je počinio kršenje antidoping pravila po članu 2.4 „Svjetskog antidoping kodeksa“ zasnovano na (pored ostalih stvari) takvom nepridržavanju uslovima o mjestu boravka. Te osobe koje trebaju da znaju će takođe zadržati povjerljivost takvih informacija do tog momenta.

[Komentar na 11.6.4: Ovo neće spriječiti „Antidoping organizaciju“ od objavljivanja generalnog statističkog izvještaja svojih aktivnosti koji uopšteno objavljuje broj nepridržavanja uslovima o mjestu boravka koji su navedeni u pogledu sportista pod svojom nadležnošću za vrijeme određenog perioda, obezbjeđujući da ne objavi bilo kakve informacije koje bi mogle otkriti identitet sportista koji su u to upleteni. „Antidoping organizacija“ neće objaviti da taj i taj sportista ima ili nema bilo kakvih prekršaja nepridržavanja uslovima o mjestu boravka navedenih protiv njega/nje (ili u tom i tom sportu ima ili nema sportiste sa nepridržavanjem uslovima o mjestu boravka navedenim protiv njih).]

- 11.6.5 Odgovorna „Antidoping organizacija“ će voditi evidenciju svih nepridržavanja uslovima o mjestu boravka navedenih o svakom sportisti unutar „Registrirane test grupe.“ Kada je navedeno da je sportista iz te „Registrirane test grupe“ počinio tri nepridržavanja uslovima o mjestu boravka unutar 18-mjesečnog perioda:
- a. tamo gdje su dva ili više tih nepridržavanja uslovima o mjestu boravka navedeni od strane „Antidoping organizacije“ koja je imala tog sportistu u

svojoj „Registriranoj test grupi“ u vrijeme ovih prekršaja, onda će ta „Antidoping organizacija“ (bilo da je IF ili NADO) biti odgovorna „Antidoping organizacija“ u svrhu pokretanja postupka protiv sportiste po članu 2.4 „Svjetskog antidoping kodeksa“. Ako nije (na primjer, ako su nepridržavanja uslovima o mjestu boravka navedeni od tri različite „Antidoping organizacije“), onda će odgovorna „Antidoping organizacija“ u ove svrhe biti ona organizacija u čijoj „Registriranoj test grupi“ je bio sportista na datum trećeg počinjenog nepridržavanja uslovima o mjestu boravka. Ako je sportista bio i u nacionalnoj i u međunarodnoj „Registriranoj test grupi“ tog datuma, odgovorna „Antidoping organizacija“ će biti IF.

[Komentar na 11.6.5 (a): Odgovorna „Antidoping organizacija“ će imati pravo da primi, od bilo koje „Antidoping organizacije“ koja je dokumentovala jedno od nepridržavanja uslovima o mjestu boravka, takve dalje informacije o tom navedenom nepridržavanju uslovima o mjestu boravka koje odgovorna „Antidoping organizacija“ može opravdano tražiti da psocijeni snagu dokaza o tom navedenom nepridržavanju uslovima o mjestu boravka i da provede postupak po članu 2.4 „Svjetskog antidoping kodeksa“ oslanjajući se na te dokaze. Ako odgovorna „Antidoping organizacija“ u dobroj namjeri odluči da su dokazi za navedeni/e nepridržavanje/a uslovima o mjestu boravka nedovoljni da bise mogao pokrenuti takav postupak na osnovu člana 2.4 „Svjetskog antidoping kodeksa“, onda ona može odbiti da pokrene postupak po takvim navodima o nepridržavanju uslovima o mjestu boravka. Svaka odluka odgovorne „Antidoping organizacije“ da navedeno nepridržavanje uslovima o mjestu boravka treba biti zanemareno zbog manjka dovoljnog broja dokaza će biti dostavljena toj „Antidoping organizaciji“ i WADA-i, treba biti bez predrasuda o WADA-inom pravu da se žali na osnovu člana 13 „Svjetskog antidoping kodeksa“ i ni u kom slučaju ne smije uticati na legalitet bilo kojih drugih nepridržavanja uslovima o mjestu boravka objavljenih protiv sportiste koji je u pitanju]

- b. kada odgovorna „Antidoping organizacija“ ne provede postupak protiv sportiste po članu 2.4 „Svjetskog antidoping kodeksa“ unutar 30 (trideset dana) od kad je WADA dobila obavještenje o trećem navedenom nepridržavanju uslovima o mjestu boravka u bilo kojem 18-mjesečnom periodu, onda će se smatrati da odgovorna „Antidoping organizacija“ smatra da nije došlo do kršenja antidoping pravila, u svrhu pokretanja prava žalbe određenom u članu 13 „Svjetskog antidoping kodeksa“ (tačnije stav 13.2).

[Komentar na 11.6.5 (b): U takvim okolnostima, „Antidoping organizacija“ koja je navela takvo nepridržavanje uslovima o mjestu boravka mora WADA-i obezbjediti, po zahtjevu, takve dodatne informacije o navedenom nepridržavanju(ima) uslovima o mjestu boravka koje će WADA opravdano tražiti da bi procijenila snagu dokaza o takvom navedenom nepridržavanju(ima) uslovima o mjestu boravka i (gdje smatra da je to prikladno) uložiti žalbu u skladu sa članom 13 „Svjetskog antidoping kodeksa“]

11.6.6 Spotrista za kojeg je navedeno da je počinio kršenje antidoping pravila po članu 2.4 „Svjetskog antidoping kodeksa“ će imati pravo na određivanje takvih navoda na punom dokaznom saslušanju u skladu sa članom 8 „Svjetskog antidoping kodeksa.“ Odbor za saslušanje neće biti ograničen nikakvim određivanjima nastalim u toku procesa vođenja rezultata, bilo prema adekvatnosti bilo kakvog objašnjenja ponuđenog o nepridržavanju uslovima o mjestu boravka bilo u nekom drugom slučaju. Umjesto toga, teret će biti na „Antidoping organizaciji“ koja je provela postupak da predoči sve potrebne elemente svakog navedenog nepridržavanja uslovima o mjestu boravka.

[Komentar na 11.6.6: Ništa u stavu 11.6.6 nije sa namjerom da se spriječi „Antidoping organizacija“ da se suoči sa argumentom pomenutim od strane sportiste na saslušanju na osnovi toga da se to moglo biti tako kako se u argumentu kaže ali nije bilo spomenuto ranije u procesu vođenja rezultata.

„Antidoping organizacija“ koja provodi proceduru protiv sportiste po članu 2.4 „Svjetskog antidoping kodeksa“ bi trebala takođe razmisliti u dobroj namjeri da li ili ne bi trebala biti određena mjera privremene suspenzije sportisti do čeka na konačnu odluku o procesu, u skladu sa članom 7.5.2 „Svjetskog antidoping kodeksa.“

Ako odbor za saslušanje odluči da je jedan (ili dva) od navedenih nepridržavanja uslovima o mjestu boravka određen po standardu, ali da treće nepridržavanje uslovima o mjestu boravka nije, onda se ne može dosuditi ni jedno kršenje antidoping pravila po članu 2.4 „Svjetskog antidoping kodeksa“. Međutim, ako sportista zatim počinji jedno (ili dva) dalja nepridržavanja uslovima unutar relevantnog 18-mjesečnog perioda, može se pokrenuti novi postupak zasnovan na kombinaciji nepridržavanja uslovima o mjestu boravka određenih na zadovoljenje odbora za saslušanje u prethodnim postupcima (u skladu sa članom 3.2.3 „Svjetskog antidoping kodeksa“) i nepridržavanjima uslovima o mjestu boravka naknadno počinjenim od strane sportiste.

Nalaz da je sportista počinio kršenje antidoping pravila po članu 2.4 „Svjetskog antidoping kodeksa“ ima slijedeće posljedice:

- a. nametanje perioda nepodobnosti u skladu sa članom 10.3.3 „Svjetskog antidoping kodeksa“ (prvo kršenje) ili člana 7 „Svjetskog antidoping kodeksa“ (drugo kršenje); i
- b. u skladu sa članom 10.8 „Svjetskog antidoping kodeksa“, diskvalifikacija (osim ako zbog pravednosti se treba odlučiti drugačije) svih individualnih rezultata koje je sportista ostvario od dana kršenja antidoping pravila do datuma početka bilo kakve privremene suspenzije ili perioda nepodobnosti, sa svim rezultirajućim posljedicama, uključujući gubitak medalja, poena i nagrada. Za ove svrhe, smatrat će se da se kršenje antidoping pravila desilo na datum trećeg nepridržavanja uslovima o mjestu boravka za koje je odbor za saslušanje odlučio da se desilo.

Uticao bilo kojeg kršenja antidoping pravila po članu 2.4 „Svjetskog antidoping kodeksa“ od strane pojedinca na tim za koji je taj sportista

nastupao za vrijeme relevantnog perioda će biti određen u skladu sa članom 11 „Svjetskog antidoping kodeksa.“]

11.7 Odgovornosti „Antidoping organizacija“ po pitanju mjesta boravka

11.7.1 IF-e će biti odgovorne za slijedeće:

- a. određivanje sportista za uključivanje u međunarodnu „Registriranu test grupu“, i vršenje revizije liste određenih sportista kako odgovara prilikama s vremena na vrijeme, a sve u skladu sa članom 14.3 „Svjetskog antidoping kodeksa“ i stava 11.2;
- b. obavještanje svakog sportiste određenog za uključivanje u međunarodnu „Registriranu test grupu“, bilo direktno ili putem nacionalne federacije ili olimpijskog/paraolimpijskog komiteta kojem je IF dodijelila odgovornost da obavijesti sportistu:
 - i. o činjenici da je on/ona određen za uključivanje u međunarodnu „Registriranu test grupu“;
 - ii. o uslovima o mjestu boravka kojih se on/ona mora pridržavati kao rezultat takvog uvođenja; i
 - iii. o potencijalnim posljedicama ako se on/ona ne pridržava tih uslova;
- c. dogovaranje sa NADO, u skladu sa članom 11.3.1, koja od njih će preuzeti odgovornost za primanje popunjenog obrasca o mjestu boravka sportista koji su i u NADO-inoj „Registriranoj test grupi“ i u IF-inoj „Registriranoj test grupi“;
- d. uspostavljanje funkcionalnog sistema za prikupljanje, održavanje i dijeljenje popunjenih obrazaca o mjestu boravka, preferirajući korištenje „on-line“ sistem (koji je u mogućnosti da zabilježi ko je unio informaciju i kada) ili u najmanju ruku faks, e-mail i/ili SMS slanje poruka, da osigura da:
 - i. informacije koje je dao sportista su pohranjene sigurno i sigurnosno (idealno bi bilo u ADAMS ili u neki centralizovani sistem baze podataka slične funkcionalnosti i sigurnosti);
 - ii. informacijama mogu pristupiti (A) ovlašteni pojedinci koji djeluju u ime IF samo na bazi mora znati za; (B) WADA; i (C) druge „Antidoping organizacije“ sa nadležnošću za testiranje sportiste, u skladu sa članom 14.3 „Svjetskog antidoping kodeksa“; i
 - iii. informacije se održavaju u striktnoj povjerljivosti cijelo vrijeme, koriste se od strane IF-e samo za svrhe planiranja, koordiniranja i provođenja, i uništavaju se u skladu sa relevantnim zahtjevima povjerljivosti nakon što više nije relevantna;
- e. vrši vođenje rezultata u skladu sa stavom 11.6 uzimajući u obzir:
 - i. svako očigledno nepridržavanje uslovima popunjavanja od strane sportiste u „Međunarodnoj registriranoj test grupi“ (osim ako je sportista također u nacionalnoj „Registriranoj test grupi“ i podnosi svoj popunjeni obrazac o mjestu boravka NADO-i, u kojem slučaju NADO će biti ta koja vrši vođenje rezultata kada je u pitanju svako nepridržavanje uslovima popunjavanja;

- ii. svaki očigledan „Propušteni test“ tog sportiste, gdje je neuspjao pokušaj da se testira sportista učinjeno u ime IF-e; i
- f. pod okolnostima preciziranim u stavu 11.6.5(a), pokretanje disciplinskog postupka protiv sportiste po članu 2.4 „Svjetskog antidoping kodeksa.“

11.7.2 Usprkos stavu 11.7.1:

- a. IF može predložiti, a NADO se može složiti sa tim, povjeravanje nekih ili svih odgovornosti određenim u tačkama 11.7.1 (b) do (e) NADO-i;
- b. IF može povjeriti neke ili sve odgovornosti određenih u stavu 11.7.1 nacionalnoj federaciji sportiste; ili
- c. tamo gdje WADA odredi da IF ne izvršava neke od svojih odgovornosti određenih u stavu 11.7.1, WADA može povjeriti neke ili sve te odgovornosti odgovarajućoj „Antidoping organizaciji.“

11.7.3 NADO-a je odgovorna za slijedeće:

- a. određivanje sportista u uključivanje u nacionalnu „Registriranu test grupu“, i reviziju liste određenih sportista kako to odgovara prilikama s vremena na vrijeme, sve u skladu sa članom 14.3 „Svjetskog antidoping kodeksa“ i stavom 11.2;
- b. obavještanje svakog sportiste određenog za uključivanje u nacionalnu „Registriranu test grupu“:
 - i. o činjenici da je on/ona određen za uključivanje u međunarodnu „Registriranu test grupu“;
 - ii. o uslovima o mjestu boravka kojih se on/ona mora pridržavati kao rezultat takvog uvođenja; i
 - iii. o potencijalnim posljedicama ako se on/ona ne pridržava tih uslova;
- c. u dogovoru sa IF-om, u skladu sa stavom 11.3.1, koji od njih će preuzeti odgovornost za primanje popunjenih obrazaca o mjestu boravka sportista koji su i u NADO-inoj „Registriranoj test grupi“ i IF-inoj međunarodnoj „Registriranoj test grupi“;
- d. uspostavljanje funkcionalnog sistema za prikupljanje, održavanje i dijeljenje popunjenih obrazaca o mjestu boravka, preferirajući korištenje „on-line“ sistem (koji je u mogućnosti da zabilježi ko je unio informaciju i kada) ili u najmanju ruku faks, e-mail i/ili SMS slanje poruka, da osigura da:
 - i. informacije koje je dao sportista su pohranjene sigurno i sigurnosno (idealno bi bilo u ADAMS ili u neki centralizovani sistem baze podataka slične funkcionalnosti i sigurnosti);
 - ii. informacijama mogu pristupiti (A) ovlašteni pojedinci koji djeluju u ime NADO samo na bazi mora znati za; (B) WADA; i (C) druge „Antidoping organizacije“ sa nadležnošću za testiranje sportiste, u skladu sa članom 14.3 „Svjetskog antidoping kodeksa“; i
 - iii. informacije se održavaju u striktnoj povjerljivosti cijelo vrijeme, koriste se od strane NADO-e samo za svrhe planiranja, koordiniranja i provođenja, i uništavaju se u skladu sa relevantnim zahtjevima povjerljivosti nakon što više nije relevantna;

- e. vrši vođenje rezultata u skladu sa stavom 11.6 uzimajući u obzir:
 - i. svako očigledno nepridržavanje uslovima popunjavanja od strane sportiste u nacionalnoj „Registriranoj test grupi“ (osim ako je sportista također u međunarodnoj „Registriranoj test grupi“ i podnosi svoj popunjeni obrazac o mjestu boravka IF-i, u kojem slučaju IF-a će biti ta koja vrši vođenje rezultata kada je u pitanju svako nepridržavanje uslovima popunjavanja;
 - ii. svaki očigledan „Propušteni test“ tog sportiste, gdje je neuspjao pokušaj da se testira sportista učinjeno u ime NADO-e; i
- f. pod okolnostima preciziranim u stavu 11.6.5(a), pokretanje disciplinskog postupka protiv sportiste po članu 2.4 „Svjetskog antidoping kodeksa.“

11.7.4 Usprkos stavu 11.7.3:

- a. NADO može povjeriti neke ili sve odgovornosti određenih u stavu 11.7.3 relevantnoj nacionalnoj federaciji sportiste ili drugoj odgovarajućoj „Antidoping organizaciji“ sa nadležnošću nad sportistom koji je u pitanju;
- b. gdje ne postoji odgovarajuća NADO, nacionalni olimpijski komitet će preuzeti odgovornosti NADO-e određene u stavu 11.7.3; i
- c. tamo gdje WADA odredi da se ne izvršavaju neke od odgovornosti određenih u stavu 11.7.3, WADA može povjeriti neke ili sve te odgovornosti nekoj drugoj „Antidoping organizaciji.“

11.7.5 Uz bilo koje specifične odgovornosti koje su joj dodijeljene u skladu sa stavom 11.7.2 ili stavom 11.7.4, nacionalna federacija mora iskoristiti svoje najveće napore da asistira odgovornoj „Antidoping organizaciji“ pri prikupljanju popunjenih obrazaca od sportista unutar nadležnosti nacionalne federacije, uključujući (bez ograničenja) donošenje posebne odredbe u svojim pravilima u tu svrhu.

11.7.6 Svaka „Antidoping organizacija“ sa nadležnošću nad testiranjem nad sportistom u „Registriranoj test grupi“ (vidi član 15 „Svjetskog antidoping kodeksa“):

- a. može imati pristup tim popunjenim podacima o mjestu boravka, koje su predate njegovoj/njenoj IF-i ili NADO-i, za korištenje u provođenju tog testiranja, u skladu sa članom 14.3 „Svjetskog antidoping kodeksa, osiguravajući da:
 - i. mora osigurati da takvim informacijama pristup imaju autorizirani pojedinci koji djeluju u ime „Antidoping organizacije“ samo na treba da zna osnovi, da su održavane u strogoj povjerljivosti cijelo vrijeme, da se koriste samo u svrhe planiranja, koordiniranja ili provođenja testiranja, i da se uništavaju u skladu sa relevantnim uslovima povjerljivosti nakon što više nisu relevantne; i
 - ii. mora imati daljnju obavezu, u skladu sa članom 15.2 „Svjetskog antidoping kodeksa“, prema potrebi da koordinira svoje aktivnosti prikupljanja uzoraka sa aktivnostima prikupljanja uzoraka drugih „Antidoping organizacija“, da bi u najveći stepen dovela efikasnost

kombiniranog pokušaja testiranja i da izbjegne nepotrebno ponavljanje testiranja pojedinih sportista;

- b. mora dati informacije sa najaktuelnijeg popunjavanja obrasca o mjestu boravka „Službeniku za doping kontrolu“ zaduženom za testiranje sportiste, i mora dati „Službeniku za doping kontrolu“ jasne instrukcije kao što je kako će on/ona obilaziti mjesto u pokušaju da locira sportistu, u skladu sa stavom 11.4.3(d);
- c. mora provesti vođenje rezultata o bilo kojem „Propuštenom testu“ koji je proizašao iz pokušaja da se testira sportista, u skladu sa članom 11.6.3;

[Komentar na 11.7.6 (c): Tamo gdje „Antidoping organizacija“ pokušava testirati po dogovoru sa drugom „Antidoping organizacijom, takav dogovor bi mogao precizirati da će „Antidoping organizacija“ od koje se traži da izvrši testiranje će provesti vođenje rezultata bilo kojeg „Propuštenog testa“ koji se dogodi pri tom pokušaju]

- d. mora odmah prijaviti neuspješne pokušaje odgovornoj „Antidoping organizaciji“ za sportistu koji je u pitanju, u skladu sa stavom 11.4.3(h); i
- e. mora saradivati ukoliko je to razumno zahtijevano sa odgovornom „Antidoping organizacijom i/ili WAD-om u njenoj istrazi bilo kojih takvih nepridržavanja uslovima o mjestu boravka i u njenoj istrazi bilo kojih procedura pokrenutih u vezi sa takvim nepridržavanjima uslovima o mjestu boravka, uključujući davanje bilo kojih zatraženih daljnjih informacija i osiguravanju svjedoka i/ili dokumentacije tražene kao dokaz, u bilo kojim disciplinskim ili povezanim procedurama, svakim činjenicama unutar svog znanja na osnovu kojih je optužnica zasnovana.

DIO TREĆI: DODACI

Dodatak A – Istraživanje mogućeg nepridržavanja uslovima

A.1 Svrha

Da osigura da bilo koje radnje koje se dogode prije, za vrijeme ili nakon „Procesa prikupljanja dokaza“ koji mogu voditi do određivanja nepridržavanja uslovima su procijenjeni, dokumentovani i da se odmah djeluje po njihovoj pojavi.

A.2 Obim djelovanja

Istraživanje mogućeg nepridržavanja uslovima počinje kada „Antidoping organizacija“ ili „Službenik za doping kontrolu“ postanu svjesni mogućeg nepridržavanja uslovima i završava kada „Antidoping organizacija“ preuzme odgovarajuće radnje bazirane na ishodu njene istrage.

A.3 Odgovornost

A.3.1 „Antidoping organizacija“ je odgovorna da:

- a) se istraživanje mogućeg nepridržavanja uslovima istražuje zasnovane na relevantnim informacijama i dokumentaciji.
- b) je sportista ili druga strana informiran o mogućem nepridržavanju uslovima pismeno i da ima mogućnost da odgovori.
- c) je proces procjene dokumentovan.
- d) Glavna odluka je dostupna drugim „Antidoping organizacijama“ u skladu sa „Svjetskim antidoping kodeksom“

A.3.2 „Službenik za doping kontrolu“ je odgovoran za:

- a) informiranje sportiste ili druge strane o posljedicama mogućeg nepridržavanja uslovima.
- b) Kompletiranje „Procesa uzimanja uzorka“ sportiste gdje je moguće.
- c) Sačinjavanje detaljnog pismenog izvještaja o bilo kojem mogućem nepridržavanju uslovima.

A.3.3 „Osoblje za prikupljanje uzorka“ je odgovorno za:

- a) informiranje sportiste ili druge strane o posljedicama mogućeg nepridržavanja uslovima.
- b) Podnošenje izvještaja „Službeniku za doping kontrolu“ o mogućem nepridržavanju uslovima.

A.4 Obaveze

A.4.1 Svako potencijalno nepridržavanje uslovima će biti prijavljeno od strane „Službenika za doping kontrolu“ i/ili nastaviti će se provjera od strane „Antidoping organizacije“ čim je to u praksi moguće.

A.4.2 Ako „Antidoping organizacija“ određuje da je došlo do mogućeg nepridržavanja uslovima, sportista ili druga strana će biti odmah informirani pismeno:

- a) o mogućim posljedicama
- b) da će se potencijalno nepridržavanje uslovima istražiti od strane „Antidoping organizacije“ i da će biti preduzete mjere koje tome slijede.

A.4.3 Svake dodatne neophodne informacije o mogućem potencijalnom nepridržavanju uslovima će se prikupljati od svih relevantnih izvora, uključujući sportistu ili drugu stranu što je prije moguće i te informacije će biti dokumentovane.

A.4.4 „Antidoping organizacija“ će uspostaviti sistem za osiguravanje da ishod njene istrage o potencijalnom nepridržavanju uslovima se uzimaju u obzir kod vođenja rezultata i, ako je primjenjivo, za dalje planiranje i ciljano testiranje.

Dodatak B – Izmjene vezane za sportiste sa invaliditetom

B.1 Svrha

Da se osigura da su posebne potrebe sportista sa invaliditetom uzete u obzir, gdje je to moguće, kada je u pitanju davanje uzorka, bez ugrožavanja integriteta „Procedure prikupljanja uzoraka.“

B.2 Obim djelovanja

Određivanje da li su izmjene neophodne počinje sa identifikacijom situacija gdje prikupljanje uzoraka uključuje sportiste sa invaliditetom i završava sa izmjenama procedura prikupljanja uzoraka gdje je to neophodno i moguće.

B.3 Odgovornost

„Antidoping organizacija“ ima odgovornost za osiguravanje, kada je to moguće, da „Službenik za doping kontrolu“ ima svu potrebnu opremu i informacije za prikupljanje uzoraka neophodne za provođenje procedura prikupljanja uzoraka sportiste sa invaliditetom. „Službenik za doping kontrolu“ ima odgovornost za prikupljanje uzoraka.

B.4 Obaveze

B.4.1 Svi aspekti obavještanja i prikupljanja uzoraka sportista sa invaliditetom će biti provedene u skladu sa standardnim procedurama obavještanja osim ako nisu potrebne izmjene zbog invaliditeta sportiste.

B.4.2 Pri planiranju i ugovaranju prikupljanja uzoraka, „Antidoping organizacija“ i „Službenik za doping kontrolu“ će razmotrit da li će biti prikupljanja uzoraka od sportista sa invaliditetom koji bi mogli zahtijevati izmjene standardnih procedura za obavještanje ili prikupljanje uzoraka, uključujući opremu za prikupljanje uzoraka i mjesta gdje će se procedura izvršiti.

B.4.3 „Službenik za doping kontrolu“ će imati nadležnost da izvrši izmjene kako to situacija nalaže kada je moguće sve dok te izmjene neće ugroziti identitet, sigurnost ili integritet uzorka. Sve takve izmjene moraju biti dokumentovane.

B.4.4 Sportista sa intelektualnom, fizičkom ili čulnim invaliditetom može imati pomoć svog predstavnika ili „Osoblja za prikupljanje uzoraka“ za vrijeme „Procedure prikupljanja uzorka“ kada imaju dozvolu sportiste i sa tim se slaže „Službenik za doping kontrolu.“

B.4.5 „Službenik za doping kontrolu“ može odlučiti da se koriste alternativna oprema za prikupljanje uzoraka ili mjesta kada je to potrebno da bi se omogućilo sportisti da dá uzorak sve dok identitet, sigurnost i integritet uzorka neće biti dovedeni u pitanje.

B.4.6 Sportisti koji koriste sisteme za skupljanje urina ili drenažne sisteme moraju eliminirati sav urin koji je u tim sistemima prije davanja uzorka urina za analizu. Gdje je to moguće, postojeći sistemi za sakupljanje urina će se zamijeniti sa novim, neupotrebjavanim kateterom ili drenažnim sistemom.

B.4.7 „Služenik za doping kontrolu“ će zabilježiti sve izmjene u odnosu na standardne procedure za sportiste sa invaliditetom, uključujući bilo koje primjenjive izmjene precizirane u navedenim radnjama.

Dodatak C – Izmjene vezane za maloljetne sportiste

C.1 Svrha

Da se osigura da se udovolji potrebama sportista koji su maloljetnici, kada je u pitanju davanje uzorka, bez ugrožavanja integriteta „Procedure prikupljanja uzoraka.“

C.2 Obim djelovanja

Određivanje da li su modifikacije neophodne počinje sa identifikacijom situacije kada prikupljanje uzoraka uključuje sportiste koji su maloljetnici i završava sa izmjenama procedure prikupljanja uzoraka gdje je to neophodno i gdje je moguće.

C.3 Odgovornost

„Antidoping organizacija“ ima odgovornost da osigura, kada je to moguće, da „Službenik za doping kontrolu“ ima sve informacije vezane za provođenje „Procedure prikupljanja uzoraka“ od sportiste koji je maloljetan. Ovo uključuje potvrđivanje gdje god je to neophodno da su suglasnosti roditelja na svom mjestu kada se ugovara testiranje na sportskom događaju.

C.4 Obaveze

C.4.1 Svi aspekti obavještanja i prikupljanja uzoraka za sportiste koji su maloljetni će se provoditi u skladu sa standardnim obavještanjem i procedurama prikupljanja uzoraka osim ako su neophodne izmjene zbog toga što je sportista maloljetan.

C.4.2 Pri planiranju ili ugovaranju procedure prikupljanja uzoraka, „Antidoping organizacija“ ili „Službenik za doping kontrolu“ će razmotriti da li će biti prikupljanja uzoraka za sportiste koji su maloljetnici koja bi mogla zahtijevati izmjene standardnih procedura obavještanja i prikupljanja uzoraka.

C.4.3 „Službenik za doping kontrolu“ i „Antidoping organizacija“ će imati ovlaštenja da izvrše izmjene kako to situacija nalaže kada je moguće i sve dok te izmjene neće ugroziti identitet, sigurnost i integritet uzorka.

C.4.4 Sportisti koji su maloljetnici mogu biti u društvu predstavnika kroz cijelu „Proceduru prikupljanja uzoraka.“ Taj predstavnik neće svjedočiti uriniranju u svrhu davanja uzorka sve dok to maloljetni sportista ne zatraži. Cilj je da se osigura da „Službenik za doping kontrolu“ pravilno nadgleda davanje uzorka. Čak i kada maloljetnik idbije da ima predstavnika, „Antidoping organizacija“, „Službenik za doping kontrolu“ ili „Pratilač“, kako je to primjenjivo, će razmotriti da li ni treće lice trebalo biti prisutno za vrijeme obavještanja i/ili prikupljanja uzorka od sportiste.

C.4.5 Za sportiste koji su maloljetni, „Službenik za doping kontrolu“ će odrediti ko, pored „Osoblja za prikupljanje uzoraka“, može biti prisutan za vrijeme „Procedure prikupljanja uzoraka“, to jeste predstavnik maloljetnog sportiste da nadgleda „Proceduru prikupljanja uzoraka“ (uključujući nadgledanje „Službenika za doping kontrolu“ kada maloljetnik urinira u svrhu davanja uzorka, ali ne da direktno nadgleda uriniranje u svrhu davanja uzorka osim kada to zahtijeva maloljetnik) i predstavnik „Službenika za doping kontrolu“/„Pratioca“, da nadgleda „Službenika za doping kontrolu“/„Pratioca“ kada maloljetnik urinira u svrhu

davanja uzorka, ali bez toga da taj predstavnik direktno nadgleda uriniranje osim ako to maloljetnik ne zatraži.

C.4.6 Da li maloljetnik odbija da ima prisutnog predstavnika za vrijeme „Procedure prikupljanja uzorka“, to će biti jasno dokumentovano od strane „Službenika za doping kontrolu.“ Ovo ne čini test nelegalnim, ali mora biti evidentirano. Ako maloljetnik odbija da ima predstavnika, predstavnik „Službenika za doping kontrolu“/ „Pratioca“ mora biti prisutan.

C.4.7 Ako maloljetnik uđe u „Registriranu test grupu“, preferirano sportsko borilište za svako testiranje izvan takmičenja je lokacija gdje je velika vjerovatnoća prisustva punoljetne osobe. Na primjer sportsko borilište gdje se izvodi trening.

C.4.8 „Antidoping organizacija“ će razmotriti odgovarajući tok postupaka kada nema prisustva punoljetne osobe na testiranju sportiste koji je maloljetan i pomoći sportisti da locira predstavnika da bi se nastavilo sa procesom testiranja.

Dodatak D – Prikupljanje uzoraka urina

D.1 Svrha

Prikupiti uzorak urina sportiste na način da osigurava:

- a) dosljednost sa relevantnim principima međunarodno priznatih standardnih mjera predostrožnosti u odredbama zdravstvene zaštite tako da zdravlje i sigurnost sportiste i „Osoblja za prikupljanje uzoraka“ nisu ugroženi;
- b) da uzorak ima odgovarajuću specifičnu težinu i odgovarajuću zapreminu urina za analizu. Ako uzorak ne ispunjava ove uslove to ni u kojem slučaju ne poništava podobnost uzorka za analizu. Određivanje podobnosti uzorka za analizu je odluka relevantne laboratorije u konsultaciji sa „Antidoping organizacijom.“
- c) da se sa uzorkom nije manipuliralo, da nije zamijenjen, kontaminiran ili na drugi način krivotvoren;
- d) da je uzorak jasno i tačno identificiran; i
- e) da je uzorak sigurno zapečaćen u opremi sa vidljivim pečatom.

D.2 Obim djelovanja

Prikupljanje uzorka urina počinje sa osiguravanjem da je sportista informiran o obavezama pri prikupljanju urina i završava sa odbacivanjem svakog viška urina koji je ostao na kraju „Procedure prikupljanja urina“ sportiste.

D.3 Odgovornost

„Službenik za doping kontrolu“ ima odgovornost da osigura da je svaki uzorak propisno prikupljen, identificiran i zapečaćen.

„Službenika za doping kontrolu“/„Pratilac“ ima obavezu direktnog svjedočenja davanja uzorka urina.

D.4 Obaveze

D.4.1 „Službenik za doping kontrolu“ će osigurati da je sportista informiran o obavezama vezanim za „Proces prikupljanja uzoraka“, uključujući bilo kakve izmjene kao što je to predviđeno Dodatkom B – Izmjene vezane za sportiste sa invaliditetom.

D.4.2 „Službenik za doping kontrolu“ će osigurati da je sportisti ponuđen izbor odgovarajuće opreme za prikupljanje uzorka. Ako priroda invaliditeta sportiste zahtijeva da on/ona mora koristiti dodatnu ili drugu opremu kao što je to propisano u Dodatku B – Izmjene vezane za sportiste sa invaliditetom, „Službenik za doping kontrolu“ će izvršiti inspekciju te opreme da utvrdi da ona neće uticati na identitet ili integritet uzorka.

D.4.3 „Službenik za doping kontrolu“ će dati instrukcije sportisti da izabere posudu za prikupljanje uzorka.

D.4.4 Kada sportista izabere posudu za prikupljanje urina i radi odabira sve ostale opreme za prikupljanje uzorka u kojoj se direktno nalazi uzorak urina, „Službenik za doping kontrolu

će dati instrukcije sportisti da provjeri da su svi pečati na izabranoj opremi netaknuti i da se oprema nije dirala. Ako sportista ne bude zadovoljan izabranom posudom, može odabrati drugu. Ako sportista ne bude zadovoljan ni jednom ponuđenom posudom, nadležni „Službenik za doping kontrolu“ će to unijeti u obrazac.

Ako se „Službenik za doping kontrolu“ ne složi sa sportistom da je sva oprema koja je dostupna nezadovoljavajuća, zatražiće od športaša da nastavi sa procedurom davanja uzorka.

Ako se „Službenik za doping kontrolu“ složi sa mišljenjem sportiste da sve posude koje su na raspolaganju nisu odgovarajuće, prekinuće proceduru uzimanja uzorka i to unijeti u obrazac.

D.4.5 Sportista će zadržati kontrolu nad posudom za prikupljanje uzorka i uzorka kojeg je dao sve dok se uzorak ne zapečati, osim ako je potrebna pomoć zbog invaliditeta sportiste kako je to opisano u Dodatku B – Izmjene vezane za sportiste sa invaliditetom. Dodatna pomoć može biti pružena u izuzetnim okolnostima bilo kojem sportisti od strane predstavnika sportiste ili „Osoblja za prikupljanje uzorka“ za vrijeme „Procedure prikupljanja uzorka“ kada to ovlasti sportista i sa tim se slaže „Službenik za doping kontrolu“.

D.4.6 „Službenik za doping kontrolu“/“Pratilac“ koji svjedoči davanju urina će biti istog spola kao i sportista koji daje uzorak.

D.4.7 „Službenik za doping kontrolu“/“Pratilac“ će gdje je to izvodljivo osigurati da sportista može detaljno oprati ruke prije davanja uzorka.

D.4.8 „Službenik za doping kontrolu“/“Pratilac“ će otići u prostor privatnosti da bi se prikupio uzorak.

D.4.9 „Službenik za doping kontrolu“/“Pratilac“ će osigurati neopstruiran pogled na uzorak dok napušta tijelo sportaša i mora nastaviti da nadgleda uzorak nakon davanja sve dok uzorak ne bude sigurnosno zapečaćen, a „Službenik za doping kontrolu“/“Pratilac“ će pismeno zabilježiti svjedočenje. Da bi se osigurao jasan i neobstruiran pogled na izlazak uzorka, „Službenik za doping kontrolu“/“Pratilac“ će instruirati sportistu da skinje ili prilagodi odjeću koja ometa jasan pogled na davanje uzorka. Jednom kada se uzorak dadne, „Službenik za doping kontrolu“/“Pratilac“ će takođe osigurati da sportista više na daje urin u vrijeme davanja, koji bi mogao biti sigurno spremljen u posudu za prikupljanje.

D.4.10 „Službenik za doping kontrolu“ će verifikovati, uz prisustvo i puni uvid sportiste, da je dat dovoljnu zapreminu urina za analizu.

D.4.11 Kada je zapremina urina nedovoljna, „Službenik za doping kontrolu“ će provesti parcijalnu proceduru prikupljanja uzorka kako je to opisano u Dodatku F- Uzorak urina- nedovoljna zapremina.

D.4.12 „Službenik za doping kontrolu“ će dati instrukcije sportisti da izabere kit koji sadrži boce A i B u skladu sa stavom C.4.4.

D.4.13 Jednom kada se izabere kit za prikupljanje uzoraka, „Službenik za doping kontrolu“ i sportista će provjeriti da se sve šifre slažu i da je šifra tačno zabilježena od strane „Službenika za doping kontrolu.“

Ako sportista i „Službenik za doping kontrolu“ otkriju da šifre nisu iste onda će „Službenik za doping kontrolu“ dati instrukcije sportisti da izabere drugi kit u skladu sa stavom C.4.4. „Službenik za doping kontrolu“ će zabilježiti ovaj slučaj.

D.4.14 Sportista će nasuti minimum odgovarajuće zapremine urina za analizu u bocu B (do 30 mililitara), zatim će ostatak nasuti u bocu A (do 60 mililitara). Ako ima više urina od minimalne odgovarajuće zapremine urina za analizu, „Službenik za doping kontrolu“ će osigurati da sportista dopuni bocu A do kapaciteta koji preporučuje proizvođač opreme. Ako ostane još urina, „Službenik za doping kontrolu“ će osigurati da sportista dopuni bocu B do kapaciteta koji preporučuje proizvođač opreme. „Službenik za doping kontrolu“ će dati instrukcije sportisti da ostavi malu količinu urina u posudi za prikupljanje, objašnjavajući da je to potrebno da „Službenik za doping kontrolu“ testira taj ostatak urina u skladu sa stavom D.4.17.

D.4.15 Urin bi trebao biti bačen samo u slučaju kada su i boca A i boca B napunjene u skladu sa stavom D.4.14, i nakon što je ostatak urina testiran u skladu sa stavom D.4.17. Odgovarajuća zapremina urina za analizu će se promatrati kao apsolutni minimum.

D.4.16 Sportista će zatvoriti boce i zapečatiti ih kako ga uputi „Službenik za doping kontrolu.“ „Službenik za doping kontrolu“ će provjeriti, uz prisustvo i puni uvid sportiste, da su boce propisno zapečaćene.

D.4.17 „Službenik za doping kontrolu“ će testirati preostali urin u posudi za prikupljanje da odredi da li uzorak ima odgovarajuću specifičnu težinu za analizu. Ako očitavanje „Službenika za doping kontrolu“ pokazuje da uzorak nema odgovarajuću specifičnu težinu za analizu, onda će „Službenik za doping kontrolu“ postupiti po Dodatku G (Uzorci urina koji ne ispunjavaju uslove za odgovarajuću specifičnu težinu za analizu).

D.4.18 „Službenik za doping kontrolu“ će osigurati da je sportisti dana opcija da zahtijeva da se svaki ostatak urina koji neće biti poslan na analizu baci uz prisustvo i puni uvid sportiste.

Dodatak E – Prikupljanje uzoraka krvi

E.1 Svrha

Prikupiti uzorak krvi sportiste na način da osigurava da:

- a) zdravlje i sigurnost sportiste i „Osoblja za prikupljanje uzoraka“ nisu ugroženi;
- b) uzorak je kvalitete i kvantiteta koji omogućavaju relevantnu analizu;
- c) da se sa uzorkom nije manipuliralo, da nije zamijenjen, kontaminiran ili na drugi način krivotvoren;
- d) uzorak je jasno i pouzdano identificiran;
- e) uzorak je sigurno zapečaćen.

E.2 Obim djelovanja

Prikupljanje uzorka krvi počinje sa osiguravanjem da je sportista informiran o obavezama vezanim za prikupljanje uzorka završava sa propisno uskladištenim uzorkom prije slanja na analizu u WADA akreditiranu laboratoriju ili koja na drugi način ima odobrenje za rad od strane WADA-e.

E.3 Odgovornost

E.3.1 Službenik za doping kontrolu ima odgovornost da osigura da:

- a) je svaki uzorak propisno prikupljen, identificiran i zapečaćen; i
- b) su svi uzorci propisno uskladišteni i poslani u skladu sa relevantnim analitičkim uputstvima.

E.3.2 „Službenik za prikupljanje uzorka“ ima odgovornost za prikupljanje uzorka, odgovaranje na pitanja vezana za prikupljanje za vrijeme procedure davanja uzorka, i propisno bacanje korištene opreme za prikupljanje uzoraka krvi koja nije potrebna za kompletiranje „Procedure prikupljanja uzorka.“

E.4 Obaveze

E.4.1 Procedure koje uključuju krv će biti konzistentne sa lokalnim standardima i regulatornim zahtjevima kada su u pitanju mjere predostrožnosti po pitanju zdravstvene zaštite.

E.4.2 Oprema za prikupljanje uzoraka krvi će se sastojati od (a) jedne epruvete za uzorak koja služi profiliranje krvi; ili (b) i A i B epruvete za uzorak za analizu krvi; ili (c) kako je to drugačije precizirano od strane relevantne laboratorije.

E.4.3 „Službenik za doping kontrolu“ će osigurati da je sportista informiran o obavezama vezanim za prikupljanje uzorka, uključujući i izmjene navedene u Dodatku B – Izmjene vezane za sportiste sa invaliditetom.

E.4.4 „Službenik za doping kontrolu“/„Pratilac“ i sportista će nastaviti kretanje u prostor gdje će se dati uzorak.

E.4.5 „Službenik za doping kontrolu“ treba da osigura da sportisti budu ponuđeni komforni uslovi u relaksirajućem položaju najmanje 10 minuta prije uzimanja uzorka.

E.4.6 „Službenik za doping kontrolu“ će dati instrukcije sportisti da izabere kit za prikupljanje uzorka i da provjeri da se na izabranu opremu nije nepropisno utjecalo i da su pečati netaknuti. Ako sportista nije zadovoljan sa izabranim kit-om može izabrati drugi. Ako sportista ne bude zadovoljan ni jednom ponuđenom posudom, nadležni „Službenik za doping kontrolu“ će to unijeti u obrazac.

Ako se „Službenik za doping kontrolu“ ne složi sa sportistom da je sva oprema koja je dostupna nezadovoljavajuća, zatražiće od sportaša da nastavi sa procedurom davanja uzorka.

Ako se „Službenik za doping kontrolu“ složi sa mišljenjem sportiste da sve posude koje su na raspolaganju nisu odgovarajuće, prekinuće proceduru uzimanja uzorka krvi i to unijeti u obrazac.

E.4.7 Jednom kada se izabere kit za prikupljanje uzoraka, „Službenik za doping kontrolu“ i sportista će provjeriti da se sve šifre slažu i da je šifra tačno zabilježena od strane „Službenika za doping kontrolu.“

Ako sportista i „Službenik za doping kontrolu“ otkriju da šifre nisu iste onda će „Službenik za doping kontrolu“ dati instrukcije sportisti da izabere drugi kit. „Službenik za doping kontrolu“ će zabilježiti ovaj slučaj.

E.4.8 „Službenik za uzimanje uzorka krvi će očistiti kožu sterilnom dezinficirajućom gazom ili vatom na mjestu koje neće škoditi sportisti u odnosu na njegovu sportsku izvedbu, i upotrebljava, ako je primjenjivo, povesku za kompresiju. „Službenik za uzimanje uzorka krvi“ uzima uzorak krvi iz površinske vene u epruvetu. Ako je upotrijebljena poveska za kompresiju, ona se odmah otpušta nakon uboda u venu.

E.4.9 Količina uzete krvi treba da odgovara relevantnim potrebama analize uzorka da bi se ona mogla izvršiti.

E.4.10 Ukoliko je pri prvom pokušaju količina uzete krvi nedovoljna, uzimanje uzorka krvi se ponavlja. Maksimalno su dopuštena tri pokušaja. Ukoliko su svi pokušaji bili neuspješni, „Službenik za uzimanje uzorka krvi“ o tome obavještava „Službenika za doping kontrolu.“ „Službenik za doping kontrolu“ će prekinuti prikupljanje uzorka krvi i zabilježiti će to u obrazac zajedno sa razlozima za prekid prikupljanja.

E.4.11 „Službenik za prikupljanje uzorka“ će staviti zavoj na mjesto/a uboda.

E.4.12 „Službenik za prikupljanje uzorka“ će baciti iskorištenu opremu koja nije potrebna za kompletiranje „Procedure prikupljanja uzorka“ u skladu sa propisanim lokalnim standardima za rukovanje krvlju.

E.4.13 Ako uzorak zahtijeva daljnje procesiranje na licu mjesta, kao što je centrifugiranje ili odvajanje seruma, sportista će ostati na licu mjesta da nadgleda Uzorak sve do konačnog pečačenja uzorka u siguran, kit na kojem će moguće biti vidljivo svako nedopušteno pomjeranje pečata.

E.4.14 Sportista zatvara kit sa svojim uzorkom u skladu sa uputstvima dobivenim od „Službenika za doping kontrolu.“ Uz potpuni uvid sportiste, „Službenik za doping kontrolu“ će provjeriti da je pečat zadovoljavajuće postavljen.

E.4.15 Zapečaćeni uzorak će biti pohranjen na način koji štiti njegov integritet, identitet i sigurnost prije transporta od „Stanice za doping kontrolu“ do WADA akreditirane laboratorije ili one koja na drugi način ima odobrenje za rad od strane WADA-e.

Dodatak F – Uzorci urina – nedovoljna zapremina

F.1 Svrha

Da se osigura da se prate odgovarajuće procedure tamo gdje nije data odgovarajuća količina urina za analizu.

F.2 Obim djelovanja

Procedura počinje informiranjem sportiste da uzorak nije odgovarajuće zapremine urina za analizu i završava sa dobivanjem uzorka odgovarajuće zapremine.

F.3 Odgovornost

„Službenik za doping kontrolu“ ima odgovornost da odredi da je zapremina uzorka nedovoljna i za prikupljanje dodatnog/ih uzorka/uzoraka da bi se dobio kombinirani uzorak odgovarajuće zapremine.

F.4 Obaveze

F.4.1 Ako prikupljeni uzorak nije odgovarajućeg nivoa, „Službenik za doping kontrolu“ će informirati sportistu da će se prikupiti dodatna količina uzorka da bi se zadovoljili uslovi odgovarajuće zapremine urina za analizu.

F.4.2 „Službenik za doping kontrolu“ će instruirati sportistu da izabere parcijalnu opremu za prikupljanje uzorka u skladu sa stavom D.4.4.

F.4.3 „Službenik za doping kontrolu“ će zatim dati instrukcije sportisti da otvori relevantnu opremu, istrese uzorak neodgovarajuće zapremine u posudu i zapečati je kako mu to naloži „Službenik za doping kontrolu.“ „Službenik za doping kontrolu“ će provjeriti, uz potpuni uvid sportiste, da je posuda propisno zapečaćena.

F.4.4 „Službenik za doping kontrolu“ i sportista će provjeriti da su šifra opreme i zapremina i identitet uzorka neodgovarajuće zapremine tačno upisani od strane „Službenika za doping kontrolu.“ Sportista ili „Službenik za doping kontrolu“ će zadržati kontrolu nad zapečaćenim parcijalnim uzorkom.

F.4.5 Dok bude čekao da dá dodatni uzorak, sportista će ostati biti pod stalnim praćenjem i dat će mu/joj se prilika za hidriranje.

F.4.6 Kada sportista bude u mogućnosti da dá dodatni uzorak, procedure za prikupljanje uzorka će biti ponovljene onako kako je to opisano u Dodatku D – Prikupljanje uzoraka urina dok se ne obezbjedi odgovarajuća količina urina kombinirajući prvi i dodatni uzorak/uzorke.

F.4.7 Kada „Službenik za doping kontrolu“ bude smatrao da su uslovi za odgovarajuću zapreminu urina za analizu ispunjeni, „Službenik za doping kontrolu“ i sportista će provjeriti integritet pečata na posudama za parcijalni uzorak koje sadrže prethodno obezbjeđeni nedovoljni uzorak/uzorke. Bilo koja neregularnost sa integritetom pečata će biti zabilježena od strane „Službenika za doping kontrolu“ i istražena u skladu sa Dodatkom A- Istraživanje mogućeg nepridržavanja uslovima.

F.4.8 „Službenik za doping kontrolu“ će zatim uputiti sportistu da slomi pečat/e i kombinira uzorke, osiguravajući da su dodatni uzorci dodati nakon kompletno prikupljenog prvog uzorka sve dok, kao minimum, nije ispunjen uslov za odgovarajuću zapreminu urina za analizu.

F.4.9 „Službenik za doping kontrolu“ i sportista će zatim nastaviti sa stavom D.4.12 ili D.4.14 kako priliči situaciji.

F.4.10 „Službenik za doping kontrolu“ će provjeriti ostatak urina da osigura da urin ispunjava uslove za odgovarajuću specifičnu težinu za analizu.

F.4.11 Urin bi trebao biti bačen kada su i boca A i boca B napunjene do kapaciteta u skladu sa stavom D.4.14. Odgovarajuća zapremina urina za analizu bi trebala biti posmatrana kao apsolutni minimum.

Dodatak G – Uzorci urina koji ne ispunjavaju uslove za specifičnu težinu za analizu.

G.1 Svrha

Da se osigura da pridržavanje odgovarajućim procedurama kada uzorak urina ne ispunjava uslove za odgovarajuću specifičnu težinu za analizu.

G.2 Obim djelovanja

Procedura počinje kada kada „Službenik za doping kontrolu“ informira sportistu da je potreban još jedan uzorak i završava sa prikupljanjem uzorka koji ispunjava uslove za odgovarajuću specifičnu težinu za analizu, ili odgovarajućim radnjama „Antidoping organizacije“ ako je potrebno.

G.3 Odgovornost

„Antidoping organizacija“ je odgovorna za uspostavljanje procedura da osigura da je odgovarajući uzorak prikupljen. Ako originalni uzorak koji je prikupljen ne zadovoljava uslove za odgovarajuću specifičnu težinu za analizu, „Službenik za doping kontrolu“ je odgovoran za prikupljanje dodatnih uzoraka dok se ne dobije odgovarajući uzorak.

G.4 Obaveze

G.4.1 „Službenik za doping kontrolu“ će odlučiti da uslovi za odgovarajuću specifičnu težinu za analizu nisu ispunjeni.

G.4.2 „Službenik za doping kontrolu“ će informirati sportistu da on/ona trebaju dati još jedan uzorak.

G.4.3 Dok bude čekao da dá dodatni uzorak, sportista će ostati biti pod stalnim praćenjem.

G.4.4 Sportistu treba savjetovati da se ne hidrira prekomjerno, pošto bi to moglo odgoditi produkciju odgovarajućeg uzorka.

G.4.5 Kada sportista bude u mogućnosti da obezbjedi dodatni uzorak, „Službenik za doping kontrolu“ će ponoviti procedure za prikupljanje uzorka kako je to opisano u Dodatku D – Prikupljanje uzoraka urina.

G.4.6 „Službenik za doping kontrolu“ će nastaviti prikupljati dodatne uzorke sve dok se ne ispune uslovi za odgovarajuću specifičnu težinu za analizu, ili dok „Službenik za doping kontrolu“ ne utvrdi da postoje izuzetne okolnosti koje znače da je zbog logističkih razloga nemoguće nastaviti sa „Procedurom prikupljanja uzoraka.“ Takve izuzetne okolnosti će biti dokumentovane od strane „Službenika za doping kontrolu.“

[Komentar na G.4.6: Odgovornost je sportiste da obezbjedi uzorak sa odgovarajućom specifičnom težinom za analizu. Ako je njegov/njen prvi uzorak previše rijedak, on/ona neće trebati daljnje hidriranje i prema tome će izbjegavati da piju tečnost koliko god dugo je to moguće dok se ne obezbjedi uzorak sa odgovarajućom specifičnom težinom za analizu. „Službenik za doping kontrolu“ će čekati koliko je to potrebno da prikupi takav uzorak. „Antidoping organizacija“ može napraviti vodilje koje trebaju pratiti

„Službenik za doping kontrolu“ da bi odredio da li postoje izuzetne okolnosti koje čine da je „Proceduru prikupljanja uzorka“ nemoguće nastaviti.]

G.4.7 „Službenik za doping kontrolu će zabilježiti da prikupljeni uzorci pripadaju istom sportisti i redoslijed po kojem su uzorci davani.

G.4.8 „Službenik za doping kontrolu“ će zatim nastaviti sa „Procedurom prikupljanja uzorka“ u skladu sa stavom D.4.16.

G.4.9 Ako se ispostavi da nijedan od uzoraka sportiste ne ispunjava uslove za odgovarajuću specifičnu težinu za analizu i „Službenik za doping kontrolu“ ustanovi da zbog logističkih razloga nije moguće nastaviti sa „Procedurom prikupljanja uzorka“, „Službenik za doping kontrolu“ može završiti „Proceduru prikupljanja uzorka.“ U takvim okolnostima, ako je to potrebno, „Antidoping organizacija“ može istražiti moguće kršenje antidoping pravila.

G.4.10 „Službenik za doping kontrolu“ će poslati u laboratoriju na analizu sve uzorke koji su prikupljeni, bez obzira da li oni ispunjavaju ili ne ispunjavaju uslove za odgovarajuću specifičnu težinu za analizu.

G.4.11 Laboratorija će, u saradnji sa „Antidoping organizacijom“, odrediti koji uzorci će biti analizirani.

Dodatak H – Obaveze „Osoblja za prikupljanje uzorka“

H.1 Svrha

Osigurati da „Osoblje za prikupljanje uzoraka“ nema sukoba interesa i da ima adekvatne kvalifikacije i iskustvo da provodi „Procedure za prikupljanje uzorka.“

H.2 Obim djelovanja

Obaveze „Osoblja za prikupljanje uzoraka“ počinju sa razvijanjem neophodnih nadležnosti za „Osoblje za prikupljanje uzorka“ i završava sa davanjem akreditacije kojom se može izvršiti identifikacija.

H.3 Odgovornost

„Antidoping organizacija ima“ odgovornost za sve radnje definisane u Dodatku H.

H.4 Obaveze – kvalifikacije i trening

H.4.1 „Antidoping organizacija“ će odrediti neophodnu nadležnost i potrebne kvalifikacije potrebne za pozicije „Službenika za doping kontrolu“, „Pratioca“ i „Službenika za prikupljanje krvi.“ „Antidoping organizacija“ će razviti izjave o dužnosti za cijelo „Osoblje za prikupljanje uzorka“ koje naglašavaju njihove dužnosti po redoslijedu. Kao minimum:

- a) članovi osoblja za prikupljanje uzoraka ne smiju biti maloljetni.
- b) „Službenici za prikupljanje krvi“ moraju imati adekvatne kvalifikacije i praktične vještine koje se od njih traže da bi vršili prikupljanje krvi iz vene.

H.4.2 „Antidoping organizacija“ će osigurati da „Osoblje za prikupljanje uzorka“ koji ima bilo kakav interes u konačnici prikupljanja ili testiranja uzorka od bilo kojeg sportiste koji bi mogao davati uzorak na proceduri neće biti određeni ne tu „Proceduru prikupljanja uzorka.“ Za „Osoblje za prikupljanje uzorka“ se smatra da imaju interes u prikupljanju uzorka ako su:

- a) uključeni u planiranje sporta za koji se vrši testiranje; ili
- b) povezani sa, ili u vezi (bračnoj ili vanbračnoj) sa , bilo kojim sportistom koji treba da dá uzorak na toj proceduri.

H.4.3 „Antidoping organizacija“ će uspostaviti sistem koji osigurava da „Osoblje za prikupljanje uzorka“ bude adekvatno obučeno da izvršava svoje dužnosti.

H.4.3.1 Program treninga za „Službenike za prikupljanje krvi“ kao minimum će uključiti studije svih relevantnih zahtjeva procesa testiranja i upoznavanje sa relevantnim standardnim mjerama predostrožnosti u sistemu zdravstvene zaštite.

H.4.3.2 Program obuke za „Službenike za doping kontrolu“ će kao minimum uključiti:

- a) savremenu teoretsku obuku o različitim tipovima aktivnosti testiranja relevantnim za poziciju „Službenika za doping kontrolu;

- b) nadgledanje svih aktivnosti doping kontrole koje se odnose na uslove u ovom „Međunarodnom standardu za testiranje“, i to poželjno na licu mjesta;
- c) Zadovoljavajuću izvedbu jedne kompletne „Procedure prikupljanja uzorka“ na licu mjesta pod nadgledanjem kvalifikovanog „Službenika za doping kontrolu“ ili slično. Obaveze povezane sa stvarnim davanjem uzorka neće biti uključene u nadgledanja na licu mjesta.

H.4.3.3 Program obuke za „Pratioce“ će uključiti studije o svim relevantnim zahtjevima procesa prikupljanja uzorka.

H4.4 „Antidoping organizacija“ će voditi dokumentaciju o obrazovanju, obuci, vještinama i iskustvu.

H.5 Obaveze – akreditacija, ponovna akreditacija i imenovanje

H.5.1 „Antidoping organizacija“ će uspostaviti sistem za akreditiranje i ponovno akreditiranje „Osoblja za prikupljanje uzoraka.“

H.5.2 „Antidoping organizacija“ će osigurati da „Osoblje za prikupljanje uzorka“ završi program obuke i da su upoznati sa uslovima „Međunarodnog standarda za testiranje“ prije dobivanja akreditacije.

H.5.3 Akreditacija će biti važeća maksimalno dvije godine. Od „Osoblja za prikupljanje uzoraka“ će se tražiti da ponovi puni program obuke ako nisu učestvovali u prikupljanju uzoraka godinu dana prije ponovne akreditacije.

H.5.4 Samo ono „Osoblje za prikupljanje uzoraka“ koje ima akreditaciju priznatu od strane „Antidoping organizacije“ će biti ovlašteno od strane „Antidoping organizacije“ da provodi prikupljanje uzoraka od strane „Antidoping organizacije.“

H.5.5 „Službenici za doping kontrolu“ mogu lično provoditi bilo koje aktivnosti vezane za „Proceduru prikupljanja dokaza“, sa izuzetkom prikupljanja uzoraka krvi osim ako je kvalifikovan, ili mogu uputiti „Pratioca“ da izvršava određene aktivnosti koje spadaju pod opis dužnosti za koje „Pratilac“ ima ovlaštenje.

